

حقک علیا

حَقِّكَ عَلَيَّا

أَيْمَن حَسِين



اسم الكتاب: حقك علياً
اسم الكاتب: أيمن حسين
تدقيق لغوي: فريق المكتبة العربية
تصميم الغلاف: كرم سعد
الإخراج الفني: جمال عبدالرحيم
الطبعة / الأولى – يونيو ٢٠٢٠ م
رقم الإيداع: 9937 / 2020
الترقيم الدولي: 9 – 4 – 85706 – 977 – 978



arabiclibrary2017@gmail.com

almaktaba79@gmail.com



Facebook.com/arabiclibrary2017



01030365801 – 01014977934

جميع الحقوق محفوظة

للمكتبة العربية للنشر والتوزيع، ولا يجوز استخدام أي من المواد التي يتضمنها هذا الكتاب، أو استنساخها أو نقلها، كلياً أو جزئياً، في أي شكل وبأي وسيلة، دون الحصول على إذن خطي من الناشر.

سلسلة حوادث هتكون على أجزاء كل جزء فيه
روح معينة بتربط بين حوادثه أو أبطال حوادثه، يمكن
تلمسها وأنت بتقراه أو جايز تحس أن ملهمش أي علاقة
ببعض نهائي.

المهم أن كلها حاجات حقيقية بتحصل بين الناس
وبتكرر كثير مشاكل وأحداث يمكن نتعلم منها
حاجة أو نعرف دروسها بعدين.

مقدمة

ساعات بتقابل حوادث كثيرة بين طرفين يحصل بينهم مشكلة بتكون متلخبط فيها ومش عارف يا ترى مين المفروض يقول لمين حقك عليا، يا ترى مين غلط في حق مين ومين ظلم مين، بعض العلاقات بتكون مربكة ومش قادر توصل للحقيقة أو اليقين في الحكاية عشان تقول مين كان صح ومين كان غلط، مين كان باقي ومين باع، مين السبب في نهاية الحدوتة ومين كان سبب أنها تستمر لآخر لحظة وكان نفسه تكمل.

حقك عليا هي جملة المفروض تتقال من طرف للطرف الثاني بعد نهاية كل علاقة، هي شيء واجب حدوثه لأن مفيش علاقة بتخلص من غير سبب، لازم يكون حد سبب في ده حتى لو كان بدون قصد، ممكن بتهور باندفاع بعصبية بغباء ببطء في اتخاذ قرار أو استعجال فيه، ممكن استهتار أو حتى أنه مخدش باله من حاجة في وقت كان لازم ياخذ باله منها، أو حتى سوء فهم أو سوء نية في حاجة حصلت مكنتش زي ما اتفهمت، بس للأسف لازم يكون فيه سبب، أصل العلاقات مش بتخلص بالصدفة يعنى.

وأنا قاصد هنا العلاقات الحقيقية اللى بجد، حب وتضحية وتفاهم وود ومواقف حلوة كتير بينهم ومواقف صعبة يمكن تكون أكثر من الحلو وعدوها سوا وسامحوا واستحملوا بعض في حاجات كتير حصلت، ذكريات مليانة فرح ووجع، ترابط كبير بين قلبين ساكنين روح بعض في سنين طويلة بين شخصين حقيقيين من غير أى دوافع لده غير انهم عايزين بعض ويحبوا بعض بجد.

بس للأسف بييجى وقت معين والطريق بيوقف، وفي العلاقات المقصودة هنا بنقف كلنا بمن فينا أصحاب العلاقة نفسها مش عارفين هو مين المفروض يقول لمين حقك عليا، هو ولا هي!

اللى اتمسك للآخر ولا اللى تعب واتكسر ومشي، اللى صمم على انه يكمل الطريق وعنده أمل وشايف أن الحياة مش ممكن تستقيم في البعد وان قرار الفراق ظلم للطرفين ولا اللى مات من جواه وفقد الأمل وكفر بكل حاجة في الحكاية ومش مؤمن بأى شيء ممكن يحصل رغم كل الحاجات والبراهين اللى بتتقدمله بس برضو بيكون انتهى جواه كل حاجة من كتر ما شاف واستحمل تعب وضعف، ضعف لدرجة موت إحساسه، وللأسف بيكون حبه ومشاعره ملهمش عليه أى سلطان أو إرادة ممكن انها تأثر فيه وتخليه يرجع تانى زي الأول وبيكون شايف كل حاجة بتحصل حواليه

عشان تطمئنه ومش قادر يصدقها رغم أنها حقايق واضحة جداً بس برضو تلاقيه بيقول لنفسه بمنتهى القناعة كل ده كذب ومش هآمن غير بموت الحكاية لأننى عشت الوجدع بكل تفاصيله ومش مستنى قلبى يحس تانى منكم أي حاجة.

بعد تفاصيل كثير وقت طويل هيعدى، تفضل تحلل وتذاكر وتشوف يا ترى مين هيقول للتانى حقك عليا وبرضو تبقى لايص ومش عارف لدرجة أنك لو حكم ما بينهم يبقى نفسك تقول للطرفين حقكم عليا.

السبب الحقيقى فى ضياع كلمة حقك عليا ومش عارفين يا ترى مين صح ومين غلط، مين ظالم ومين مظلوم هو الضعف، ضعف الاتنين فى وقت واحد كان على الأقل مطلوب واحد بس منهم يبقى قوى أو ياخذ باله عشان الحياة متسرقش منهم حاجة مهمة بينهم يمكن كانت حلم حلموه لسنين وراح لمجرد فترة صغيرة جداً ضعفوا فيها ونخادوش بالهم من بعض، زى تقريباً كل الحوادث اللى فى الجزء ده والاجزاء اللى بعد كدة إن شاء الله، كلهم ضعفوا فى الوقت الغلط ومنهم اللى ضعفه خلاه يدور على مصلحته فى مكان تانى مع ناس تانى يمكن ينسى، وللأسف كان معظم الوقت أكبر غلطة ارتكبوها لأن الارتباط والجواز والبيوت لازم يبقى فيها حزن بنرتاح فيه، مش مجرد بيت شكله حلو ومستوى معيشة معين مع شخص

شايين أن هو مناسب أو ((كويس)) زى ما بيتقال دايماً، البيت معناه الحقيقي في شخصين يبحبوا بعض بجد وبيرتاحوا جوة حزن بعض مش أكثر من كدة.

هنشوف الحواديت اللي هنا ونفكر يا ترى مين المفروض يقول لمين حقك عليا ، يمكن لو حصل واتقابل أبطال الحواديت دي تانى وجمعتهم صدفة تانى بعد سنين أو شهور أو حتى بعد أيام حد فيهم يكون شجاع ويقول حقك عليا وهو مقتنع أنه لازم يقولها.

(الحدوتة الأولى)
ست البنات (جميلة)

فالحب كعادته دوماً
يقتلنا عند المشهد الأخير

بدايات مجنونة لم تكن بها مقدار أنملة من تعقل، فرح.. جري.. مرح
ضحكات.. شغف واشتياق، حزن كبير لم أره حتى في أحلامي. بدايات
مربكة حد ارتباك قائد طائرة نفذ وقود طائرته فجأة وهو في منتصف
الرحلة، ماذا يفعل وهل يعلن ذلك أم يظل الموت المحقق للجميع سراً حتى
على طاقم طائرته.

لم تكن علاقة عادية فكيف مع أول لقاء بينها يمتد الحديث لساعات
طوال عن كل شيء في حياته دون أي خجل أو إحساس أنها شخص ما زال
غريباً عنه لا يجوز الحديث في كل هذه التفاصيل في الموعد الأول وخصوصاً
أنه شخص كتوم إلى حد ما ولا يسهل عليه أن يصرح بما تحويه نفسه من
أوجاع أو مشاكل خاصة، ولكن هذه المرة تحدث إليها وكأنها صديقة العمر
منذ سنوات وسنوات، بلغ بهم الأمر لتبادل الحديث والنظرات وهمسات
العيون التي اخترقت روحه في لقاء أول، الشيء الذي لا يستطيع معه
تصديق ما إذا كانت هذه هي المرة الأولى حقاً أم أنها تبادل العشق لمرات
ومرات حتى ذاب كل منهما في الآخر.

كيف لموعد بعد حوالي شهرين من التعارف بالصدفة عن طريق أحد الأصدقاء المشتركين ومحاولته أن يحدثها وأن يقابلها وهو ما تهربت منه لمدة شهرين كاملين، لكنه لم ييأس حتى وافقت أخيراً بعد أن تأكدت أنه رجل مهذب وعلى خلق فعلاً ، وربما هي صدفة من عند الله حتى يلتقيا كما حاول أن يقنعها بذلك طوال تلك المدة، فكان يشعر نحوها بشيء ما غريب يشده إليها ؛ فقرر أن يعرف ما هو هذا الشيء؛ لذلك كان الإصرار على تلك المقابلة التي كانت أروع بكثير مما تخيله عقله.

كان موعداً خيالياً بكل ما تحمل الكلمة من معنى، وكيف كانت لحظة مغادرتها بعضهما البعض بقبلة غير مرتبة لم تكن مقصودة، ليست من هذا الكوكب، ظل يذكرها لسنوات وسنوات ، قبلة لمست قلبه بشفتيها، داعبت كل مشاعره، أسرت كل حواسه، قبلة لثوانٍ عصفت به وأدخلته إلى عالم ملون بكل ألوان الطيف المبهجة غير هذا العالم الباهت الذى يعيشه، والغريب أنها كانت المرة الأولى فكيف يحدث ذلك مع لقاء أول؟! كيف لرجل مثله بكل تجاربه وهو يقترب من عامه السادس والثلاثين أن تفعل فيه كل هذا قبلة، مجرد قبلة واحدة فقط.

والغريب أن آدم لم ينظر لهذه الفتاة على أنها سيئة الخلق مثلاً أو كيف تسمح بذلك في أول لقاء بينهما أو أنها تفعل ذلك أينما كانت ومع أي شخص أيا كان هذا الرجل الذي تجمعها معه الصدفة، لم يظن فيها سوءاً لحظة، بل شعر كم هي طبيعية بريئة جميلة الروح فكانت جميلة وهي حقاً جميلة.

فكان إحساسه هو المحرك الأهم بالنسبة له فشعر للحظة وهي بين أحضانه أنها ستكون شيئاً جديداً له، حياة جديدة سيحياها أو ربما ستكون هذه هي طعنته القادمة؛ فكثيراً ما استفاق على الطعنات في كل قصصه السابقة أو بالأدق قصتيه السابقتين.

ويتجدد لقاء جميلة، فقد كانت اسماً على مسمى؛ جميلة وهي جميلة في كل شيء، الطباع، الشكل، الرقة والجازبية، ماذا يسبح في هذه العيون من سحر غير مكرر في هذه الدنيا، ماذا بين شفطيك يفتك بقلبي هكذا، ماذا يداري كل هذا السحر، كيف لهذا الجسد الأشبه بحجر كبير من العقيق قد نحت لدى كبير نحاتي العصور اليونانية القديمة، تشعر فجأة أنك تقابل أفروديت إلهة الحب والشهوة والجمال وجهاً لوجه وأن كل ما كتب عنها في الأساطير وفي مادة التاريخ بين يدي آدم الآن، ما بها مستحيل أن يكون موجودا في امرأة أخرى صادفها طيلة حياته أو أي امرأة أخرى على

الإطلاق، فهي بكل تفاصيلها لا شيء يضاهيها في هذا الكوكب ولا يستطيع وصفها أعظم الشعراء، كيف كان طعم شفيتها وحضنها كيف كانت جميلة جميلة لهذا الحد؟!

لم يكن يعلم أن هذه اللقاءات المتتالية كل يوم بالساعات ستنبئ عن امرأة ستكون له حبه الأبدي، امرأة هي أمه، أخته، صاحبه عشيقته، حبيبته، والأهم من كل هذا أنه كان دائماً يشعر أنها ابنته وما أجمل أن تكون جميلة هي ابنتك.

كان آدم منبهراً بكل ما تفعله معه من أشياء لا تستطيع عشر- نساء مجتمعات أن يفعلنها، كيف كانت هذه الفتاة وهي في عمر السادسة والعشرين تستطيع أن تفعل كل ذلك مع رجل يتسلل من قصة لم تبق فيه شيئاً يستطيع أن يشعر به مع أخرى.

كان آدم على يقين أن مسألة الحب أصبحت مستحيلة وبعيدة تمام البعد عنه بعد قصته مع هذه الفتاة التي أحبها بشكل يشبه الجنون اعتقد وكان اعتقاده خاطئاً أن الحب أصبح شيئاً لن يعرف الطريق إلى قلبه مرة أخرى. ولكن كان هذا ممكناً إذا لم تظهر الحياة عن وجه جميلة التي هي حقاً أجمل نساء الأرض بالنسبة له.

ولكن ورغم انجذابه لها وكم هي مبهرة له بأعلى درجات الإبهار ورغم أنها كانت تملك كل شيء يحلم به رجل على الأرض ليحبها ، إلا أن هذا الحب أخذ وقتاً طويلاً حتى استطاع أن ينطق هذه الكلمة بعد شهر عديده ربما أكثر من عام ، كان استغرق فيها آدم لينطق أخيراً ذات مرة وهي بين أحضانه أحبك، كانت اللحظة التي انتظرتها جميلة كثيراً ، كانت تحارب من أجل تلك الكلمة، كانت على يقين أنها ستأتي يوماً ما ، وبالفعل بعد أشياء كثيرة بينها وحياتة كاملة مليئة بالبهجة والفرح والحزن والمواقف استطاع أن يتأكد من حقيقة مشاعره تجاه جميلة أنه يحبها حقاً.

أحبها ربما قبل حتى اللقاء الأول ، أحب كل تفاصيلها ؛ صوتها، نداءها له بكلمة بابا ، ولحظات الدلع التي كانت تداعبه فيها عندما تريد شيئاً منه وتعلم أنه لن يوافق فكانت لها طريقة ساحرة في هذا المشهد صاحب النصيب الأكبر في سجل ذكرياته معها والذي سيظل يذكره إلى آخر أيام حياته عندما كانت تتدلل عليه بقولها له ((بابتي))، يا الله كم كانت تحطف قلبه تلك الكلمة وتلك النظرة وذلك الحزن وتلك البسمة ، فلم يذكر مرة أنه رفض لها أي مطلب على الإطلاق ، ببساطة لأنه أحبها منذ اللقاء الأول أو بمعنى أدق منذ القبلة الأولى ، فكان تصريحه بالحب بعد مدة طويلة ليس إلا ليتأكد أنه خال تماماً من أي روايب قديمة في قصة حب

عاشها قبلها وقصة زواج فاشل، أخذت هاتان القصتان الكثير من روحه وقلبه، ولكن أعادت جميلة كل شيء داخله ورتبت كل أحاسيس قلبه وكأنه معها ولد من جديد رجلاً بقلب سليم يحب ويفرح ويغار ويضحك ، حتى شكلهما معاً كان مختلفاً ، فإذا كنت سعيد الحظ فعليك أن ترى صورة تجمعهما معاً سترى جمال الحب الحقيقي في هذين الوجهين الباسمين ، فحقاً إنك تنير وتزهر مع شخص تحبه فنحن جميعاً كذلك نير مع هؤلاء الذين نحبهم ونبوننا، كم كانت جميلة وكام كان سعيدا معها وبها فهناك آلاف الصور بينهما التي تقص علينا حقيقة ما بين هذين العاشقين.

لقد أحب آدم جميلة يوماً يوماً دقيقة بدقيقة ولحظة بلحظة ، لقد أحبها بشكل تراكمي لقد احتلت كل اجزائه حتى أصبحت هي كله.

استمر يتصاعد الشوق واللهفة بينهما لسنوات حتى أصبحا شيئاً واحداً، قلباً واحداً، جسداً واحداً، آدم لا يستطيع أن يفعل شيئاً دون جميلة وكانت هي أيضاً كذلك ، فقد كان أباً وأخاً وبناً وزوجاً وعشيقاً وحبیباً، فكان لها الكثير والكثير وكانت هي أعلى ما يملك في هذه الدنيا.

ولكن كانت الغيرة هي مشكلته معها فحبه لها وتعلقه غير المسبوق بها وُلد لديه شعوراً بالخوف أن تبتعد عنه ولو للحظة واحدة، نتج عن ذلك غيرته المجنونة، فكان الحب بينهما يجعل منه رجلاً مختلفاً مجنوناً عصبياً أحياناً

كثيرة، يصنع منه شخصاً غير آدم العادي مع أي أحد من البشر- فكان لا يرى سواها في هذه الأرض ، لا يستطيع أن يتصور شخصاً آخر يتحدث معها مجرد الحديث العادي كان مهووساً بها رغم ثقته بها إلا أنها كانت أحياناً تفسر فرط الغيرة أنها قلة ثقة ، لكنها ومع الوقت أيقنت أن حبه لها هو السبب وليس عدم الثقة ؛ فعلى قدر الحب تكون الغيرة.

ربما كان مريضا بها وبحبها وربما تكون هذه هي الحقيقة أنه فعلاً كان مريضا بها.

كان آدم قد مر بتجربة زواج سابقة لم تنجح فكان رجلاً مطلقاً منذ حوالى عامين عندما التقى جميلة ولديه ولد يبلغ من العمر ٦ سنوات اسمه همزة ، كانت زوجته السابقة جميلة الشكل والخلق لكن كان ينقصها التفاهم، الإحساس بالأشياء ذاتها في الوقت ذاته كان ينقصه أحاسيس مختلفة معها ربما هذه المشاعر هي ما جعلته يتمسك بجميلة ، فكانت زوجته سمر لا تهتم بعمله مثلاً لا تدرك تفاصيل حياته، أصدقاءه، هواياته، لم تعرف عنه أكثر من كونه زوجاً جيداً إلى حد ما، ربما تكون له علاقات خارجية أو نزوات كما كانت تقول عنه إنه رجل صاحب نزوات لا يكتفى بامرأة واحدة، لكنه في الحقيقة لم يكن كذلك ؛ فوجود جميلة كان أكبر دليل، فكانت جميلة تغنيه عن كل نساء الأرض بل كل البشر أجمعين، فكانت له

كل الناس بكل معانيهم ، جميلة كانت تعرف عن عمله أكثر ربما مما يعرف هو ، وهوأيته كانت هي تفاصيلها ، عيناها كانتا دائماً مصدر إلهامه رغم خوفه منها كثيراً أو ربما كان إحساسه بالمستقبل أقوى حتى مما يعيشه مع هاتين العينين الجميلتين الجذابتين الساحرتين .

على الرغم من أن آدم كان يخشى من خوض تجربة الزواج مرة أخرى ولكن وجود جميلة جعله يفكر كثيراً في أن يعيد نفس التجربة ولكن كان لديه شعور دائم أن هذه المرة ستكون مختلفة عن تجربته السابقة ، كان يخاف الفشل مرة أخرى ولكن جميلة كانت ضمانته الحقيقية لنجاحها لطبيعة علاقته بها ، وفعلاً قرر آدم بشكل قاطع داخله الزواج من جميلة ؛ فكان يتمنى أن يعيش معها لآخر العمر ، فكثيراً ما كان يقول لها ذلك وهذه فعلاً حقيقة أنه يتمنى أن تكون عيناها آخر شيء يراه وهو بين أحضانها قبل مثواه الأخير .



لو كنت عايز تعرف يعنى إيه غيرة ست وجنونها ساعات ؛ يبقى لازم تعرف جميلة كانت ازاي مع آدم لما كانت بتشوف حد من أصحابه العاديين بتهزر معاها مثلاً ، على الرغم من أنها ساعات كانت بتحرجه انها تدخل ترد على كومنت بشكل مش مقبول على حد من دول على صورة من صورته مثلاً

أو ساعات كانت تبعت رسالة تهزق واحدة وتبقى هتتجنن عشان بتهز مع آدم ، على الرغم من أن آدم يقولها ليه ويبقى مضايق عشان شكله بقى مش حلو قدام ناس أغراب بس فى نفس الوقت بيكون مبسوط من جواه من غيرتها المجنونة لانه عارف أن ده حب وحب كبير، أصل لما راجل بيحب ست بالشكل اللى آدم حب بيه جميلة يبقى عاشق لكل تفاصيلها حتى لو كانت غيرة مجنونة محرجة له أحياناً ، وفى الغالب بيخسر اى حد حصل معاه موقف من صحابه دول ومكنش بيهتم ولا بيحس أنهم فارقين معاه، كانت دايماً هى الاهم، يمكن جميلة نسيت حاجات كتير من توترها الفترة الأخيرة، أو يمكن تناست عن عمد.

غيرة جميلة كان معاه حب وحنية أكبر من أى حاجة وأى حد فى الدنيا ، كان حضنها هو المكان اللى ببساع آدم وقت المحن والوجع من أى حاجة فى الدنيا، جميلة كانت حزن لآدم ، زى ما هو كمان كان دايماً قريب باستثناء الفترة الأخيرة ، فترة ضعفهم وهزتهم اللى للأسف معروفش إنهم بيضيعوا من بعض من غير ما يحسوا ، بس يمكن آدم مسئول أكثر من جميلة لانه هو الراجل وكان لازم يقرب منها أكثر من اى وقت تانى وميسبش فرصة لعقلها يظن فيه أنه ممكن بيعها أو يفرط فيها فى يوم من الأيام.

ياما حصل بينهم كثير مواقف وكانوا سند لبعض ، جميلة كانت بألف راجل ، بنت تعتمد عليها في الكبيرة قبل الصغيرة ، كانت كثير بتساعده في كل حاجة في شغله تعرف عنه تفاصيل كل حاجة علاقته بزمايله مع مديره يشتغل في إيه انهاردة إيه مهم وإيه يتأجل ، كانت بتفكر في كل حاجة معاه ، كانت عقله اللي يفكر به ، كانت سند ، سند بمعنى الكلمة ، وهو كمان كان دايماً معاه وعارف كل تفاصيل شغلها وبتعمل إيه وكان دايماً يديها نصايح لانه اكيد عنده خبرة أكبر لأنه كان مدير في شركة من شركات الاستثمار الكبيرة ، ولما كانت بتدور على شغل جديد كان بيروح معاها المقابلات يدور على المكان ويسأل ويظمن على الشركة دي وكويسة ولا لأ ويفضل مستنيها تحت الشركات دي حتى لو غابت ساعات عشان يبقى مظمن عليها، أصل جميلة كانت بنته وأخته مش بس حبيته، آدم كان بيخاف عليها أكثر من اى حاجة في الدنيا، كان لازم يظمن عليها كل يوم وهى رايحة الشغل أول ما توصل لازم يكلمها يظمن لما تكون في مشوار حتى لو تحت البيت وهى مروحة أو في أى مكان كان لازم يظمن عليها ، ساعات جميلة كانت بتفسر- ده أنه بيتمم عليها أو أنه عدم ثقة ، بس مع الوقت فهمت أن الراجل ده بيخاف عليها ، بيخاف من أى حاجة وكل حاجة في الدنيا ممكن تأذيها، آدم حبها بشكل هى للأسف معرفتش معناه أو يمكن عرفت بس وجعها في

وقت معين شككها فيه والثقة فيه مبعثش موجودة زى الأول ، خسارة حب زى ده ميكملش فى بيت واحد.

ياما كانوا سند لبعض فى أزمات حتى مادية كثير ، آدم مش ناسى لما كان عنده مشكلة ومزنوق عشان قسط مدرسة حمزة واتفاجىء بجميلة تتصل وتقول له انزل عايزاك أن تحت الشغل عندك ، اتخض ظن ان فيه حاجة ، نزل يجري لقها بتديله ظرف فيه قسط المدرسة ، سألها ايه ده يا جميلة وجبتى الفلوس منين ، جميلة عملت سلفة من شغلها وبتدفعها كل شهر عشان آدم مزنوق لقسط مدرسة ابنه، جميلة كانت أجمل حتى من الجمال نفسه، وكم ان كان آدم له مواقف معاها كثير وقف معاها فيها تشبه موقفها بس عمره ما افكرها ولا حس انه بيعمل حاجة أصلاً ، كان دايماً بيحس ان ده العادى وأقل من العادى لانه دايماً شايف أنها مسئولة منه ولو يقدر يجيب الدنيا كلها عشانها مكنش هيتأخر .

كان ابنها بمعنى الكلمة ، آدم لما كان بيكون عنده مناسبة أو اجتماع مهم مكنش بيلبس حاجة غير لو هى تختار له اللبس ويصور ويعتلهها ويتأكد أنه كدة كويس ، وقتها بس كان يعرف أنه شكله حلو وينزل بمنتهى الثقة وهو مبسوط ، كانت بتختار حتى لون الجزمة والحزام، جميلة كانت التفاصيل وأجمل تفاصيل ممكن تتعاش، نفس الطريقة كانت معاها بالظبط

على الرغم من غيرته الزائدة وتشديده على اللبس القصير أو الضيق كان بيتجنن لو حد بصلها كان يغير على حبيته حته منه كان دائماً عارف انها عرضه محدش ينفع يبص لها مهها كان ، يمكن كانت غيرته بتضايقتها ساعات وأوقات كان بينكد عليها غضب عنه في مناسبة مثلاً همما فيها سوا بس بيكون عارف انها أجمل وأحلى واحدة في الدنيا ، أصل الغيرة الكبيرة وراها حب أكبر.

كانت عارفة نقطة ضعفه ولما بيتخانقوا سوا كانت تقوم حاطة صورة ليها على فيس بوك مثلاً عشان يكلمها ويقولها شيلها وتغلس عليه وتقوله وانت مالك ويتخانقوا في أول المكاملة وفي آخر المكاملة يكون بيقول لها بحبك وبغير عليكى ويتصالحوا ويعدى الموقف ، وكثير اكرر نفس الموقف ، كان مجنون بيها وهى كمان كانت متيمة بكل تفاصيله.

لما آدم اتعرف على جميلة كانت صغيرة وبسيطة ورقيقة كبرت معاه سنة ورا سنة اتطورت واشتغلت على نفسها ، وجوده معاه فرق في كل حاجة في حياتها لحد ما بقت زى ما هى دلوقتى أجمل ست في الدنيا شكلاً وموضوعاً ، كان بيشفها بيسرح فيها وفي جمالها وروحها وبساطتها وخفة دمها ، كان مهوس بكل حاجة فيها ومنها ومعاه.

كانت قد مرت السنوات وبدأت جميلة تكبر في السن حتى تخطت الثانية والثلاثين من عمرها وكانت بدأت تفقد الثقة في أنه يجلبها حقاً ، فقدت الثقة حتى في وجوده معها ، فقدت الثقة أنهما سيكملان الحياة معاً مثلما كان يقول لها دائماً.

وكانت هناك محاولات كثيرة من زوجته السابقة للرجوع بالاتفاق مع أمه التي كانت تحب سمر وتعتبرها مثل ابنتها وكانت تريد أن يعيش حمزة بين امه وأبيه وتعرف كم كان آدم متعلقاً بابنه الوحيد فكان حمزة هو دائماً المحرك والمؤثر الأقوى في كل تصرفات آدم ولكن ليست في هذه المرة ، فكان آدم يرفض الرجوع لزوجته رفضاً قاطعاً وكان يريد فقط أن يكمل حياته مع جميلة ولولا الظروف المادية التي كان يمر بها التي كانت تعرفها جميلة بالتفصيل لكان الزواج قد تم منذ سنوات .

ولكن طوال هذه السنوات كانت جميلة معه أمماً وأختاً وابنة وصديقة وحيبة وكل شيء وكانت تعرف أنها تصبر على وضع مادي سيتحسن قريباً فكثيراً ما طلب منها أن تصبر حتى تستقر أموره المادية لوجود الكثير من المشكلات التي كانت تعرف جميلة كل تفاصيلها، وفعلاً لقد بدأت الأمور في طريقها إلى أن تكون جيدة ليستطيع آدم أن يتزوج جميلة .

يمكن موقف آدم مع جميلة لما كانوا بيتفرجوا على الموبيليا الى مفروض يجيبوها ويحسب محتاج مبلغ قد إيه بالظبط عشان فرش بيتهم الى بيحلموا بيه كان بيحسب الموبيليا بالكامل فاستغربت جميلة هو انت ليه بتحسب الحاجة كلها وكأنها اضايقت وقالت جملة غريبة جدا مفهمهاش (هو انت مستقل بيا عشان تجيب الحاجة كلها) آدم استغرب قوى ليه هي شايقة الموضوع كدة، ليه عندها سوء نية في كل تصرف منه وحساسة معاه للدرجة دى، ليه جاية الفترة دى بالذات وتفقد فيه الثقة للدرجة دى ومش قادرة تستوعب هي ايه عنده وحبه ليها واصل لحد فين، بس هو مقالش حاجة عن الى حسه منها ورد عليها وقالها أنا عايز أجيّب كل حاجة من فرحتى بيكى وان أخيراً هنكون في بيت واحد انتى حبيبتى سنين وبتمنى اللحظة دى تيجى وربنا يقدرنى واجبلك كل حاجة في الدنيا، وبعدين ياستى لما ينقص حاجة جيبها انتى مهو اكيد هتجيبى كتير يعنى واصلاً أنا وانتى واحد يا ست البنات يا أغلى الناس، وخذها في حضنه وقالت له ربنا يخليك ليا ونفضل سوا طول العمر، ورد عليها انتى أغلى وأعلى عندى من اى حاجة وبلاش أسمع منك كلام زى ده تانى.

الحب مش حد بينك وبينه كلام حلو وهزار طول الوقت ، الحب ده لازم يكون فيه مواقف ومشاكل تبين قيمتنا عند بعض وتمسكنا ببعض لحد فين، إنما العلاقة اللى من غير مواقف ومشاكل وحاجات تبين احنا إيه عند بعض ده اكيد يتسمى حاجة تانى غير الحب، الحب عايز اختبارات حقيقية عشان نقدر نعرف حجمه قد إيه جوانا واحنا فين عند بعض، التمسك وأنك متفرطش فى حد بتجبه مهما حصل منه ده أعلى درجات الحب والأمان ، الحاجة اللى يمكن فقدها جميلة فى الفترة الاخيرة الأمان ومكنتش صح للاسف أو يمكن نفسيتها المضطربة وخوفها من البعد عشان ظروف ادم خلاها متشوفش قد إيه الرجل ده حياته مش هتبقى حياة من غيرها، آدم جه عليه أوقات اتمنى انه يموت لو جميلة مش معاه وجوة حضنه، ومكنش مجرد إحساس مبالغ فيه وقت زعل بالعكس هو فعلاً جواه يقين أن عدم وجودها معاه فى الدنيا يخليه يتمنى يموت لأنه مش هيقدر يستوعب ولا يستحمل انه يكون مش معاه، آدم كان بيتمنى الموت فعلاً لو راحت منه الإنسانية اللى حلم أن حياته الجاية هتكون معاهها هى ،هى وبس، ورسم حياة غير حياته اللى عايشها وكأنه كان فى مرحلة انتقالية من الحياة الملخبطة المليانة مشاكل واضطراب وتوتر لمرحلة حياته فى بيت واحد مع جميلة حبيبته أم بنته اللى هتكون معاه فى كل حاجة وشايفها فى كل تفاصيل حياته هى وبس .

المواقف والحب الذى جمع بينهما كان فى الاشياء البسيطة الكثيرة التى طالما كانت بينهما ، يداهما الممتزجتان دائماً أينما كانا تشعر كإنها يد واحدة وليست يدين متشابكتين ، كم الضحكات والمواقف الخروجات والعناق بعد خصام لحظات كثيرة مليئة بالآلاف المعانى التى تقول إنها معاً وإلى الأبد .

كان آدم يحب الموسيقى فكانت هوايته العزف على آلة الكمان وكانت جميلة تحب أن تسمعه دائماً وقررت أن تتعلم هى الأخرى العزف على البيانو وكان يطير فرحاً ولكن كان يتعامل معها مثلما يتعامل مع حمزة كان ينصح ويراقب من بعيد ، كان يعلم كل شيء تفعله كان فرحه بها فى أول حفلة للهواة للعزف على البيانو فرحة لا يستطيع وصفها انتظرها أمام القاعة لمدة ٤ ساعات كاملة وخرجت تجري الى حضنه وكأنه أب فرحان ببنته فعلاً وهى كمان كانت مبسوطة بوجوده معها ، واستمرت فى العزف والحفلات وهو يشجعها ومبسوط بيها لدرجة مع أول حفلة أذيعت لها كانت دموعه تنهمر وهو يشاهدها من خلال البث الهوائى على منصات التواصل الاجتماعى ، بكى آدم كثيراً وكان الدموع فقط هى التى تصف فرحته بها وافتخاره بها ، ربما كان من أخطائه أنه فى تلك الليلة أخذها فى حضنه بعد انتهاء الحفلة فقط ولم يقص لها عن دموعه وهو يرى جميلة تلك الفتاة

الصغيرة تكبر وتتعلم وتتألق وتبهر الجميع، كيف عجز أن يصف ما كان يشعر به دائماً وهي تتقدم وهي بين أحضانها وكانت تسعى لذلك حتى تقترب منه ومن هواياته ومن أشياء تجمعها معاً أكثر وأكثر.

فكانت هذه الحفلات التي تشارك فيها جميلة هي حفلات اسبوعية وتحديدًا يوم الجمعة من كل اسبوع كان آدم رغم ارتباطه مع حمزة بالفسحة الاسبوعية في هذا اليوم إلا أن آدم غير كل شيء من اجل جميلة وكان هذا اليوم مخصص فقط لها ولحفلاتها ومتابعتها لينتظرها عقب كل حفلة ليراها ويخرجها معاً وذلك لمدة ثلاثة اشهر ونصف تقريباً كان يوم الجمعة مخصص لها فقط لم يفوت ادم حفلة واحدة طيلة هذه المدة تحت أي ظرف فكان دائماً المتابع والمشجع الأول لها ، ربما نسيت جميلة ان آدم فضل حفلاتها على ما اعتاد عليه مع ابنه كل اسبوع وشعر أن وجوده معها ومساندتها اهم من فسحة مع حمزة يستطيع تأجيلها الى يوم اخر، فكان تخوف جميلة من نهاية علاقتهم ربما يكون بسبب حمزة في يوم ما كان خاطيء تماماً، جميلة لم ترى بعض المواقف التي وإن رأت معناها حقاً لما فعلت ما فعلت، لما خافت وضعفت بهذا الشكل الذي اهان قصتهم الى هذا الحد.

فجميلة الفتاة البسيطة الصغيرة لم تعد هي الآن، بل أصبحت أنثى مبهرة بكل ما تحمل الكلمة من معنى، كبرت بين أحضانها ، كان وجوده

مؤثراً بشكل كبير على حياتها ونمطها وكل ما يدور حولها ، بالضبط كما كان وجودها مؤثراً في كل تفاصيله .

كان يكتفى بحضنه لها الذى تخيل أنها تفهم تماماً ما تحويه نفسه وما يكنه لها وكل هذا الحب والشوق والخوف أيضاً عليها، لكنه ربما سيندم يوماً ما على عدم قوله أو شرحه ما بداخلة بالكلمات ، فالنساء ومهما شعرت بحبك عليك أن يقوله لها لسانك، فالنساء مختلفات كثيراً عن الرجال فى هذا الأمر، فهذا ما فطن إليه آدم ولكن ربما بعد فوات الأوان، على الرغم أيضاً من أنه كان كثيراً ما يقول لها أجهل ما يقال عن الحب والغيرة والأشواق .

عندما كانت تحدث بينها حتى المشاحنات العادية وينتهى اليوم على زعل بينهما حتى وإن لم يكلمها فى المساء، كان يظل مستيقظاً طيلة الليل وينزل من بيته الذى يبعد عن بيتها كثيراً ، كان ينتظرها أمام بيتها من قبل الساعة صباحاً حتى تنزل لموعد عملها بعد التاسعة صباحاً ليقول لها فقط كلمته الشهيرة **حَقِّكَ عَلِيَا يَا سِتِ الْبَنَاتِ**، فربما نسيت جميلة هذا الرجل الطيب الحنون رغم عصبيته وغيرته وجنونه إلا أنه كان حقاً رجلاً يحمل قلب طفل ، فكيف لجميلة أن تسيء الظن فى حب وتمسك رجل كهذا .

وجاء اليوم الذى انتظره آدم وجميلة كثيراً أو ربما انتظره آدم أكثر منها، وفعلاً ذهب لخطبتها بعد تحديد موعد مع خالها ووالدتها حيث إنها كانت تعيش مع والدتها الست الطيبة كما كان يطلق عليها دائماً آدم هذا الاسم فكان يجب والدتها كأنها أمه بالظبط خصوصاً أنه كان يراها حتى متشابهتين فى الشكل وطريقة الكلام والثقافة وكل شيء، فكانت جميلة هى ست البنات ابنة هذه الست الطيبة رحم الله والدها الذى أنجب هذه الفتاة غير العادية لتكون قدر ونصيب هذا الرجل أو كما كان يعتقد أنها قدره ولم ولن تتخلى عنه فى يوم من الأيام.

وكانت جميلة فى غاية السعادة والفرح، إحساس ربما يصعب وصفه وهى ترى حلمًا حلمته لسنوات طويلة قارب أن يتحقق ولكن والذى لا تعرفه جميلة حتى الآن أن رغبة آدم فى الزواج منها وحلمه بذلك ربما كان أكبر من رغبتها وهذا فعلاً ما ظهر فى اللحظات الأخيرة.

لقد عاشا معاً أكثر من ست سنوات مليئة بأحداث كثيرة، حب مشكلات وجع وفرح، أشياء كثيرة كفيفة تخليهم يسيبوا بعض من زمان وحاجات أكثر كانت لازم يكملوا عشانها، هى كانت بالنسبة لآدم كل حاجة، فرحه حزنه وجعه وسعادته كل حاجة بيحسها كانت هى سبب فيها حتى لما بيكون مع ابنه حمزة مبسوط ويفسحه كانت هى سبب انبساطه ولما

بيكون زعلان معاها بيزعل مع الدنيا بحالها يمكن هي مشافتش ده كويس
ومعرفتش قيمتها الحقيقية عنده كل السنين دى ، أو يمكن كانت شايفة بس
عاملة مش شايفة لأي سبب جواها هي بس اللي عرفاه، أو يمكن بسبب
تقصير منه أنه يوصلها ده خصوصاً فى الفترات الأخيرة لأنه كان مضغوط
ومضطرب ومتوتر يمكن أكثر منها بكثير.

كان بينهما الكثير والكثير من الذكريات الجميلة والمواقف الصعبة
ايضاً، كان كل شيء يفعلته حيبان قد فعلاه معاً، لم تقصر فى حقه ولم يقصر-
فى حقها باستثناء مواقف قليلة لسوء حظه أو لظروف خارج إرادته قصر-
معها فيها، هذا ما لامته عليه جميلة يوماً ما، كيف لجميلة أن تنسى سنوات
مليئة بالمواقف والأشياء الجميلة بينها وتختزل كل ما بينها فى بضعة مواقف
لم يكن بإرادته أو حتى ربما بغباء فى الفهم فى لحظة غضب، كيف يختصر ك
شخص فى عدة مواقف على مر سنوات وهو يعلم جيداً من أنت وكيف
تفعل حتى مع الغريب ، كيف تظن أنه فرط فى لحظة يكون بجانبها وهى فى
حاجة له كيف ظلمته هكذا؟.

كيف تناست كم سامحها في بعض المواقف التي فكر فقط حينها أنها ابنته وأخته وليست حبيبته، فلو تعامل آدم مع جميلة بمبدأ الحبيبة فقط ربما انتهت الحكاية منذ مدة، لكنه كان يراها ابنته وأخته، وكثيراً بعد مثل هذه المشكلات كان يكفي جميلة فقط أن تذهب إليه وتقول له حقك عليا وبعد أقل من خمس دقائق يصبح هو المعتذر ويقول خلاص حقك انتى عليا يا ست البنات خلاص مش زعلان منك انتى بتى واى حاجة او غلط حصل اكيد انا مسئول عنه عشان انا مسئول عنك بس متعمليش كدة تانى.

ويتهى الخلاف والزعل في حينه رغم وجعه وجرحه أحياناً من بعض التصرفات إلا أنه يتخطاها وينساها وكأنها لم تكن مهما كانت كبيرة وموجعة، كيف نسيت جميلة، كيف تخلت جميلة عن رجل أحبها هكذا، ربما هو أيضاً جرحها جرحاً عميقاً دون قصد، من يعرف.

ورغم كل ما بينهم إلا أنه كان كثيراً ما يخاف من أن يطيل النظر لعينيها، فكم من المرات عندما كنتِ تحديقين في عيوني بهذه النظرة المحبة التي لا يضاهيها سحر في هذا العالم، النظرة القادرة على تحويلي لهذا المجنون المتصوف المتطرف العاشق الزاهد المرتبك المسوس، كانت نظراتك تجعلني متخبطاً بين الفرحة والخوف بين الانتصار وإحساس الهزيمة المقبلة ربما في

يوم ما ، نظرة كانت كافية لتضفي الحياة على الأرض بكاملها وكأنها أنهار الماء العذبة والأرض الخصبة والسماء الصافية، نظرة عشق لا مثيل لها بين كل العاشقين منذ بداية الخليقة وحتى نهاية الأرض، ولكن ورغم كل ما كنت أشعر به في نظراتك إلا أن إحساس الخوف والهزيمة كان يراودنى وأشعر أن نفس هذه النظرة ستقتلني في آخر الطريق.

أعرفت اليوم لماذا كنت أهرب من تلك النظرة؟ كان تعجبك وقتها وسؤالك دائماً لماذا لا تنظر لي مثلما أفعل؟ وكان ردي أخاف أن يأتي يوم تكون هذه النظرة هي نفسها مصدر شقائي الأبدي.

يا الله ، فكم كنت أشعر قرب هذه اللحظة التي تتحول فيها عيون الحياة بالنسبة لي هي نفسها إلى عيون الظلم والقسوة والغدر وإنكار العهود ، عيون تجرح لا مبالية بما ورثت وراءها من خراب ودمار ودموع وصدمة وألم سيستمر لآخر لحظات العمر.



جميلة مكتتش عارفة أنه محتاج البيت ده اكرت منها بكتير وعمره لحظة ما فكر يرجع عن الحلم ده لأنه كان بيتمنى حضنها بيته، كان شايف وجودهم سوا هو المعنى الحقيقي للبيت اللي نفسه فيه، كان بجد نفسه في بيت معاها هي وبس، حضنها كان أمل بالنسبة له يمكن كانت غلطته أنه فشل يوصل

لها ده الفترة الأخيرة لأنه كان تعبان وضعيف ومتهالك وجواه ألف حاجة بيتحدوه مش من ضمنهم أنه ميكنش معاها، جميلة ظلمت آدم بدون قصد بالضبط زى ما هو وصل لها إحساس أنه يفكر بيعد بدون قصد، ساعات كثير سوء الفهم فى لحظات ضعفنا بيقتل فينا حاجات حساسة جداً زى ما حصل مع جميلة ، رغم أن آدم استمر وقت طويل يحاول معاها عشان تفهم أنها غلطت وفهمت حاجات مستحيل كان يتخيل أنها تفهمها منه هو تحديداً لأنها المفروض متأكدة أنها روحه ومفيش حد فى الدنيا يقدر يعيش من غير روحه، آدم كان ضعيف جداً فى الوقت ده بس جميلة كانت أضعف وللأسف ولا هو تخيل لحظة أنها تظن فيه كدة وتظلمه ولا هى تخيلت انه ممكن يكون تعبان بالشكل ده ومش عايز يبين قدامها عشان عارف قد إيه هي حساسة ومستنية تفرح مش تشيل معاها هم شالته لسنين.

ولللأسف الصدف غير العادلة خلت جميلة فى موقف صعب أن يجيلها عريس فى وقت هى مقررة فيه أنها تبعد عن آدم وللأبد لأنها مش هتتحمل خذلان تانى وعازية تحافظ على اللي باقى منها عشان تحاول تنسى قصته يمكن فى بعده ترتاح، وللأسف ان ده مستحيل يحصل لأن زى ما كانت هى روحه كان هو يمكن أكثر من روحها ومستحيل الناس تطلع من بعض بالسهولة دى.

الحقيقة والأكيد أن آدم لو كان فعلاً عايز بيعد عن جميلة اللي هي بالنسبة له ست البنات كان هيبقى عندها حق مليون في المية ، بس الأكيد أنه مكنش كدة ، آدم كان طفل وخصوصاً معاها هي وجوة حضنها هي ، هي وبس .

للأسف وقت حساس كان فيه بيعمل مليون حاجة عشان يقرب منها ويفتح بيت في أقرب وقت ممكن وحصل منها حاجة خلته زعل منها وحس بالإهانة والجرح لما سمحت لنفسها أنها تغلط فيه وتبينه علناً، إنها تكتب بوست على صفحتها على فيس بوك تقول بشكل واضح لو متردد امشى ومش عايزاك في نفس الوقت اللي هو بيقول لكل الدنيا جميلة حبيبتى وخطيبتى وخلال شهور هتكون مراقي اللي بتمنى يكون عندى منها بنت تشبهلها وأغير عليهم هما الاتنين بجنون بس هفضل مها غيرت على بنتى أغير على جميلة أكثر وأحبها أكثر وأخاف عليها أكثر حتى من بنتى اللي منها. جميلة مكنتش تعرف وللاسف يمكن دى غلطته أنه قبلها بيوم واحد بس كان بيلوم أمه وأخته اللي هو مربيهما وبيقولهم لو موقفتوش كلام عن رجوعي لسمر وكتتوا راضيين عن جوازي من جميلة مش هسامحكم طول عمري ابدأ لأن كلامكم المستمر ضاغط عليا وخلي مودى وحش وجميلة حاسة أن في حاجة وانا مش عايز أخسرها وخسارتى ليها هتبقى خسارتى

لكل الناس، انا محتاج بس تكونى راضية لانى كدة كدة هتجوزها ونفسي
تكونى راضية، بس يمكن هو محبش يحكى لجميلة الموقف ده لسبيين أولهم
زى ما قولت أنها حساسة وكانت يمكن تبعد عنه لأنها عارفة أمه بالنسبة له
ايه وهى اللى ربته لان والده مكنتش موجود من وهو عنده ٨ سنين والسبب
التانى لانه عارف ومتأكد ان أمه ست طيبة بالظبط زى أم جميلة وهترضى
بس هى كان صعبان عليها حمزة وعايزة يبقى مع أبوه طول الوقت لأنها
شايقة تعلقهم ببعض إزاي وكمان مكنتش تعرف جميلة وهو كان متأكد أنه
لما يقعد معاها ويحكيها الحكاية بالظبط هترضى وتوافق وده بالظبط اللى
حصل بعد الموقف ده بأقل من اسبوع حتى وخلال فترة زعله من جميلة كان
بيحكى عنها ويقول لأمه جميلة دى أجمل حاجة فى الدنيا، حكى عنها أقصى
شياء يقدر يحكيه عن طيبة وجدعنة وحنية وحب وراحة معاها مش ممكن
يلاقها مع غيرها مهما كانت، ببساطة قال لأمه انها ست البنات وفعلاً أمه
حنت ابتدت تدعيهم وكانت عايزة تشوفها وقالتله نفسي أخذها فى حضنى
وحبيتها من كلامك عنها ربنا يكتبلك معاها كل الخير وتفرح وتتهنى
معاها.

اتوجع من تصرف جميلة وسكت كام يوم ممكن يكون لأنه فعلاً طفل
ومجنون في حبه معاها وبيتصرف بعفوية أو طفولة، بعث رسالة عتاب خائية
مش قاصد أنه ينهى الموضوع كان قاصد بس أنه زعلان يمكن كان واحشه
حنيتها وحضنها اللي بقالها كثير مش واخدة بالها أنها مقصرة معاها وبعيدة
ومش بتسأل عنه حتى بكلمة مالك، يمكن كان مشتاق لعتاب آخره حزن
كبير يحسها تانى معاها وحاسة بيه، يمكن مليون حاجة كانت مقصودة بس
الأكيد واللى مكنش يقصده أبداً البعد اللي هي حسيته من كلامه وكسرهما
ووجعها وحست أنه تخلى عنها.

كان مستنى جميلة تقول له حقك عليا مش أكثر، آدم كان يستاهل في
اللحظة دي حقك عليا من جميلة ، آدم ابنك يا جميلة مش بس حبيبك ، كثير
حضنك كان مكانه ليه بخلتى عليه في عز ضعفه، فين كلامك عن أنه ابنك
ونفسك بس تتجوزيه ومش عايزة حتى أطفال ويكون هو ابنك الوحيد
وهتبقى راضية ومبسوطة، آدم كان مصدق كلامك ده ومآمن بيه طول
الوقت ، وليه لما عدى كام يوم وصفي حتى من نفسه وقال مش مهم تقول
حقك عليا مهني برضه بنتك روحلها انت، وفعلاً راح وقالها أنا اسف
ومستول عن كل حاجة حصلت وعن أى حاجة فهميتها غلط أنا السبب
فيها بس والله مكنتش قاصد ده وحقك عليا يا ست البنات، كان لازم

تسامحيه لانه يستاهل تسامحيه، سنين عمرك معاه تستاهل، الحلو اللى بينكم يستاهل، المواقف إالى سنداتوا بعض فيها سنين سوا انتى أو هو تستاهل انكم تسامحوا بعض خصوصاً وأنكم خلاص قربتوا تحققوا حاجة حلمتوها سنين.

جميلة كانت أضعف من أنها تسامح، يمكن حسيت بالإهانة قدام أهلها عشان اتأخر أسبوع أو اتنين عن ميعاد تحديد الخطوبة ، بس هو كان متفق وعلى كلام خالها معاهم فى قعدة التعارف قال حددوا الوقت المناسب ليكم وعرفونا، وكانت جميلة معاه دايماً، وهو وسط دوامة كبيرة مخدش باله أنها كانت حساسة أوى لدرجة أنها تظن أنه لسة محتاج يفكر زى ما طلبت منه لما راح البيت يراضيه وأصرت أنه يفكر وهو وافق بعد إلحاح كبير منها أنه يقول ماشى يا ستى هفكر يومين ونتكلم زى ما انتى عايزة ، لمجرد بس انه يراضيه، يمكن كان تصرف غبي منه لانه كان فاكر أنه كدة حكيم وبيريحها، هى تخيلت أنه يفكر بجد وخذت موقف واتوجعت وحست أنه خذها بعد سنين كتير راحت على لاشيء.

جميلة هربت ودورت على دنيا تانية وشخص تانى يمكن محبتهوش بس شافت أنه شخص كويس ومناسب ودخل البيت واتقدملى ورفع راسي قدام اهلى بعد ما آدم خذها زى ما حسيت ، تخيلت لمجرد عريس جالها أيا

كان هو عرفها ازاي المهم انه واحد شاف صورها وعجبته وراح خطبها ، جميلة تخيلت أن ده الامان أن واحد يبجي يخطبك وانتي متعرفيش عنه أى حاجة، بس ده مش حقيقى ، مجرد أن واحد بيدور على عروسة وحظه خلاكى تيجى فى طريقه ولأنك جميلة كان لازم تعجيبه لانك تعجبنى أى راجل فى الدنيا بس للاسف هى انبهرت بواحد كلامه لطيف وظروفه كويسة مادياً وإمكانياته مختلفة عن آدم ورسم لها دنيا جميلة وقالها بحبك كمان وصدقت، إزاي واحدة بعقل جميلة وثقافتها وثقتها بنفسها تقبل جوازة بالشكل ده من واحد متعرفوش بيجى يتجوزها فى مدة قصيرة خلال اسابيع وياخدها ويسافر، ازاي هى اصلاً تقارن بين انها تعيش فى حضان راجل بتحبه وبيحبها فعلاً لسنين بواحد تانى لمجرد أنه لبسها دبلة فى وقت هى ضعيفة فيه وممكن تسمع وتصدق أى كلام من أى حد بس المهم ميكنش الحد ده ادم لأنها موجهة منه، وحتى لو العريس ده كويس لأن وارد يكون كدة فعلاً بس أكيد حرام بعد كل السنين دى واللى بينهم ده يضيع بمنتهى البساطة كدة، آدم حاول كثير يفهمها أنه خايف عليها بقلب الأب والأخ أكثر يمكن من خوفه على جميلة بقلب حبيب مرتبط بحبيته وخايف تضيع منه، آدم خايف يكون مصير حياتها نفس مصير حياته مع سمر جواز بعد قصة حب فاشلة لمجرد أنك حد كويس والمفروض تتجوز

وخلص، مصير ناس كثير اتجوزت بنفس الطريقة وندمت سنين ومش لاقين حل وكثير منهم بيتتهى بانفصال أو حياة من غير روح ولا لون ولا طعم وللأسف مش بيحسوا ده غير بعد الجواز بمدة، وكنا بنقول واحنا نقنع نفسنا بالجوازات اللي زي دي انها كويسة أو هو كويس.

خسارة تضيع سنين بينا يا جميله بالشكل ده، كان ادم نفسه يقولها ظلمتى، ظلمتى أوى يا جميلة، ظلمتى قوى يا ست البنات.

للأسف ان الظروف كلها كانت ضد آدم لان حتى الشخص اللي ظهر لجميلة فجأة ظهر وادم كان مسافر فى مأمورية شغل برة مصر لمدة أسبوعين تقريباً هما نفس الأسبوعين اللي وصل فيهم العريس، آدم كلم جميلة قبل ما يسافر واتفقوا سوا أنه يسيبها تهدى شوية الفترة دي لحد ما يرجع ويقعدوا سوا ويتفاهموا وكانت موافقة على كدة.

بس للأسف قبل ما يوصل القاهرة بيوم بعت يأكد معاها ميعادهم بكرة بعد ما يوصل وكانت صدمته أنها مش بترد، قلق فكلّم والدتها وكانت الصدمة أكبر وأعمق، كان حاجة أكبر من صدمة أن اليوم اللي هو جاي فيه عشان ينهى الخلاف ده ويحدد معاد كتب الكتاب لأنه فضل يفكر وقال إحنا مش محتاجين خطوبة ونكتب كتابنا فوراً، بس للأسف كان نفس اليوم ده جميلة بتلبس دبلة شخص تانى مش آدم.

يمكن مفيش حد كان قريب ليهم إلا واتصدم واتفاجيء ومش فاهم ازاي ده حصل، آدم تقريباً فقد النطق لمدة ٤٨ ساعة متكلمش كلمة وكان كل فكرته عن الحكاية من المعلومات اللي قدر يفهمها من والدتها ان ده واحد مش عايش في مصر- هو عايش في بلد أجنبي جاي فترة يتجوز ويسافر.

حجم الصدمة مهول، جرح ملهوش وصف، آدم مر بحاجات كثير في حياته بس مكسر هوش غير جميلة في الموقف ده، يعنى إيه جميلة هتتجوز وتسافر فجأة كدة بعد كل اللي بينا.

ومع ذلك بعد اليومين اللي فضل ساكت فيهم كان لازم يروح لهم البيت عشان كان جايب لها هدية لانه كان متخيل انه هيروح لها لما يرجع وتبقى جوة حضنه تانى ، راح زار أمها وهي مش موجودة وكانت المفاجأة ان الموضوع مش زى ما فهم وانها خطوبة سنة من شخص مش هيكون موجود، حس وقتها أن ربنا بيقول له لسة في أمل ، جميلة مراحتش ومتيأسش يا آدم .

بعد فترة حوالى ٣ أسابيع بعث لها فيها رسائل كثير ومكتتش بترد وهو عارف سبب عدم الرد وكان بيحترم ده فيها لأنها للأسف مخطوبة ومش

عازية تحس أنها بتغلط في حق الشخص التانى لانه ملهوش ذنب في الحكاية دى من أولها ، فقرر أنه يقابلها.

فكر كثيراً كيف يستطيع أن يقابلها ويتحدث إليها، ولم يكن أمامه سوى أن ينتظرها أمام بيتها صباحاً كما كان يفعل عندما كان يود مصالحتها ولكن كان الانتظار اليوم مختلفاً تماماً عن السابق.

قبل أن تدق الساعة السادسة والنصف صباحاً وجد نفسه يجلس في سيارته أمام مخرج شارعها حتى يرى سيارتها تتحرك وينزل من سيارته ويقف أمامها ويحدثها ، كان شعوره يتملكه الخوف الشديد ، كيف ستقبله وكيف سيكون شعورها عندما تراه ويراه ، فالأكيد أنها لن تفرح أو ربما ، فالأكيد أنها لم تفتقده فلو كانت كذلك لما فعلت ما فعلت ، ربما تستاء أو تثور أو أى شىء يحدث كان محل احتمال ، انتظرها أكثر من ثلاث ساعات عقله يصارع عقله بكم هائل من الأفكار، تارة يظن أنها مازالت تحبه ولكن الوجد يستطيع فعل الكثير وتارة أخرى يقول لنفسه ربما انتهى الحب حقاً وهذا واضح تماماً فربما جنونك بها وحبك غير المسبوق لها هو ما يجعل عقلك يرفض فكرة أنها لم تعد تحبك ، كيف لم تعد تحبك وهل هذا جائز ، كيف لحب بينهما بكل هذه التفاصيل بهذا الكم من الأشياء بينهما ينتهى في

أيام وكأنك لم تكن، كانت الأفكار قاتلة وموجعة ، فكيف سيقابلها وماذا سيقول لها .

وأخيراً ظهرت سيارتها وكانت السيارة رقم ٢٤٧ فضل يعد السيارات منذ الساعة السادسة والنصف صباحا وحتى العاشرة وقت نزولها في هذا اليوم، كم كان متعباً مرهقاً خائفاً متردداً أن يكمل الانتظار مرعوباً من فكرة أن تثور وتتركه وتمشي غاضبة، ما أسوأ أن تظلم ممن أحببتهم أكثر من نفسك، ما أصعب أن تهزم بدون أن تخوض معركة ، فهو وإن كان مقتنعاً أنه كان له معها أخطاء في علاقتها ولكنه العادى بين كل المحيين فلسنا ملائكة حتى لا نخطيء على مدار سنوات ونحن معاً، لكن ما كان يجعل وجعه أشد ألماً وقسوة أن موقفها الأخير لم يكن نتيجة خطأ منه بل هو كان في أشد لحظات حياته إيماناً بها وبقصتها وهو يفعل الكثير من أجلها لكنها أساءت الفهم وهو ما لم يتوقعه آدم أبداً أن تتركه جميلة في نهاية الطريق بهذا الشكل القاسي في اشد لحظات ضعفه وتوتره.

وقف أمام سيارتها وإذ بها تقف فور أن رأته ، لم يشعر في عيونها أنها تفاجأت عندما ظهر أمامها وكأنها كانت تعلم أنه ربما يفعل ذلك قريباً فهي أقرب إلى عقله وقلبه من نفسه وتعرف ماذا يفعل في لحظات مثل تلك.

طلب منها أن يجلس ليتحدث معها ولكنها في البداية رفضت بحجة أن لديها عملاً ومتأخرة ولكن آدم صمم على ذلك وقال لها لا بد أن نتحدث وإن كنتِ مصرة على ما أنت فيه ستكون هذه هي المرة الأخيرة، وبالفعل وافقت جميلة وذهباً إلى مكان قريب من عملها وجلسا سوياً أكثر من ساعتين يتحدثان عن كل شيء.

حاول آدم أن يؤكد لها أن فكرتها عن أنه تردد في وجوده معها لم تكن صحيحة، حاول أن يشرح كيف كان في أشد الاحتياج لها في تلك الفترة التي لم تكن تكترث لأمره بأي حال من الأحوال وكان فقط ما يشغلها كيف أصبح شكلها أمام عائلتها لمجرد أنه تأخر في الموعد أيما لم تصل حتى إلى شهر كامل، كيف كانت جميلة ضعيفة وأنانية في هذه اللحظات إلى هذا الحد، هو لم ينكر مسؤوليته وهو يتحدث، بالعكس فعل كما كان يفعل دائماً وقال ما كان يفعل معها دئماً أنا المسئول عن كل شيء وأستطيع إصلاح كل شيء في سبيل زواجنا، فأنا لا يعنيني في كل هذه الدنيا سوى وجودك معي، لم تفهم جميلة كيف كان وقتها هذا الرجل وكم الألم الذي يسيطر عليه وهو معها وهناك دبلّة لشخص آخر تحاوط إصبعها، هي لم تشعر به، لم تشعر كيف كان قوياً إلى هذا الحد إلى أن وصل به الحال لأن يقف ويقول لم ولن أعاتبك على شيء فأنا فقط من يتحمل كل شيء.

كانت لجميلة حسابات أخرى أو ربما هناك أشياء تخفيها عن آدم ، قطعاً هي لم تحب الشخص الآخر لكنها ترى أنه لم يفعل لها شيئاً لتعاقبه بفسخ الخطوبة المفاجيء الذى ربما فكرت فيه ولو للحظات ، قارنت بين زواجها من رجل متزوج قبلها ولديه ابن وبين رجل لا يرى إلا سواها أو هذا ما كان يقول لها لانه لا يوجد ما يقال فى بداية العلاقات غير الكلام الناعم والاغنيات والاحلام، فالبدائيات دائماً مبهرة وبها الكثير والكثير من المواقف المرحه والجذابة لأي فتاة خصوصاً وإن كانت تريد أن تنسى قصة اعتقدت أنها انتهت.

كانت تسيطر عليها فكرة أنه شخص (كويس) كما قالت ، لكنها تغافلت عن الحياة ذاتها بيت رجل تحبه تكون بين أحضانه ، تغاضت عن سنوات عاشتها بين أحضان رجل أحبها ولم يرَ سواها أثنائه وحييته لسنوات ، تغافلت عن فكرة حبها لآدم الذى مازال يسكنها رغم كل شيء، تغافلت عن ذكرياتها وحياتها وكل ما حدث بينها لسنوات فى مقابل شخص كويس ويحبني كما قالت، ربما احتاجت لعشرات السنوات حتى تبنى معه ربع ذكرياتها مع رجل مثل آدم بتفاصيلها معاً، التى رغم بساطتها فهى صعبة الإعادة بل مستحيلة مع شخص آخر، ربما كانت ترى انه فرصة عريس جيد يصعب تعويضه بعد سنين من عناء فى قصة ربما لا تكتمل من وجهة نظرها.



ادم حاول معاها كثير ، حاول يفهمها أن حتى خطوبتها من حد لمجرد أنه كويس ده غلط ، إحنا اللي بينا حاجة كبيرة وسنين صعب نفرط فيها بالسهولة دي ، انتى غلطتى ولازم نصلح الغلطة ونقل الصفحة ونرجع ، بس تعب وحس إنه اتهان منها أوى ، حس إنهم مكانوش حاجة ، جميلة اتخطبت وهما لسة فى فترة عتاب حتى مكانوش سابوا بعض وبعدوا فعلاً ، كانت لسة بينهم مكالمات عتاب قبل الخطوبة بأيام ومقاتش أى حاجة ، آدم حس بالرخص فى علاقتهم أوى وقال لنفسه ده لو كنا حيوانات بتتكاثر فى الشارع مكنتش دخلت علاقة تانية بالسرعة دي ، بس يمكن هى فرصة جواز وده اللي كانت شايفاه جميلة ، وللأسف مفكرتش لحظة واحدة فى الراجل اللي متعلق بيها كأنها فعلاً أمه هيعمل إيه بعدها ، بس بعد ما تعب وحس بالإهانة سكت ، سكت ومشى وهو مش فاهم ولا عارف هى مين دي ، هو الناس بتتغير ولا احنا مكناش نعرفهم كويس ، هى فعلاً مبقتش تحبه زى ما قالت ولا كانت بتقول كدة عشان يسكت ويمشي ، ألف سؤال وألف وجع وألف جرح خدهم معاه ومشى ، مشى ومش راجع تانى ، لأن جميلة اللي حبها مش هنا .

وانتهى الحديث على تردد واضح ربما تسلسل لها أو ربما عناد كبير أو ربما أنها تقول لنفسها لقد اتخذت قرارى ولا بد أن أكمل التجربة، فالفرص لا تأتي كثيراً.

فهذه أول مرة يخرج الخلاف بين جميلة وآدم إلى نطاق الأسرة، فكل مرة كانت خلافتها بينهما لم يعرف عنها أحد، هذه المرة الوحيدة التي كانت لا بد أن تثبت أنها تحبه حقاً حتى وإن حدث منه شيء غير مقصود جرحها وأخرجها أمام أهلها، فإن أبسط حقوقه عليها بعد كل ما بينها ذلك، حتى وإن توجعت منه ولكن جميلة انسحبت إلى الأبد ضاربة عرض الحائط بكل شيء.

تذكر آدم في هذه اللحظة جملة لابن خلدون:

الناس في السكينة سواء ... فإذا جاءت المحن تباينوا

ساعات في وسط ما انت خايف قوى إن حد بتحبه يسيبك ويمشى بتنسى غلطه في حقك، تنسى أنك اتباعت واتغدر بيك في عز ما انت مآمن له وواثق فيه أكثر من نفسك وده قمة الغدر، تنسى أن جميلة قبلت يكون في حد تانى مكانك، تلبس دبلة مش بتاعتك، تبقى في حضن راجل تانى مش انت بعد ما كانت مكلبشة جوة حضنك لسنين، ترجع بالذاكرة شوية تحس

أنك راجل يمكن يكون غبي لانك ساحت في حاجات كثير خلال سنين كانت غلط كبير أوي في حقك على الرغم من أنها مش كثير وأخطاء قليلة بس كانت توجع أكثر وكفيلة أنها تخلى أي راجل بيع ومير جعش تانى تحت أى ظرف، بس آدم مكنش مهتم بس غير بجميلة إنه يخليها متحسش أنها وحشة ويحسسها ديماً أنه مبيز علش منها مهما حصل في عز ما انت بتقطع وتتوجع من غلطها في حقك بتاخذها جوة حضنك تانى وتقولها انسى كل اللي حصل أنا المسئول ، للأسف آدم كان الراجل ده ، نسي كل وأى حاجة حصلت من جميلة سواء زمان أو دلوقتي لانه بيعبها ودايماً شايف إن غلطها هو مسئول عنه بس هي مقدرتش ده لا زمان ولا دلوقتي .

لكن للأسف يظهر إن الناس اللي بنسأهم دايماً مش بيحسوا بأخطائهم، ولأنك أنت بتبادر دايماً بالصلح حتى لو المفروض يحصل العكس هينسوا حتى الغلط ده لو حسوه من الأساس، ولأنك مهتم أكثر ومتمسك أكثر ومش بتفرط فيهم أكثر منهم هما هيبيعوا ويهملوا ويهينوا، أحياناً صفاتك الجميلة زى التسامح والتمسك والطيبة بتكون غباء وضعف وهزة وهي دى بتكون سبب مشاكلك .

أصعب إحساس ممكن يحس بيه إنسان هو إحساس الظلم ، إحساس صعب وصفه مهما حاولنا نقول عن وجعنا وكسرتنا وقهرنا ، ده بالنسبة للظلم اللي بيقع علينا في المطلق ، إنما الأكثر قسوة ووجع من الإحساس ده نفسه أن يكون الظلم من أقرب حد ليك أنه يظلمك ويكسرك وييجي عليك ، يظن فيك سوء وحاجات عمرها ما وردت حتى على خيالك في عز ما انت بتعمل عشانه حاجات كتير بيظن فيك ويشكك فيك وأنت بتخلص له سنين ومش شايف غيره ، إحساس بالمرارة فعلاً موجع ومؤلم ويبستمر طول الوقت معاك ، ومعنى طول الوقت هنا مش أنك بتبقى تعبان لما تفتكر ، لأ ، بتفضل تعبان طول اللحظات والدقايق عايش بألم ووجع جوة قلبك مش بيروح مهما تحاول تخبيه وتكذب على إالى حوالياك وتعافر مع نفسك عشان تستخبي من وجعك وضعفك وإحساس الظلم بس للأسف مش بتعرف ، بتفضل كدة لسنين وسنين وانت حتى مش قادر تدعى على اللي ظلمك لأنك بمنتهى البساطة لسة بتحبه هو ، بتحبه رغم صدمتك فيه ، رغم وجعك منه ، مش قادر تتمنى له حاجة وحشة ، رغم كل ده لسة بتشوفه حته منك وتخاف عليه ، الحب ده شيء قاسي ومر ومتعب ومرهق للإنسان اللي بيكون صادق في حبه لحد بجد ، ((فالحب فرصة جيدة لنهاية كل شيء)).

لأنك في النهاية بتكتشف أن مفيش قصة بتدوم بالحب مهما كان درجته ، بتكتشف في آخر السكة أنك بقيت لوحدك ومتباع لأسباب يمكن ملكش إرادة ولا سلطان عليها إلا أنك يمكن كنت جزء منها بتصرفات بسيطة وخايبة وثقة في حب شخص ليك وأنه عمره ما هيخذلك ولا يتخلى عنك بس للأسف كنت غلطان ،، انت غلطت ولازم تستحمل وجع الظلم ده وقسوته عشان تتحمل نتيجة غلطك وتتعلم لحياتك الجاية بعد كدة أن مفيش حاجة اسمها حب مطلق أو ثقة مطلقة في حب حد ليك، انت خسرت ولازم تتقبل الخسارة ، وهما ربنا يسامحهم ويمكن يتظلموا في يوم ويحسوا حتى لو ربيع إحساسك ده هيفتكروك وقتها ويعرفوا أنك مكنتش تستاهل تتظلم بالشكل ده ولا بالقسوة دي ، كنت تستاهل حد يقرب منك ويقولك مالك وقت ما كان لازم يحصل ومحصلش، متزعش على وجع قلبك من الظلم ده لأنه أكيد درس ودرس كبير وإن شاء الله هيعدى حتى لو بعد سنين في الآخر هيعدى.

أسوأ حاجة في الدنيا لما تحس انك طول الوقت متهم ولازم تدافع عن نفسك ، جميلة طول الوقت في الفترة الأخيرة كانت عندها حالة خوف ولد جواها عدم ثقة ناحية آدم عشان ظروفه الملخبطة، كان دايماً عندها إحساس

أنه هيرجع لمراته عشان حمزة لأنها عارفة قد إيه هو بيعبه والولد مرتبط بيه ، وكانت عارفة كويس أن حمزة هو نقطة ضعفه، بس للأسف ظلمته كثير وياما قال وحلف ووعد أنه مش عايز غيرها، مش عايز غير حضنك يا جميلة ، ابني هيفضل ابني طول الوقت ، بس انتي مستحيل أستغنى عنك تحت أى ظرف ، ضعفها هز ثقتها ويمكن كانت دى المشكلة الحقيقية الفترة الأخيرة عند جميلة، الثقة اللى اتهزت فيه وهو مش حاسس أن ده بيحصل ، كانت دايمياً فى وضع هجوم وهو دايمياً فى وضع دفاع ، لحد ما قتلته من غير ما تحس ، مكنتش عارفة أن لو كان لآدم نقطة ضعف كانت هى مش حمزة ولا أى حاجة فى الدنيا، انتي كنتي نقطة ضعفه يا جميلة مش حد تاني ولا اي حاجة تانية، حضنها كان مكانه الوحيد ، كانت المكان اللى بيسبب فيه نفسه لمشاعره أيا كانت ، ويمكن دى الحاجة اللى ندم عليها، ضعفه وتعبه وانكساره قدمها بالشكل دة فى آخر مقابلة بينهم وهو بيقول لها ليه عملتى فينا كدة يا جميلة ، أنا مستاهلش كل ده ، أنا مقصرتش ، أنا حاولت أعمل كل حاجة عشانك بس للأسف انتي مش قادرة تشوفي ولا تحسي، وكنت مستعد أضحى بكل وأى حاجة فى الدنيا مها كانت عشان أعيش معاكى فى بيت واحد ، بس للأسف مكنتش جميلة فى الوقت ده هى جميلة اللى حبها آدم وعاش جوة حضنها مطمئن لسنين وواتق فى وجودها معا أكثر يمكن من

ثقته في نفسه ، جميلة كانت موجهة وحاسة بخيبة أمل رغم أنه إحساس ناتج عن فهم حاجات مكتش صبح بس كانت حساه وللأسف أثر فيها خلاها تعمل حاجات مستحيل يتخيلها آدم أو أى حد في الدنيا عارف حكايتهم ، وخلاها شخصية مختلفة قوية عنيدة قاسية ومش بتحس بوجعه وتعبه لمجرد إحساسه أنها مش معاه.

جميلة كانت دايماً حاطة حمزة قدام عنيتها وقد إيه هو بيحبه ومتأكدة أنه يمكن يفضل مصلحة الولد عليها في يوم ، وكان هو ده سبب هزة ثقته في آدم وكلامه دايماً، على الرغم من أنه كان كثير بيحلف بحياة حمزة نفسه أنها بالنسبة له مش اختيار، هي قدره وحياته اللي نفسه يعيشها، جميلة من غير قصد أفقدت نفسها الثقة فيه ، يمكن معذورة ويمكن السنين اللي عدت بكل المشاكل اللي حصلت فيها ضعفها للدرجة دي، بس الحقيقة آدم كان معذور أكثر ومكنش عارف يعمل إيه أكثر من انه دايماً بيقول ويحلف ويحاول يفهمها أن مفيش غيرها في قلبه وعقله وإن هي أملها لعمره الجاي بس للأسف جميلة كانت متكسرة من جوة تعبت والمواقف اللي حصلت بينهم وغضبه وعصبيته وتهوره في تصرفات خايبة في لحظة زعله وهو عامل زي الطفل معاهها كانت بتهز الثقة أكثر وأكثر، آدم كان ضحية حبه الكبير ليها وخوفه ورعبه من مجرد فكرة عدم وجودها وأنه ميكنش في حضنها،

كان بيتجنن بيبقى مش عارف يتصرف ولا يتكلم ولا يكون رد فعله مناسب لأي مشكلة بينهم وللاسف خوفه الزايد من أنه يخسرها هو اللى فعلاً خلاه يخسرها.

جميلة لو كانت فكرت فى الفترة الأخيرة بهدوء لدقايق من غير متتحامل عليه وتحطه هو وكلامه وتصرفاته موضع شك واتهام مستمر وحست بيه شوية ولو صغيرين يمكن كانت فهمت هو إزاي وهى عنده إيه.

بس للاسف هى كانت خايفة من فكرة انه هيجى وقت ويسيبها واصبح الخوف فكرة عايشة جواها، الخوف بيقتل اى حاجة حلوة فى حياتنا ، بيضيع طعم كل شيء ممتع ممكن نحسه ، بنخاف من حاجات لسة محصلتش وبتتقوع الاحتمالات الأسوأ وللأسف خوفنا بيتحول لفكرة عايشة جوانا وبيهننا وبيخلينا نفقد الثقة فى حاجات مكنش لازم نفقد الثقة فيها فى اوقات صعبة وبيكون مفيش اى حاجة تقولى ، الخوف بيتحول لفكرة عايشة فينا بيخلينا منظمناش وينعدم الأمان جوانا ومهما حصل معانا من حاجات عشان تظمننا ومهما اتبذل مجهود عشان نحس الامان ونظمن مش هنظمن ومش هنعس الامان رغم أن يمكن يكون فيه الف دليل والف حاجة بتحصل عشان تثبت أننا غلط وكان سهل اوى تظمننا بس

للاسف مهما حصل برضوا مش هنظمن ومش هنعرف نثق ومش هنرتاح
عشان خوفنا من حاجة يمكن حدوثها نسبته صعبة جداً أو حتى مستحيلة
هو اللي مسيطر علينا وده بيخلينا نظلم من غير ما نحس .

عشان كدة لازم متخافوش ، الخوف قاسى وخيف وظالم ويضيع منا
حاجات حلوة ومهمة وأحلام كنا نقدر نحققها وبتروح منا فى لحظة ضعف
من غير ما نحس ويمكن نندم عليها بعد شوية لما خوفنا يقل ونهدى ونبعد
شوية عن المشهد ونفكر ونلاقى أننا ظلمنا من غير مناخذ بالنا وقتلنا باديانا
أجمل حاجات كانت ممكن تكون لولا خوفنا وضعفنا وده بالظبط مع
الاسف حال جميلة .

متخافوش وسلموا كل حاجة لربنا هو صاحب الغيب وطول ما احنا
على قناعة أن أمرنا بايده عمرنا ما هيحصلنا حاجة وحشة .

الخوف ييموت الإحساس ويقتل الثقة ويضيع اغلى حاجات فى حياتنا



فى المقابلة الأخيرة بينهم لما كان بيحاول يقولها ليه اتسر-عتى وعملتى
كدة حاضنها وكان بالصدفة لابس تيشرت هى اللي كانت جاياهاوله هدية
فى عيد ميلاده ، أول ما روح البيت قلع التيشرت وطبقه وشاله جوة دولابه
عشان ريحتها فيه ، يمكن مش هيلبسه تانى أبداً ، هيفضل شايله ولما يشتاق

لريحتها هيفتح دولابه ويجيب التيشرت دة يحضنه ، هيحضنه ويحسها جوة
حضنه زى زمان لما كانت دايباً مكانها حضنه هو وبس، بس الغريب ان
يكون نفس المقابلة دى آخر كلامها لآدم بعد كل ده جمل قاتلة هيفضل
فاكرها طول العمر.

أكثر شيء ظالم فعلاً أنك عشان تمشى من مكان تبخس حقه وتدور
على المواقف الوحشة بس وتفضل تحكيها وتكبرها وتفخم فيها لحد متشوف
الشخص ده كأنه فجأة شيطان عشان تريح ضميرك وأنت ماشي ، بس
للأسف فى اللحظة دى انت بتكون أبعد ما يكون عن الضمير، وللأسف ده
الى كانت بتعمله جميلة بالظبط مع آدم حتى بينها وبين نفسها.

وبمكالمة من خال جميلة فى اليوم التالى لمقابلتهم طلب من آدم انه يقفل
الموضوع نهائى وده فعلاً حصل وكل شيء اتقفل فعلياً واستسلم آدم أخيراً
وأنه مش هيقدر يستعيد حياته معها، فقد قررت جميلة أن تكمل فى خطبتها
لهذا الشخص الذى ظهر فجأة فربما هو القدر الذى طالما كان له حكمة لا
نعلمها فى حينها وربما سنعرف بعد أيام أو أشهر أو حتى سنوات حكمة ما
حدث خلال أيام قليلة من تطور كبير لم يكن أبداً فى الحسبان.

تمسك آدم بجميلة مش بس عشان خايف يخسرهما ، يمكن كمان عشان مش عايزها هي تخسره ، لأنه هو الوحيد اللي عارف مقدار حبه ليها ، هو بس اللي عارف هي عنده ايه ونفسه يعمل عشانها ايه وبيحلم بحياة معاها ازاي وهي جوة حضنه وماسكة ايده ومعاها في كل خطوة في حياته ، هو بس اللي عارف اللي كان يفكر فيه عشانها وفي شكل علاقتهم كزوجين غير الجواز التقليدي الممل اللي هو جربه او الجواز اللي بيعيشه معظم الناس ، هو بس اللي عارف إن علاقة جوازهم كانت هتكون مختلفة في كل حاجة ويمكن دة كان سبب خوفه ديباً من انهم يفترقوا عشان ميخسروش هما الاتنين الحلم دة اللي هو كان سهل جداً يتحقق وكان فعلاً قرب يتحقق ، يعني الخسارة متبادلة وبالتساوي هو هيخسرهما وهي كمان هتخسره ، هتخسر راجل اساءت الظن فيه في اكثر وقت كانت لازم تراعي توتره وضعفه وكان حقه عليها دة في مدة كانت قصيرة جداً وكانت هتعددي وبيبتدوا الحياة اللي كان راسمها آدم في خياله بكل تفاصيلها الحلوة اللي للأسف راحت مع جميلة لما هي نفسها راحت .

آدم بعد المكاملة اللي جاتله من خالها عشان ينهي معاها الموضوع فتح صورهم مع بعض وهو مش مصدق فعلاً أنهم كدة خلاص مبقوش سوا تاني وفضل يعاتبها ويكلمها ويقولها أنا عارف أننا بنحب بعض ويمكن

كثير كنتى متخيلة أنك بتحبينى أكثر، بس عارفة إيه الفرق اللى بينا، الفرق اللى بينا يا جميلة أن أنا كنت مش بس بحبك أنا كان كنت واثق دايماً فى وجودنا سوا ، مسلم أنك بتحبينى وعمرك ما هتمشى ، كنت عايش طول الوقت بيقين كبير أوي فيكى مخلينى مش شايف غير أن الطبيعى أننا سوا ومع بعض للأبد تحت أى ظرف وأى حاجة ممكن تحصل سواء مشكلة خناقة سوء تفاهم ، أى أزمة أيا كانت ومهما كانت كبيرة مش مهم لأنها هتعدى واحنا كدة كدة مع بعض مش هيفرقنا حاجة، إنما انتى كنتى قاعدة مستنية أغلط، مستنية يحصل أى حاجة بينا عشان تسحبى من رصيدي عندك بدل ما يزيد بحل مشاكلنا مهما كانت كبيرة ، بدل ما تشوفى أن إحنا مستحيل نتفارق وأنا واحد زى ما دايماً كنا بنقول ، كنتى بتهزى ثقتك فىا بإيدك ودايماً خايفة من إنى أمشى عشان ظروفى مع أن ظروفى دى عمرها ما كانت ليها علاقة بوجودك معايا وياما قلت لك إنك قدرى وروحى اللى بعيش بيها، ضعفك وقلقك هزوا ثقتك فىا وأنا من غير ما أفهم ده كنت بزود إحساسك بالهزة دى وأنا بتعامل معاكى أنك حتة منى وفهمانى وعمرك ما هتشوفى أن أى كلام أو حاجة تصدر منى فى خناقة أو مشكلة معناها نبعده، يعنى أنا زيك مسئول بس يمكن أنا أكثر عشان مخدمش بالى من اللى بقوله دلوقتى غير متأخر وسبتك لضعفك وقلقك يزيد كل يوم شوية

من غير ما أطمئنك لحد ما وصلنا لدرجة أن ثقتك فيا اتهزت تماماً وتصورتني لمجرد مشكلة عادية بينا وكلمتين خاييين منى فى رسالة انى ممكن أسيبك وأبعد عنك وحياتى تستمر عادى وننسى بعض زى ما انتى بتحاولى تعملى ده دلوقتى .

فضل باصص لصورها وهو مذهول من اللى بيحصل وكأنه فى حلم ويسألها أهرب منك فىن؟ كل حاجة فىا كل حاجة حواليا كل الشوارع الطرق الأماكن الناس ، كل حاجة انتى جواها يا جميلة، حتى مكتبى بكل حاجة فىه انتى اللى جيبها البروايز على الحيطان والساعة المتعلقة اللى بيص فيها كل شوية، الحاجات اللى على مكتبى كلها منك بس أوعدك هفضل محتفظ بكل الحاجات دى مهما غيرت مكتبى ومهما روحت هيبقوا هما أول حاجة أخذهم معايا عشان تفضلي معايا فى كل مكان أروحه .

مش لاقى حته أستخبي فيها من صورتك اللى قدام عنيا ليل نهار، نفسي بس تقوليلى عملتي إيه عشان تقدرى تنسى- كل ده بالشكل ده وبالسرعة دي، نفسي تغششيني أدوس على زرار إيه عشان أعمل ديليت لعمرى اللى عشته معاكى .

مش ناسي الفطيرة المشكلة لحوم من الدمياطي في الدقى الى كنا بنروح
 نجيبها بالليل وناكلها سوا في العربية ونقف عند الكشك نجيب كولا وميا
 وتأكليني من بتاعتك اللي هي زى بتاعتى بالظبط قبل ما حتى تذوقها، ولا
 قهاوى وسط البلد والقاعدة البسيطة وسعادتنا سوا، فطاطرى الحسين بعد
 ما نتمشى هناك بالساعات ولا مشوار المعادى وأحلى قهوة شربناها هناك
 وقد إيه طعمها واحنا سوا كان غير أى قهوة ممكن نشربها في أى مكان تانى
 أو مع أى ناس تانية، سندوتشات عز المنوفي، كلمة بابتي لما كنت بسمعها
 منك وأنسى الدنيا باللى فيها، لما باجى تحت الشغل عشان أشوفك خمس
 دقائق بس وأمشى، الورد اللي على السلم قدام باب بيتك وفرحتك بيه،
 قعدتنا سوا وانتى جوة حضني بالساعات وطعم مش هحسه غير معاكى
 انتى وبس لو عشت ألف سنة وقابلت ألف ست بعدك، السينمات المسرح
 ساقية الصاوى شوارع الزمالك ووسط البلد والمشي اللي مهما طال وقته
 مبنحسش بيه وانتى إيدك حاضنة إيديا، العشا على النيل بالليل ووقفنا على
 سطح المركب في عز الشتا وانتى مستخبية جوة حضنى من البرد ومش
 مكسوفين من كل الناس اللي حوالينا، عنيكى اللي بخاف منهم، الساحل
 وجننا سوا هناك، وانتى جنبى في العربية وحاضنة ايديا بالساعات وانتى
 جوة حضنى من أول الطريق لآخره، لمستك ونظرتك ليا وأنا بشترى

حاجات لحمزة آخر مرة وكأنك بتقولى نفسي انت وبس أب لولادى، لما كنت أستناكى وأشوفك جاية عليا وقلبي يتنطط من فرحته بيكى ومفيش مرة شوفتك فيها إحساسى اتغير طول السنين دى وكل مرة كنت بحس نفس الإحساس حتى لو كنا زعلانين سوا كنت بحسك بنتى داخله عليا وأبقى طائر من فرحتى بيكى، لما كنتى تحضنينى فى الشارع لما تيجى تاخذينى من تحت شغلى وتنزلى عشان أسوق مكانك ومش هامنا حد حتى لو هنوقف الطريق بس كان لازم الحضن ده ، مش هنسى الرمان اللى كنت بفصصه بإيدى وأجيبه مخصوص عشانك وناكله سوا واحنا قاعدين على شنطة العربية، فاكرة لما جتلك الساعة ٣ بالليل جيتلك سندوتشات عز المنوفى وخذتيها فى السبت من البلكونة لما قولتى نفسك فيها كنت وقتها اسعد انسان فى الدنيا وانا جاى مشوار ٧٠ ك رايح وزيمهم راجع عشان بس قولتى نفسك فى حاجة وانا جبتها لك فى الوقت دة.

تعرفى كنت بتبسط أوي لما رباط جزمتك يتفك واحنا فى الشارع عشان أنا أربطهولك ومخلكيش توطى فى الشارع، كنت ببقى مبسوط إنى بعمل كدة عشان كان موقف رغم بساطته يمكن يوصلك انتى قد ايه عالية وعالية عندي كنت ببقى عايز اقولك بتصرف جايز يكون بسيط او تافه إنك معايا مستحيل اقبل انك توطى حتى لو هتربطى رباط جزمتك انتى ، يمكن

متكونيش فاكرة حاجات كتير حلوة كانت بينا أكثر بكثير يمكن من اللي بحكيه ومش عارف أنساه بس هتفتكره في يوم من الأيام أكيد ، أصل انتي اللي كتتي معايا مش حد تاني .

عارفة من الحاجات اللي كانت بتفرحني أكثر يمكن ما كانت بتفرحك إيه؟ وأنا بشتريلك فانوس رمضان كل سنة وأجهولك ، ولما كنت بروح أدور كل سنة على خروف للعيد الكبير يكون شكله مختلف عن العيد اللي قبله عشان يقبوا مختلفين كنت بحس بجد إني بشترى لبنتي وببقى طائر من الفرحة وكنت بقولك لما نروح بيتنا ناخذهم معانا ونبقى عارفين مين فيهم بتاع كل سنة ، كنت بفرح بالحاجات دي وببقى طائر لما باجيلك عند البيت حتى لو خمس دقائق وأخذك جوة حضني وأقولك كل سنة وانتي طيبة يا ست البنات وعقبال كل سنة ، بفتكر لما كنت بقولك هفضل أجبلك فانوس وخروف العيد كل سنة حتى لو بقيتي جدة وعجوزة وكركوبة ولحد آخر يوم في عمري، وعلى فكرة هفضل أعمل ده حتى لو معرفتش أديهوملك هخليهم عندي حتى لو عشت ١٠٠ سنة هجيب ١٠٠ فانوس و١٠٠ خروف .

أَجْمَلُ حَاجَاتٍ بِتَحْصُلِ بَيْنَا يَا جَمِيلَةَ كَانَتْ الْحَاجَاتُ الْبَسِيطَةَ الَّتِي
مَعْنَاهَا كَبِيرٌ إِلَى مَشِّ بِتَحْصُلِ بَيْنَ نَاسٍ كَثِيرٍ، فَافْكَرْتُ مَكَالْمَتِي لِيَكُنِي فِي صَلَاةِ
الْعِيدِ لَمَّا كَتَبْتِي تَفْتَحِي الْخَطَّ وَمَتَّكَلْمَشِ طَوَّلَ التَّكْبِيرِ وَالصَّلَاةِ وَتَفْضِيلِي عَلَى
الْخَطِّ عَشَانَ أَحْسَكَ مَعَايَا وَإِنَّكَ أَوَّلُ حَدِّ أَقُولُهُ كُلَّ سَنَةٍ وَأَنْتِ طَيِّبٌ بَعْدَ مَا
أَخْلَصَ الصَّلَاةَ .

كثيراً ما حلمت باللحظة التي أراك فيها تطلين بالفيضان الأبيض كما
الملائكة ونحن معاً على المقعد ذاته لا يفرق بيننا سوى سُمْكٍ أَقْمِشَةٍ مَلَابِسُنَا
لنعلنها للجميع؛ إننا أخيراً قد تزوجنا وصرنا معاً وإلى الأبد .
فكم سرحت بخيالي للوقت الذي نعرف فيه أنكِ تحمِلين مني طفلاً
وبعد شهرين أو ثلاثة على الأكثر نذهب لعمل السونار معاً ثم نعرف أنها
أنثى، وتنهمر دموعي فرحاً بكما وأنا وأواريكِ بين أضلعي .
كيف لي أن أنسى جملتك لي ((أنا هخلف منك حتى لو غضب عنك))
يا الله عندما سمعتها أخذت روحى إلى السماء وكأننى أرى الله فيك وفي
هذا الحب غير المسبوق من الأنثى غير المسبوقه من كل نساء العالمين ، ولكن
في نهاية الأمر إنه النصيب والقدر .

ربنا يسعدك يا جميلة مش هنسى حاجات كثير بينا وهفضل شايلك
جوايا لآخر لحظة في عمري.

سأظل أحبك كثيرا وإلى آخر أيامي، سأشتاقك دوماً، سيظل كل شيء
ينتظرك، لن أغير ترتيب زواجنا وما كنت أفعله لأجلك حتى وإن لم نعد
مرة أخرى، أحبتك أكثر من أي شيء وأكثر من أي شخص مر بحياتي،
أحبتك حبي لحمزة أو ربما أكثر، أحبتك حبي لأمي، لبت الأيام تعود
وكنت أستمرو في وضع جزء من عقلي في حبك كما كنت أفعل في أول سنتين
من علاقتنا ولكنك كنتِ تكرهين ذلك ودائماً تقولين لماذا، أريد أن تحبني
بجنون بطريقة حبك الحقيقية لحبيبتك، أريد كل شيء بدون عقل فالعقل
يفسد المشاعر الصادقة، ليتني استمررت كما السابق؛ فربما لم نصل لتلك
النهاية أو ربما هي ليست النهاية ومجرد درس لنا معاً فمن يعرف، ستظل
عينك هما أجمل مكان بالنسبة لي، ستظل ابتسامتك هي ضوء الشمس في أيام
الربيع، ستظل كل تفاصيلك هي الأهم والأبقى بالنسبة لي ما حيت.

أعلم تماماً ما حدث الفترة السابقة، أعلم تماماً ما حدث من كسور وجروح وخيبة أمل شعرت بها تجاهي، لكنني ما زلت أقسم بالله إن كل ذلك ليس إلا مجرد شعور خاطيء لم يكن كذلك ولكنني أتحمّل نتيجته كلها وحدي وهذا ما حدث فعلاً فأنا هنا أموت وحدي وأتعذب وحدي وأعيش وحدي حتى لو محاطاً بألف شخص، سامحيني مثلما سامحتك على كل شيء بدر منك في الفترة الأخيرة من قسوة وعناد وتعجل في اتخاذ قرار ربما هو ما صعب الحياة بهذا القدر.

سامحيني مثلما سامحتك على كل شيء ولكن بمنتهى الصدق هناك شيء واحد فقط لا أستطيع أن أسامح فيه ما حييت وحتى بعد مماتي لن أسامح فيه ابداً، فكان هذا الشيء هو أهم آمالي وأحلامي معك، فكم تمنيت بتأ تكون أمها هي جميلة، تكون أمها هي أنتِ، فسامحتك في كل شيء إلا عن هذه الخسارة بفداحتها التي تقتلني كل يوم آلاف المرات، ولكن في الوقت ذاته أنا لا أتمنى لك غير أن تعيشي سعيدة هانئة ، حتى وإن لم تكن معاً.

آدم وجميلة حدوتة بتحصل كثير ، حب سنين بتفاصيل كثير، سنين مليانة حاجات كثير حلوة وحاجات توجع ، مشاكل عدت ، أخطاء من الطرفين في حق بعض وسامحوا فيها رغم أن ممكن غيرهم مكنش سامح ،

دمع وضحك وأحضان في فرح وحزن، قلبين فرحوا وحزنوا سوا حلموا
سوا عدوا صعب أكبر من ان أى حد يصدق أنهم يعدوه، بس للأسف في
آخر خطوة ضعفوا ومقدروش يكملوا.

هو ضعف وكان متوتر وعصبى وغلط ووجعها من غير ما ياخذ باله
انها مستنيه الغلطة دى عشان تكفر بكل حاجة وتمشي مها كان التمن لانها
ضعفت وتعبت أكثر منه ويمكن كانت في مؤشرات على كدة وده ظهر في
آخر مكالمة بينهم قبل ما يسافر لما في حوارهم سوا اللي هو لسة فاكره
بالكلمة بس مكنش فاهمه وقتها وفهم دلوقتي بس بعد ما خلصت الحكاية:
آدم: أنا هسافر أسبوعين تكونى هديتى فيهم وهدعى ربنا انه يهدى
قلبك ونرجع تانى عشان إحنا ملناش غير بعض يا جميلة وأول ما أرجع
لازم نتمم خطوبتنا.

جميلة بمنتهى الاقتضاب: ربنا يهدى قلبك انت يا آدم.

آدم: جميلة أنا حبيبك وأخوكى وجوزك وكل حاجة ليكى فى الدنيا
ومستحيل أسيبك لو حدك .

جميلة: بس أنا مش لوحدى .

يمكن ادم مجاش فى نيته ولا ورد حتى فى خياله أن كلامها ده معناه انها
بترتب لخطوبتها من وراه وهتستغل فترة غيابه عشان يرجع يلاقى الموضوع

أمر واقع وفعلاً هي مش لوحدها وفهم قصدها ايه بربنا يهدى قلبك انت يا آدم.

آدم هو السبب ، حبها بجنون ، خاف يفقدها ومجرد الفكرة كانت بتخليه لا عارف يفكر ولا يتصرف ولا يكون رد فعله مناسب يحتوي بيه المشكلة .

الخوف أوى على شخص بتحبه بالشكل ده يبلغني عقلك وتفكيرك ويخليك انت بإيديك تخسر الشخص ده نفسه .

عشان كدة متحبوش حد أوى بالشكل ده، ولو حبيت أوى متخفش أوى من فقده للدرجة دى، سيب جزء من عقلك فى علاقتك بحبيبك عشان متخسر وش .

(الحدوتة الثانية)
الاستثنائية (سارة)

نحن لا نبد ونحن حقاً إلا في مكان ما،
مكان ما واحد فقط

التعثر الكبير دائماً يأتي بغتة من حيث لا ندري، ولكن هل حقاً إننا نظل سنوات عمرنا مهما طالت نبحث عن شيء يشبهنا رغم ما نملكه من اشياء عديدة ربما يحسدنا عليها الجميع.

منتصف الأربعينيات سن مميزة لبعض الرجال لا محالة ، ولكن عندما يكون آدم هذا الرجل صاحب الوسامة والرشاقة والأناقة المبالغ بها، هذا الرجل صاحب البسمة المستمرة والتعامل برقي وذوق مع الجميع ، رجل دائم الحيوية والحركة والنشاط وما زاد على جاذبيته جاذبية بالنسبة لكثير من النساء أو حتى الفتيات الأقل منه ربما بعشرين عاماً، هذا الشعر الفضي- المنمق دائماً وهذه اللحية ذات اللون نفسه مع صوت مميز رخيم ، فعندما يتحدث إليك تشعر أنك تجلس في دار الأوبرا في الصف الأول ، كان هذا آدم الرجل الناجح الطموح صاحب ال ٤٧ عاماً مدير عام شركة من شركات الأدوية الكبيرة في مصر والمعروف عنه تفوقه الدائم في عمله ؛ فهو من أدخل الكثير من الأدوية المهمة إلى مصر وعمل أيضاً على تصنيع أدوية مهمة لم تكن تستطيع العثور عليها إلا إذا كان لديك صديق أو قريب يأتي من الخارج ليجلبها لك بأسعار خرافية.

كان رجلاً مميّزاً أحد التميز ذاته؛ فكان ذا صيت ذائع في مجال الادوية في مصر بل في الوطن العربي بالكامل حيث كان في إحدى فترات حياته عمل في إحدى شركات الأدوية الكبرى في دبي ، والآن هو مرشح ليكون مدير عام أكبر شركة لتصنيع الأدوية في مصر وبالفعل تم التفاوض معه وقبل بالوظيفة الجديدة التي لم يكن يعلم أنها ستفتح له باباً للسعادة غير المسبوقة أو ربما عناء غير مسبوق ، فهو وحده سيعلم ذلك فيما بعد.

ربما طلة آدم وكونه رجلاً معروفاً ومرموقاً في هذا المجال جعل جميع موظفي الشركة في انتظار وصوله أول يوم له بالشركة بفارغ الصبر وخصوصاً النساء ، فكثيراً ما ملأت صورته وأحاديثه المجالات الطيبة المتخصصة في هذا المجال مما جعل منه نجماً تتمنى أي فتاة حاملة أن تقابله ولو لمرة واحدة فقط.

اعتاد آدم في كل الأماكن التي عمل بها قبل هذه الشركة العملاقة أن يتواجد داخل مكتبه قبل الساعة السابعة والنصف صباحاً، فعلى الرغم من عدد ساعات نوم القليلة جداً إلا أنه يملك طاقة ونشاطاً كان دائماً يحسده عليه أصدقائه ؛ لذلك ومع أول يوم عمل لآدم في هذا المكان الجديد ووصوله إلى هذا المكتب الفخم المطل على النيل في هذا البرج العملاق الحديث البناء منذ سنوات قريبة فالطبيعي أن تكون الشركة فارغة من

موظفيها، وبالفعل لم يكن قد وصل إلى الشركة أو ربما وجد من هي أكثر منه نشاطاً ، فمع خروجه من أسانسير الدور السابع عشر- تكون في استقباله سارة.

آدم ينتظر باب الأسانسير ليفتح وللوهلة الأولى يرى وجهاً لم ير مثله من قبل، تنتظره هو وليس وجودها هنا محض صدفة ، كانت سارة على علم بوصول آدم في هذا اليوم وذلك بطبيعة حال عملها كمديرة مكتبه أو بمعنى أدق مساعدة له .

للحظة لم يعرف آدم من هي إلا عندما سبقته قبل أن ينطق بكلمة واحدة وقالت: صباح الخير مستر آدم، حضر-تك نورت المكان، أنا سارة النجار مديرة مكتبك أو تقدر تقول المساعدة بتاعتك في كل حاجة هنا، أنا عرفت أن حضرتك بتحب تبندی الشغل كل يوم بدرى عشان كدة أنا هكون موجودة كل يوم من قبل الساعة سبعة صباحاً أجهز كل شغل اليوم قبل ما توصل.

كل ذلك ولم ينطق آدم كلمة واحدة لكنه ربما قال داخله آلاف الكلمات وبدأ يتساءل من هذه الأنثى الاستثنائية ، نعم فقد بدا عليها شيء استثنائي غير مألوف بالنسبة له ، رغم علاقات آدم المتعددة في فترات مختلفة

من حياته بطبيعة حال رجل بكل هذه الظروف إلا أنه وجد شيئاً جديداً
ينتظره أمام الأسانسير مع أول خطوة له في هذا المكان الجديد.

كانت سارة تبلغ من العمر حوالى ٣٩ عاماً لكنك لن تستطيع بأى
حال من الأحوال أن تقول عنها ذلك ؛ فبعيداً عن المجاملات التى تقال
للسيدات دائماً عن عدم وضوح سنهن عليهن ، كانت سارة حقيقتها فعلاً
كذلك ؛ فإن كنت أمهر رجل في العالم وأكثرهم خبرة في النساء لن تستطيع
تحديد سنها هل هى ٢٣ أو حتى أقل بعام أو أكثر.

دخل آدم مكتبه وأمامه سارة تفتح له الباب كترحيب باستقباله الاوّل
في مكتبه الجديد وإذ بالورد الطبيعي يعطر المكان برائحة ربما هى الاجمل
بالنسبة له، هل فعلاً كانت رائحة الورد هى الاجمل أم أن روح سارة
أضافت للورد إحساساً وروحاً ورائحة مختلفة عن أي ورود استنشقتها من
قبل؟.

وضع آدم شنتطته الأنيقة التى تحمل نفس لون حذائه وحزامه وقريبة
جداً من لون نظارته الشمسية التى ظل يرتديها حتى بعد دخوله المكتب
ووقف بالقرب من زجاج بعرض المكتب المطل على النيل ثم أخيراً بدأ
يتحدث لسارة:

سارة تعرفني إيه أجمل حاجة في شغلي معاكم هنا؟

سارة : يا ترى إيه؟

آدم : شكل النيل من هنا، كتير حلمت أن مكتبي يكون في مكان زى ده بالظبط عشان أبتدى أتنفس ، أبتدى أحس ان ممكن أعمل حاجة غير الشغل أو يمكن أرجع لهوايتي القديمة.

سارة مبتسمة :ويا ترى إيه هي الهواية دي ؟

آدم : كنت شاعر أو على الاقل كنت فاكتر نفسي- شاعر بس الدنيا والشغل وبناتي أخذوا مني كتير، مين عارف يمكن أقدر ألقى حاجة ضاعت مني هنا.

قال هذه الجملة مع نظرة لم يقصد عمقها في عيون سارة التي لم تذهب عينها إلى أي شيء غيره منذ خروجه من الأسانسير .

قالت سارة: أنا متأكدة أن حضرتك هتتحب وجودك هنا وأكد هتلاقى راحتك، ووعد مني هحاول أوفر لحضرتك كل حاجة عشان تقدر تشتغل كويس وتكتب كمان أحلى حاجة نفسك فيها، هتلاقيني دايماً معاك.

كانت ردود سارة مخيفة بالنسبة للقاء الأول داخل المكتب الحلم بالنسبة لآدم، ربما خاف من أن تكون بداية لقصة تعصف به وهو رجل متزوج وزوجته امرأة جميلة رقيقة وتحبه كثيراً ولديه بنتان.

الكبرى ميرنا ١٤ سنة والصغرى هيا عشر- سنوات، لكن لم يكن مختلفاً عن باقى الرجال فى سنه، بعد ١٦ سنة زواج لا يوجد سوى الملل والروتين وعدم التفاهم المعروفين فى جميع البيوت باستثناء البيوت التى توجد بها امرأة ربما تكون مثل سارة أو على الأقل هو ما يعتقد آدم بعد ساعات قليلة من مقابلتها.

سارة النجار هى سيدة مطلقة منذ عام والنصف تقريباً، من أسرة متوسطة تعيش مع ابنتها الوحيدة أيسل، وبالمصادفة كانت من سن ابنته الصغرى هيا عشر سنوات، فى شقة بكموباوند مشهور بالقاهرة الجديدة وللمصادفة أيضاً كان آدم يسكن نفس الكومبوند.

عندما ترى سارة للمرة الأولى لا تستطيع النظر إليها طويلاً كأنها نور الشمس فى وقت الظهيرة، امرأة فاتنة مكتملة الأنوثة صاحبة عينين واسعتين جميلتين وشعر طويل يصل ربما إلى آخر ظهرها بنى اللون كما كان لون عينيها حادتي الذكاء الذى هو أخطر ما فيها، ترى رقة ودلال وربما خجلاً أحياناً، ترى فيها فتاة فى عمر ابنتها شقية لا تمل مداعبتك مهما طال المكوث معها بها روح تجذب إليها أعتى الرجال؛ فكم من الرجال حاولوا

الوصول إليها ولكن لم يكن للجميع إلا الهزيمة على أسوار أنوثتها وذكائها واكتماها بكل ما يلزم لامرأة حتى تصبح ملكة جمال الأرض.

وبعد أن تحدثت سارة مع آدم حوالى خمس دقائق وجدها تصب له فنجان اسبريسو من ماكينة اسبريسو جديدة كانت على منضدة جديدة أيضاً فى أحد أركان المكتب قد اشترتها سارة خصيصاً له لأنها تعلم أنه يجب مشروب الاسبريسو ويحتسى منه الكثير على مدار اليوم ولكن كيف لها أن تعرف وكيف لها أن عرفت أنه يشرب قهوته بدون سكر أيضاً، كان آدم ينظر لها بهدوء غير مبالٍ بما تفعل ، فكان رجلاً متزنًا هادئ الطباع أو ربما كان كذلك مع الأشخاص العاديين بالنسبة له ولكنه مليء بأسئلة تشور داخله عنها، من هذه السيدة؟ من أين هى وكيف تعرف عنى كل هذه التفاصيل؟ نحن حتى لم نتقابل ولو مرة واحدة من قبل ، باغته قاطعة شرود ذهنه: مستر آدم عجبك الاسبريسو ولا أغير النوع؟ ، فرد آدم بكلمة واحدة فقط : لأ تمام ، ثم استأذنت سارة وأغلقت معها باب المكتب ولكنها فتحت فى روحه كما هائلاً من الأسئلة التى لم يعرف لها أجوبة ، أطاحت بسنين استقرار طويلة رغم برودتها مع زوجته هاجر لم يشعر معها ولو للحظة برغبة فى امرأة كما باغته هذا الشعور الغريب للحظة وهو مع سارة ، نسي-

لمدة ساعة أو ربما أكثر أنه مسئول جديد بالشركة ووصل إلى هنا لتطوير بعض خطوط إنتاج الدواء والاتفاق على مجموعة جديدة من الأدوية الحديثة التي تعالج بعض أمراض السرطان ، وفجأة استفاق من شروده وسرحانه على خبطة رقيقة على باب مكتبه في حدود الساعة التاسعة صباحاً وكانت هي أيضا سارة، إذ بها تستأذن منه لدخول بعض موظفي الشركة الكبار للترحيب به والتعرف عليه ، فرحب بهم طبعاً وتعرف عليهم ولكنه لم يكن معهم رغم وجوده معهم في نفس المكان لكن عيونه كانت تذهب دون قصد لسارة التي كانت ترمقه بنظرات خفية طول الوقت منذ وصوله وحتى الآن.

مر أول أسبوع بين آدم وسارة وهو يقضى معها أوقاتا طويلة يتعرف منها على كل تفاصيل الشركة، فكانت هي خير مساعد له حقاً كانت بالاضافة إلى جمالها وذكائها عبارة عن شعلة نشاط وحرارة ، ببساطة كانت شاطرة جداً.

يوم الجمعة الأول بعد نهاية أسبوع مليء بالعمل والتفاصيل الكثيرة عن الشركة ومشاريعها وخطة التطوير المكلف بها آدم من قبل مجلس إدارة الشركة ومليء أيضاً بساعات كثيرة أمضاها آدم مع سارة داخل مكتبه الذي

كان يمر الوقت داخله كالبرق فكان يخرج من مكتبه كل يوم بعد الساعة الثامنة مساءً، والغريب أنها لم تكن توافق أن تتركه ابداً رغم إلحاحه عليها يوماً بالذهاب لبيتها بعد انتهاء ميعاد عملها الرسمي في الرابعة عصراً لكنه اكتشف بها صفة جديدة؛ العند، فكانت سارة عنيدة جداً، لمس بشخصيتها الإصرار على تحقيق أى شيء تريده ، فهي إن قررت شيئاً فلا بد أن يكون ، ولكن لم يكن أحد يعرف ماذا قررت سارة بالنسبة لآدم بعد ، فهي لا يبدو عليها إلا الجدية والالتزام في العمل معه، دؤوبة بشكل لا تتوقع معه أن هناك أنثى بكل هذه المفاتن تستطيع أن تكون بهذا التفانى في العمل رغم اهتمامها بمظهرها وأناقته وكل تفصيلاً بها توحى لك بعالم خفي وراء كل هذا الجمال الصارخ.



في يوم العطلة الأسبوعية كانت بداية خطر حقيقى يداهم آدم وكما عادته الاستيقاظ مبكراً ليشرب قهوته الصباحية ويدخل المطبخ لإعداد الفطور لميرنا وهيا حيث اعتاد تحضير الفطار كل جمعة وسبت ثم يجلس معها ويحدد خطة يومي الإجازة كما عودهما على ذلك كل أسبوع، فكان آدم صديقاً لهما ليس أباً فقط وكانتا تحبان وجوده معها رغم تقديرهما لظروف عمله إلا أنهما كانتا تعبان عليه بانشغاله طيلة الأسبوع لذلك كان يوماً

الجمعة والسبت لا شيء يشغله سواهما، وبالطبع كانت هاجر جزءاً من هذين اليومين فهي أمهما ووجودها معهم يكمل ألفة الأسرة وسعادة بناته. إحساس غريب شعر به آدم وهو يشرب قهوته ، هل هذا معقول!؟ إنه يفتقدها، آدم يفتقد لقهوة الاسبريسو من يد سارة، يفتقد وجودها فور فتح باب الاسانسير عند وصوله مكتبه، الأمر الذى أصبح عادة يومية أن تصل مبكراً وتنتظره ليس فقط كان للترحيب به في أول يوم، افتقد خمسة أيام كانت جواره معظم ساعات اليوم ، كيف في أسبوع واحد تأثر بها هكذا ، كيف تجرأت على سرقة جزء كبير من تفكيره حتى وهو في إجازته مع ابنتيه وزوجته ، شعر آدم بشعور غريب ليس غضباً وليس سعادة لكنه شعور غريب بينهما ، فقد كان رجلاً صادقاً مع نفسه قبل أن يكون صادقاً مع الآخرين ، كان يود أن يضع تعريفاً لهذا الشعور ولكنه لم يستطع، لذلك وجد نفسه في موقف لا يعد كذباً بل هو لا يصدق نفسه لأنه إحساس بالوحشة والافتقاد الحقيقي فعلاً.

مع بداية أسبوع جديد وهو اليوم الذى انتظر آدم الساعة لتمر بفارغ الصبر في أيام الجمعة والسبت شارداً معظم الوقت حتى أثناء خروجه مع أسرته كان كذلك يتعجل الساعة في المضي ، فهو يريد أن يذهب إلى العمل حتى يفتح باب الاسانسير ويرى سارة ، يرى البهجة والنور يشعان من

جديد، فكم كانت هذه الإجازة مملّة رغم كل الفسح والهزار والمداعبات مع ابنته أعلى من يملك كما كان آدم دائماً يقول.

وفتح باب الأسانسير وإذ بسارة كما اعتاد مكانها في آخر الرواق وقبل باب مكتبه، يدخل آدم دون أن ينطق حرفاً سوى صباح الخير في نبرة تبدو عليها الحدة غير المبررة، استعجبت سارة وقالت بمنتهى الرقة: مستر آدم تعرف أن صوتك حلو وانت بتقول صباح الخير، بحسك مذيع راديو كدة، وتركت فنجان القهوة بعد أن أعدته له سريعاً متمزجاً ببسمة خفيفة منها وذهبت لمكتبها المجاور لمكتبه.

بعد أقل من عشر دقائق اتصل آدم على مكتب سارة وطلب حضورها فوراً، وبعد دخولها فعلاً قال لها: انت ليه مش معايا هنا مش ده أول الأسبوع وورانا شغل كتير والمفروض وقبل أن يكمل آدم كلماته قاطعته سارة بكلمة واحدة بصيغة سؤال: **وحشتك؟؟**

صمت أو صدم من سؤالها المفاجيء له وكأنها قالت ما يريد أن يقول حقاً ولكنه راوغ كثيراً ثم نطق: اكيد وحشني الشغل وانت موجودة، عندنا شغل كتير خليكى معايا.

سارة : انت بقى وحشتنى مش بس عشان بنشتغل مع بعض ... هو أنا المفروض لو حسيت ده أقوله عادى ومتقولش عليا إنى ست مش كويسة .

آدم : مستحيل أقول عنك ست مش كويسة .

سارة : يعنى وحشتك؟

آدم: دى أول مرة فى حياتى أستنى الاجازة تخلص بالشكل ده .

سارة : يعنى وحشتك؟

آدم: تفتكرى فى تفسير تانى غير كدة؟

سارة : يمكن الشغل زى ما قولت .

آدم : يمكن مش مصدق أو متخيلتش أنك ممكن توحشيني وتأثرى

عليا وعلى تفكيرى بالشكل ده أو بمعنى اصح بالسرعة دي ، أو يمكن

أكون خفت أقول ده وأحس أنك عادى محستيش حاجة شهي مثلاً .

سارة : لا حسيت وحسيت كمان أنك كتير كنت عايز تكلمنى فى

الاجازة بس ترددت ، وحسيت كتير أنك فتحت صورة الوتساب بتاعتى

١٠٠ مرة كل يوم عشان تشوفنى ، وحسيت قد إيه الوقت كان طويل وممل

بالنسبة لك ونفسك تيجى الشغل عشان نبقى سوا .

آدم : سارة فى ايه ؟ أنا مقولتش ولا حاجة من كل ده .

سارة : بس أنا قولت إالى جواك عشان أنا عملت كدة بالظبط ومش هتكسف أقول إن ده حصل معايا وأكثر منه كمان.

آدم بضحكة بمنتهى التعجب: وبعدين يا سارة أنا خايف جداً بصراحة ، انتي مش قلقانة من اللي بيحصل ده؟ إحنا سوا مكملناش أسبوع.

سارة: بالعكس أنا فرحانة من كل اللي بيحصل ده، هتصدقني لو قولتلك إنى من أكثر من ١٣ سنة محستش أن فى راجل واحشنى ، محستش إنى ممكن أكون مبسوفة ومنورة كدة من ساعة ما كنت مخطوبة لعمرو قبل ما أتجوز أمجد.

هنا استفاق آدم على قصة قديمة ربا ما زالت تحفر في روحها مجرى من ألم لم يطب بعد ، ثم قال لها:

سارة انتى كنتى مخطوبة قبل جوازك بوالد أيسل ؟

لم يرد أن ينطق اسمه حتى، فكان اعتزازه بنفسه يجعله لا يستطيع أن ينطق اسم رجل آخر له علاقة بأنتى داعبت مشاعره حتى ولو كان يعرفها منذ أسبوع واحد فقط.

سارة: أيوة يا آدم واسمحلئ لما أحكيك عن حاجات خاصة أشيل التكليف وأقولك آدم بس من غير مستر.

آدم: أكيد هحِب اسمي منك من غير مستر أكثر.

سارة: طيب يا سيدى أنا هحكيلك حكايتي بالظبط بس متزهقش من تفاصيل بقى عشان ساعات بيتقال إن من حبى للتفاصيل بكون رغبة شوية.

آدم: لا طبعاً أنا مهتم أعرف بالظبط الحكاية، اقفلي التليفون بقى وتعالى

على كرسيين أزرقى اللون بينهما منضدة خشبية صغيرة أمام زجاج المكتب، وأمام هذا المنظر البديع للنيل مع سطوع شمس مارس الجميلة الذى يعتبره آدم هو أجمل شهور السنة حيث ولدت ابنته الكبرى ميرنا الجميلة، جلسا معاً وبدأت سارة السرد...

سارة: كنت فى تالته جامعة اتعرفت على عمرو، كان أكبر منى ب ٨ سنين وبيشتغل فى شركة من شركات الاتصالات، كان مهندس شاطر، حيينا بعض جداً، مكنتش بشوف فى الدنيا راجل غيره ارتبطنا خمس سنين أو يمكن أكثر، عملنا فيهم كل حاجة فى الدنيا ممكن تتعمل بين اتنين مرتبطين، حبنى جداً وكنت بحسه أبويا وابنى، كنت بتمنى من الدنيا بس حضنه يبقى ليا أنا، حبيته بشكل يمكن خلاه ميخدش باله ان ليا حقوق عنده، كان ساعات بيهملنى أو بمعنى تانى كان ضامن وجودى معاه،

اتخطبنا آخر سنة وكنا خلاص كام شهر ونتجوز، كان دايمياً بيحلف إنه بيحبني بس غصب عنه مع الضغوط والشغل ممكن يكون عصبى ، كان دايمياً يقولى انه مش بيكون عصبى كدة ومنفعل بالشكل ده غير معايا عشان بيحبني بشكل مجنون، ولما بنتخانق مش بيبقى شايف حاجة قدامه وخايف الموضوع يكبر ونبعد ، كان مجنون بيا ، حاول يسعدنى على قد ما يقدر، هو كان ماديا مش قوى زى أى حد فى الفترة دى من حياته، من أسرة متوسطة ويكون نفسه ويحاول نبقى سوا جوة بيت حتى لو أوضة وصالة ، كان دايمياً يقولى كدة انتى روحى والحياة من غيرك مش ممكن تستقيم ، بس للأسف ابتديت مع مشاكل حصلت بينا فى الفترة الاخيرة أحسه عصبى جداً وكنت خايفة مقدرش استحمل عصبته دى بعد الجواز، كنت ساعات بخاف منه اوى بس فهمت بعدها بكام سنة لما التجوزت إنى كان لازم أخاف عليه مش منه لانى صدقت بعد سنين من حاجات كتير شوفتها فى حياتى أن الرجل لما بيحب واحدة بيخاف عليها اوى ويغير زى المجنون ويكون عنده هوس أنها تبعد خصوصاً لو كان عنده ظروف أيا كانت هي إيه ممكن تخليها تبعد حتى لو بتحبه ولو جمعهم بيت بيهدى وبيظمن وعصبته اكيد كانت هتقل واكيد كنا هنبقى كدة لو كنا وصلنا لمرحلة الجواز، عمرو كان حنين بس عصبى بس كان بيهدى بعدها بخمس دقائق ويعتذر ويجيلى

ياخذنى جوة حضنه ، هتصدقنى لو قولتلك إنى لسة فاكرة حضنه لحد دلوقتى ، المهم عشان مطولش عليك حصل منى موقف زعله أوى وهو كان على غير العادة خد جنب كام يوم وده مش عادته فأنا بغباء أي بنت فى الموقف ده تخيلته عايز يبعد ويسينى فقررت أسبيه أنا الأول، ومش بس كدة انا قررت أعاقبه على كل السنين اللى كنت مصدقاه فيها، وقلت لنفسى- انه ميستاهلش إنى أحبه ومكنش قد السنين دى كلها.

آدم : معقول بعد حب كدة وسنين كدة قدرتى تشيليه من جواكى بسهولة وتمشي؟.

سارة: أنا شيلته من حياتى بس أكيد معرفتش أشيله من جوايا لسنين ، عمرو كان تفاصيل أحلام لمسة إيد حبيبتها حضن كان بيظمنى، ابنى اللى مخلفتوش ، دموعه لما كان بيبقى موجه لسة حاسة براءتها وهى بتنزل وأنا حضناه من غير ما يتكسف منى ، باختصار عمرو فى خمس سنين كان عمرى كله ، بس كنت صغيرة وانجرحت قدام أهلى لما كان زعلان وبعث قالى محتاج هدنة ، كانت رسالة مجنونة مكنش لازم أخذها بجداوى يعنى وأعمل كل ده مهو الواحد فى زعله ياما بيقول وهو كان زعلان منى اوى وكان المفروض استحمل لحظة ضعف فيها وقال كلمتين وقت زعله ، يمكن لو كنت اتصلت بيه بعدها على طول وقولته حقك عليا مكنش زمانى

بحكيك عنه دلوقتي وكنا لسة سو .

آدم : ومتعرفيش عنه حاجة خالص دلوقتي؟

سارة: بصراحة فضلت أعدد وقتها وهو حقيقي مقصرش حتى بعد ما اتخطبت بعد ما رجعتله دبلته بأقل من شهر...

هنا قاطع آدم كلام سارة: استنى استنى شهر يعنى إيه، شهر واتخطبتى؟ انتى أكيد كنتى مجنونة.

سارة: لا مش شهر مكملناش حتى شهر كنا لسة فى مرحلة عتاب وكلام بس اعمل ايه كنت مكسورة قدام أهلى لما هما عرفوا أنه زعلان وييقولى عايز هدنة كنت غبية وكبرت الموضوع وقولت لبابا أنا مش عايزاه كرامتى نقحت عليا عشان أسبوع ولا اتنين ، بس تعرف بعد كام سنة كدة فهمت حاجة مهمة أوى لما كبرت وخلفت وابتديت أبقي ست بجد وافهم المشكلة كانت فىن.

أنا وعمرو اتصاحبنا سنين قبل ما يجيلي البيت يمكن كانت ماما عرفاه كدة بس من بعيد لبعيد، تفتكر مثلا مكناش بتتخانق، بالعكس ياما حصل بينا وياما زعلنى وزعلته بس هو كان قلبه طيب بيصفى فى دقائق من كلمة واحدة ويمكن مكنتش بلحق اقولها كنت بس أروحله يهلفط خمس دقائق وبعدها بثانية يحضنى ويقول حقك عليا وتمرزعليش انتى حبيبتى وبتنى

ومهما حصل مش بعرف أزعل منك، معرفتش ان اللى خلانى أتغابى كدة ان الموضوع كان قدام أهلي ، جرحنى وحسيته خذلنى وسابنى ومشي بعد كل ده، حسيت فى عنيهم كلام يمكن متقالش بس كان موجود انه مثلا هو ده اللى استنتيه سنين ورفضتى ناس كثير ومنهم أحسن منه ألف مرة، هو ده اللى شاريكى ويحبك ، حسيت إهانة وجعتنى وقررت أوجعه ، بس اتارينى وأنا بوجعه وجعت نفسي قبله.

آدم : لا انتى تقفى هنا شوية وتحكى عن البلوة اللى عملتها بخطوبتك بعد ما سبتيه بأيام دى.



سارة ضاحكة ضحكة يبدو عليها شعور الندم الخفى الذي يصعب على مثلها الاعتراف به : آه يا مستر آدم (مشددة على كلمة مستر) للحظ كنت أعرف حد من صحباتى كانت بتدور على عروسة لابن خالتها وكأنى كنت أنا اللى بدور، كنت نفسي أتخطب بأسرع وقت بواحد يكون كويس وظروفه أحسن منه ، كنت عايزة أعرف عمرو إنى غالية واتحب ومش هفضل طول عمرى تحت رحمته، يمكن أمجد ظهر فى وقت أى حد كان هيبقى جد وييجى يتقدم وأحس انه كويس كنت هوافق وخلص، أصل لو عمرو مش موجود كله هيتساوى عندى، المهم أنه كويس وخلص، أمجد

كان مهذب وهادى عكس عمرو المجنون الغيور العصبي، أجد كان سايبني براحتى وكان مستواه كويس وعنده حد معقول من مستوى مادى وجالى البيت مش فضل مصاحبني سنين يقولى بحبك ولما جيه خذلني وكسفننى قدام أهلى أو أنا كنت متخيلة ده وقتها ، أجد كان عنده شغل خاص شركة صغيرة كدة وكان بيسافر كثير بصراحة حلمت إنى هتخطب لأجد وأتجوز رجل ممكن يبقى رجل أعمال كبير فى يوم من الايام وولادى يبقوا فى مستوى أحسن وكمان قالى إنه بيحبني بس طبعاً ده كان هبل لان محدش بيحب حد بالسرعة دى، بس حالتى وقتها كانت ممكن تخلىنى أصدق أى حد يقولى كلمة حنية سواء أجد أو غيره ، صدقت واقتنعت واتجوزت بعدها بأقل من سنة.

آدم : واضح أن الجواز كان درامى، كملى كملى.

سارة: مش درامى ولا حاجة بالعكس هو مكنش باين فيه حاجة الموضوع ببساطة واحد عايز عروسة جيت أنا فى سكتته شكلى عجبه يمكن استلطننى بس الأكد انه محبنيش بالسرعة دى عشان الحب ده حاجة تانية خالص غير اللى كان مع أجد، الحب مواقف واستحمال ولهفة واشتياق حضن إيد هو بس اللى انت بتحسه قلبك بيتخطف لو جراه حاجة مها كانت بسيطة؛ أنا كنت بتلهف على عمرو لو وقع وهو يلعب كورة مع

أصحابه ، أصله ساعات كان يياخذنى معاه أتفرج عليه وهو بيلعب، كان بيتقى زى الطفل ويقعد بيص عليا طول مهو بيلعب يشوفنى باصة عليه ولا لأ لو جاب جول مثلاً ، مليون حاجة مكنتش موجودة مع أمجد، ببساطة الحب هو اللى كان مع عمرو ، المهم يا سيدى اتجوزت.

آدم : وبعدين حصل إيه؟

سارة: ولا أي حاجة ، محصلش .

آدم: يعنى إيه محصلش مش فاهم؟

سارة: يعنى طول الخطوبة بنكلم عادى بنهزر كثير كان بيقولى بحبك ووحشتينى وكنت بقوله أنا كمان، على فكرة بس بجد مكنش بيوحشنى زى عمرو مثلاً ، كنت شايفة بس انه وجوده فى بيتنا رجع ثقتى بنفسى- وخلي شكلى كويس قدام أهلى واصحابي على الرغم من أن عمرو عمل المستحيل حتى بعد الخطوبة جالى وحسيته مكسور وتعبان من غيرى بس كنت خلاص معنديش حل أنا اتخطبت وأمجد كويس وفرصة لأي بنت تتجوز واحد كويس ومحترم ومتربى وأهله بيحبونى وهادى وسايينى براحتى، كنت ساعات بحس أنه مش بيبغير بس كنت بقول يمكن طبعه كدة ، فرق كبير بينه وبين عمرو، أصل الغيرة فى الحب طعمها حلو على الرغم من أن عمرو ساعات كان بيزودها بس كنت بفرح لما بيجنن كدة بسببى، مرة كنا فى

فرح واحدة صاحبتنا أنا وعمرو وكنا متخانقين وكل أصحابنا موجودين
حييت أغيظه فرقصت معاهم وهو فضل ماسك نفسه لحد ما فجأة مقدرش
ودخل وسط الناس وشدني من إيدي وخدني على برة واداني كلمتين
ومشي ، تعرف إنى محستش إنى محرجة قد ما حسيت إنى مبسوطة إنه بيغير
ويخاف عليا وانه لسة بيتجنن بعد كل السنين دى ، عمرو كان طيب وده
أكثر حاجة بتفتكرها واحدة كانت بتحب واحدا.

اكتشفت أن فى فرق كبير أوى بين إنى كنت أتجوز عمرو ونكون فى
بيت سوا وإنى أتجوز واحد غريب يا دوب حاسة انه كويس ، بيعاملنى حلو
وبيتنا شيك بس كنت بحس برود بينا خصوصاً بعد الجواز مبقتش حساه
بقيت أفكر عمرو أكثر ما كنت بفتكره يمكن فى الخطوبة كان محاطنى فى
البيت كنت أدخل المطبخ أشوفه معايا لما كان بيهزر ويقولى هاجى من
الشغل الايكي فى المطبخ أحضنك من ضهرك ونبقى سوا ونسيب الاكل
يتحرق، كنت بشوفه فى حمام أوضتى لما كنت بقوله أنا هعملك كل حاجة أنا
هحميك زى البيبي بتاعى أصلاً، لما كنت أقعد أتفرج على التلفزيون على
كبة الليفنج كنت بشوفه جنبى حاضنى زى ما كنا بنحلم ببيت نبقى فيه
كدة جوة حضن بعض ونعمل كل حاجة سوا، كنت متخيلة إنى هعمل

حاجات كثير مع أمجد بدل عمرو وكأن ممكن انك تستبدل الناس ببعض عادى كدة ، بس اكتشفت بعد حوالى سنة جواز بعد ما بقينا باردين أكثر، علاقة جواز أشبه بالمصلحة هو شاف مصلحته فى بنت حلوة شقيه قالها بحبك بعد كام مرة شافها وهو سنه بقى ٣٩ والمفروض يتجوز عشان يخلف وأنا مصحلتى إنه جالى قدام عيلتى رفع راسي واتجوزنى بدل اللى سابنى أو اللى تخيلته سابنى ، بس الحقيقة مكتتش اكثر من انى زى مايقولك اتجرحت وحسيت إنى اتعريت قدام أهلى، بس اكتشفت إنى كنت متسرعة وكان لازم أستنى ، بس يا سيدى وفضلنا أنا وأمجد كدة حياة باردة مملة بعد كام شهر حلوين فى الاول رغم أنه فعلاً إنسان كويس ودمه خفيف ولما جاله شغل برة مصر بعدها بفترة قصيرة سافرت معاه بس كنت بتلكك وأجى اجازة مصر عشان أهرب من وجودى معاه لوحدنا، أقولك حاجة من غير كسوف؟

آدم: أكيد طبعاً اتفضلى.

سارة: ساعات كنت بتخيل عمرو هو اللى معايا فى السرير بدل أمجد، أصل عمرى ما تخيلت انى ممكن أكون فى حضن راجل تانى غيره، كنت بعشق ريحة عمرو لما كان بيحضنى ، لما سبته متخيلتش إنى هفتكرها تانى ، أتارى ان الشىء بالشىء يذكر ومع كل حاجة كانت بتحصل شبه ليها مع

أحمد كنت بفتكره، وكنت بقوم من السرير بعدها كارهة نفسي وكارهة أحمد وكارهة عمرو وأكثر وأكثر.

آدم : طيب وعمرو ذنبه إيه؟

سارة: ذنبه انه كان عصبي ومقدرش إنى كان ممكن أكون فى فترة ضعيفة وخايفة بجد أننا نبعد ، بس أرجع وأقولك احنا الاتنين السبب؛ هو كان معايا أنا عامل زى الاطفال لو زعل يقعد يرفض ويعيط ويزعل لحد ما أخده فى حضنى، بس للأسف المرة دى مقدرتش أخده فى حضنى وسييته ، سييته خالص وياريتنى ماسيته.

المهم يا سيدى بعد عشر سنين جواز اكتشفت ان مش ده الجواز ، الجواز ان الست تبقى مع راجل بتجبه فى بيت واحد، تكون فى حضن بترتاح فيه ، أصلك مش هتعرف تكون انت بكل تفاصيلك غير مع ناس معينة ، ومهما كان الشخص كويس زى ما بنقنع نفسنا عشان نتجوز وخالص ممكن تفضل سنين ومتعرفش تكون انت ولو معرفتش تكون انت مش هتعرف تكون مبسوط بجد مهما كانت الامكانيات اللى عندك، وللأسف هتفضل مفتقد إحساس الانبساط الحقيقى ده سنين كتير لو ربنا مخلكش تحب تانى (تقولها بنظرة حادة لعيون آدم وكأنها تلقى عليه سهم كيوييد).

وخلصت الحكاية وجيت هنا من سنة ونص واشتغلت وبحاول
أبتدى حياتى من جديد، وفجأة ظهرت سيادتك مدير جديد ليا وكنت
سمعت عنك بصرحة وفضلت أدور على الانترنت على المكتوب عنك
وشغلك وشوفت صورك وتخيلتك هتكون ليا حاجة مهمة ومتسألنيش ليه
عشان أنا نفسي مش عارفة اشمعنى انت ، على فكرة فى رجالة كثير حاولوا
معايا بس أنا قلبى محسش ولا واحد فيهم .

وبيسمة مدللة تقول : وفيهم أحلى منك كثير على فكرة.

هنا ضحك آدم بصوت مرتفع لأول مرة داخل هذا المكتب بعد أن
مضى حوالى ثلاث ساعات كاملة دون أن يشعر ، وقال لها : بس انتى نسيتى
عمرو مش كدة ؟ (وكأنه يريد أن يطمئن نفسه أن قلبها خالٍ ومهيأ له الآن)
سارة: لو قولت نسيته أبقى بكذب، عمرو هيفضل معلم فيا طول
عمري بس أكيد إحساسى بيه غير الاول ، إحنا عدى علينا ١٣ سنة
مسمعتش حتى صوته وكثير كان بيكون نفسي أكلمه بس مش بقدر وأكيد
كنت اتخطبت واتجوزت فمكمنش ينفع وخصوصاً مكنتش عايزة أطلع
وحشة او خاينة قدامه هو بالذات، كنت أتمنى أكون أهدي من كدة وقتها
وأفكر كويس وأعذره، كلنا بشر وبنغلط وخصوصاً أنه جالى وقالى كثير
حقك عليا ومش زعلان منك ولا هعاتبك على أي حاجة حتى الخطوبة اللي

كسرتني أنا المسئول عنها ، تخيل بعد كل ده وكان لسة بيحبني ومستنى أرجع ، أي راجل تانى كان كرامته هتوجعه ويمشى حتى من غير ولا كلمة عتاب بس هو معملش كدة وفضل متمسك بيا ومتشعلق في أي فرصة نرجع حتى لو على حساب كرامته قدام أهلى وأصحابى اللى كلمهم واحد واحد عشاني، بس للاسف مقدرتوش وخفت أفسخ خطوبة من واحد غريب لمجرد أنه كويس وييعاملنى حلو ومشوفتش منه حاجة وحشة ، مش عارفة إيه الوحش اللى كنت مستنية أشوفه من واحد معرفهوش بشوفه مرات قليلة وجاى عايز عروسة حلوة وشيك وخالص ، بقولك إيه انت قلبت عليا المواجه ، أنا هعملك اسبريسو تانى ويلا نشتغل .

همّ آدم إلى المكتب متناسيا كل تفاصيل عمرو وأمجد التى جعلته يشعر بالغيرة حتى ولو لم يكن منها أحد موجودا الآن، فكان وهى تقص عليه حكايتها يتخيلها في كل تلك التفاصيل، فكم كانت مبهرة ومثيرة وفاتنة ولها طعم استثنائي لم يعرف أن يصل إليه كثير من النساء على هذا الكوكب .

بعد أن اختارت سارة بنفسها أن تقص على آدم حكايتها مع الحياة وما عانته من أنات ومشاعر غير راضية طيلة سنوات عمرها بكل إرادتها بل ربما عن عمد وإقرار مسبق ، فكانت تريد أن تتحدث، فدائماً النساء اللائي تمتزج

كل تفاصيلهن بتفاصيل الجمال ذاته ليس هن أصدقاء مقربين ، ربما أرادت أن يكون آدم صديقها المقرب ، أو ربما أرادت أن تفرغ ما داخلها من ألم سنوات مضت لم تستطع فيها أن تعترف ولو مرة واحدة بارتكابها أكبر خطأ في حق نفسها وحق الرجل الذي أحبها وأحبته بهذا الشكل، ربما أرادت أن تعترف بذنبها أمام هذا الرجل ، فلعلها بجلسة الاعتراف هذه تكون قد تخلصت خلالها من شعور الذنب تجاه عمرو الذي لازمها طوال تلك السنوات بعد أن قالت له في لقاءها الأخير إن ضميرها مرتاح وهى لم تخطيء ، كانت عايزة تنسى كلمة انت متستاهلش أحبك يا عمرو لانك مطلعتش قد السنين اللى بينا ، كانت قاسية قوى على عمرو ومحستش غير بعدين للأسف.

ربما كان آدم فيه شىء من عمرو لكنها لم تكتشفه بعد فأحست أنها إذا أقرت بذنبها أمامه ربما هدأ ضميرها ولو قليلاً ، كل هذه الاحتمالات واردة ، فكانت سارة رغم جاذبيتها وأناقته وابتسامتها التى لا تفارق وجهها أبداً محاطة بأوجاع خفية لا تستطيع أن تراها مهما كنت مقرباً لها إلا إذا سمحت هى لك بذلك.

وبعد أن شرب آدم الاسبريسو الممتع الذى كان سبب متعته أنه من يد سارة، بدأ ينخرط فى العمل الذى قد يكون نسي للحظات أنه هنا لكي يتمه وليس من أجل سارة ، بعد عدد ساعات ليس بالقليل وتركيز كبير منهما فى كل تفاصيل صفقة خط الانتاج الجديد الذى يخطط له آدم وشراء الماكينات من ألمانيا حيث كان آدم بصدد توقيع عقد لاستيراد خط الإنتاج بالكامل من هناك من أحد أكبر المصانع الشهيرة المتخصصة فى هذا المجال. الساعة تدق التاسعة مساء دون أن يشعر بالوقت وهو يعمل ومعه هذه المرأة الاستثنائية فى كل شيء ، فالوقت معها يمر كما البرق فى العمل ، فكيف يكون الوقت معك كحبيب ، هذا ما كان يدور فى رأس آدم لكنه لم ينطق بكلمة واحدة بعد أن أنهت سارة حديثها عن حياتها قبل أن تأتى إلى هنا.

بعد أن استقلت سارة سيارتها للذهاب إلى بيتها كان يدور داخلها سؤال ملح: كيف لأدم بعد كل ما قصصته عليه لم يقل أي شيء بعدها ، كيف تجاهل حجم ثقتي به الى هذا الحد دون أن يعبر لى عن حتى رأيه فى كل ما اعترفت به اليوم ، هل تسرعتُ؟ هل هو حقاً لا يبالى بي إلى هذا الحد؟ هل لم يفتقدنى مثلما افتقدته فى الاجازة وكان تعبيره عن الوحشة مجرد مجاملة رداً على ما بدا منى؟!

ألف سؤال دار برأس سارة لم تعرف حقاً إجابة لسؤال واحد منها ،
فكان رجلاً قليل الكلام لا يبدو عليه إلا ما يريد أن يظهره .

ولكن وهى ما زالت تفكر وتعاتب نفسها على تسرعها باغتها رنة تليفونها
المحمول التى هى بالصدفة نفس رنة تليفون آدم ونفس نوع تليفونه أيضاً ،
فردت ربما قبل أن تنتهى أول رنة ، وكانت كلماته هى الأهم بالنسبة لها .

آدم: أنا محبتش أعلق على كل اللى سمعته انهاردة عشان كنا فى الشغل
فقولت أكيد لما نخلص يكون أفضل .

سارة: أنا بصراحة كنت لسة بفكر فى الموضوع ده وكنت لسة بأنب
نفسى وحسيت إنى اتسرع ، أنا آسفة إنى دخلتك حياتى بالشكل ده
وخصوصاً ده مكان شغل زى ما حضرتك بتقول .

رد آدم متجاهلاً ما قالته من أسف وتسرع : انا اتبسط انك حكيتلى
وده بالنسبة ليا معناه كبير وفاهمه كويس ، لما توصل البيت ابعتى طمنينى
انك وصلتى بالسلامة ومنتشكر جداً لتعبك معايا انهاردة وآسفة إنى
أخرتك لحد دلوقتى وبوسيلى أيسل ، تصبى على خير .

سارة بعد صمت لثانية بابتسامه شعر بها آدم أو ربما تخيلها : حاضر
هبوسهالك، وانت من أهل الخير .

وبعد عناء يوم عمل شاق طويل مجهد، آدم أخيراً في بيته وحضن يومى لابنتيه اعتاد عليه بعد دخوله المنزل مباشرة ليذهب عنه عناء اليوم مهما كان طويلاً وشاقاً، يذهب آدم لغرفته لتغيير ملابسه وأخذ حمام دافئ حتى يستعد لتناول وجبته الأساسية والوحيدة ربه التي يتناولها في البيت فهو لا يفطر صباحاً ولا يلحق بموعد يسمى الغداء، ولكن هذا موعد الوجبة الوحيدة كل ليلة، فمثل هؤلاء الرجال لا يشغلهم الاكل كثيراً، وأثناء جلوسه على كنبته المفضلة رمادية اللون أمام شاشته العملاقة كان يشاهد فيلماً حتى تحضر له هاجر الطعام، كان شكلياً يشاهد الفيلم لكن الحقيقة انه لم يكن هنا على الإطلاق، بل كان هناك معها يراها ويتخيلها بعد أن ذهبت لبيتها كيف دخلت غرفتها كيف خلعت حذاءها الفائق الأناقة ذا الكعب الشاهق الارتفاع حد ارتفاع أنوثها، كيف كانت تخلع ثيابها كيف وكيف وكيف، كيف أسرته إلى هذا الحد، كيف استطاعت هزيمة خياله وترويضه لها فقط ليتخيلها بكل هذه الصور والكيفيات.

وبعد أن أنهى آدم وجبته الشهية من يد زوجته هاجر، ذهب لغرفته وغير ملابسه وقرر النزول في حالة استغراب من زوجته:

هاجر: هتنزل دلوقتي، الساعة قربت من ١١ مساءً!؟

آدم: آه عندي حاجة لازم أخذها من محمود (أحد أقرب أصدقائه).

وفعلا نزل آدم من البيت وكان السبب الحقيقي لنزوله هو ما شعر به من إحساس قوى بالتحدث إلى سارة، ولكن بعد أن نزل واستقل سيارته وصفها بعيدا عن البيت قليلاً ليكون بعيدا عن أعين هاجر أو إحدى بناته من إحدى الشرفات ، وبعد أن أمسك بالهاتف شعر بتردد وأسئلة لا حصر لها تدور بينه وبين نفسه: ماذا تفعل وإلى أين ستذهب بهذه المشاعر الجارفة.

لم يكن عادياً أن تكون سارة في اللحظة نفسها تفكر به وتسرح فيه وتفتح صورته على الفيس بوك وتتمنى أن تحدثه لكنها تستطيع فعل ذلك لأنه في بيته مع زوجته وبناته على عكس آدم فهو من يستطيع أن يفعل ذلك أي وقت يشاء فهي من تقيم وحدها مع ابنتها فقط.

وأخيرا قرر آدم أن يضغط على زر الاتصال مشيراً إلى اسم سارة الذي أصبح يشكل له المعنى الحقيقي للحيرة والاشتياق أو ربما للخوف أيضاً، ردت سارة بسرعتها غير المعتادة إلا معه هو وهو فقط.

سارة: آدم انت كويس ؟

آدم: الحمد لله بخير، مالك قلقانة من مكالمتي ليه؟

سارة: لا أبدا بس عشان أنت في البيت وعارفة أنك صعب تكلمني أنا

تحديداً دلوقتي .

آدم: لا ، أنا نزلت أجياب حاجة فحببت أطمئن عليكى أو ندردش شوية.

سارة: قصدك نزلت مخصوص عشان تكلمنى؟

بعد صمت لثوانٍ رد آدم : أيوة يا سارة نازل مخصوص أكلمك.

سارة: هو احنا بجد بنكلم بعد ١١ بالليل وانت نازلى مخصوص فى

نفس الوقت اللى فاتحة فيه صورك وبقولك محتاجة أتكلم معاك؟

ببسمه خفيه وكأنه شعور بالانتصار فى تلك اللحظه رد آدم: شوفتى

بقى أى وقت هتبقى محتاجة أكلمك هتلاقينى فوراً.

سارة : آدم انت وحشتنى .

آدم : تنزلى تشربى قهوة معايا؟

سارة: أنا مكنتش أعرف أنك مجنون.

آدم : ابعيتلى لو كيشن هاجى أخذك من عند البيت، إحنا أكيد بينا

دقايق. ودون أن ينتظر ردا منها قال لها: يلا سلام عشان تلحقى تلبسي .

سارة بضحكة تغمرها الفرحة التى ربما لم تشعرها منذ أن فارقت

عمرو فى لحظات كثيرة مجنونة مثل تلك لم ترد إلا بكلمة واحدة : حاضر.

وصل آدم أمام بيتها ونزلت هي بزيبها الرياضى الضيق الذي يشي-
بمفاتن أكثر أنوثة وجاذبية عن زى الصباح الواسع إلى حد ما لتشير فيه
غريزته التى حاول جاهداً ألا تثور فيه أو على الأقل مؤقتاً ، وإذ بها تركب
جواره بفرحة تشبه فرحة الطفلة التى يأخذها أبوها للفسحة بمفردها فى
يوم العيد.

تحرك آدم وأخذت سارة فى الحديث عن جنونه وكيف يأتى لياخذها
من هنا فى هذا الوقت المتأخر ، فرد آدم بكلمة واحدة فقط (مضايقة؟)
سارة: أكيد مكنتش نزلت بالسرعة دى، بالعكس من كتر فرحتى خائفة .
آدم : خائفة مني؟ !

سارة ضاحكة: لا طبعاً، أنا خائفة مني .

لم يفهم آدم ردها فى حينه وأخذ يضحك معها ويتحدثان عن يومهما،
وحاول آدم أن يتخطى كل ما حكته عن عمرو أو حتى أجمد وأن يجعل من
هذا الحديث ليس مجرد حديث للمعرفة فقط ليشعر نفسه أنها لا تحن إلى
أحد سواه وأن عمرو مجرد ذكرى وعهد قديم ليس أكثر ، لكن الذى لا
يعرفه آدم ان هناك شيئاً متشابهاً بينه وبين عمرو ، وهذا الذى لم تعترف به
سارة حتى لنفسها، بل شعورها فقط الذى يرى ذلك ولكنها لم تعلم ما هو
هذا الشيء المشترك بينهما بعد ، ربما لأنها ما زالت فى مرحلة تعرف عليه

جيداً أو أنه رجل غامض بعض الشيء فلم يكن سهلاً على أحد أن يعرف بما يفكر آدم أو ما يريد أن يفعل ، ربما روح آدم تشبه كثيراً روح عمرو، ربما نظرة العين نفسها والجاذبية نفسها، حقاً هي لا تعرف ما هو وجه الشبه بالتحديد لكن كل ما تعرفه أن هناك شيئاً بينهما هو نفسه.

بعد سهرة لم تمتد أكثر من ساعة ونصف الساعة ذهباً خلالها في نزهة بالسيارة وشرب القهوة من إحدى سيارات القهوة القريبة من الكومبوند الذي يسكنان فيه تحدثا كثيراً ولكن حتى اللحظة لم يتفوه آدم بكلمة واحدة خارج سياق أنه أراد أن يتحدث معها ربما اشتاقها ليس أكثر.

وفي طريق العودة القصير إذ بآدم يتوقف أمام بائع ذرة مشوي في نفس الشارع القريب من بوابة الكومبوند ويشتري لها كوز ذرة مشوى وهى في حالة ذهول من تصرفه، ولكن يبدو أن هذه الخروجة البسيطة ستكون بداية لسجل ذكريات مليء بأجمل اللحظات بينها.

وبقبلة على يد سارة كانت نهاية مقابلة ربما هي بداية قصة جديدة في حياة آدم ، فالذى لا تعرفه سارة أن آدم لديه الكثير من الذكريات الهائلة من قصص الحب العنيفة ، فهو الرجل الذى يرتاد بلاد الحب ويجعل من حبيبته قصة لا تضاهيها قصص الحب الممجدة في أكبر كتب الأساطير، فقلب هذا

الشاعر لا يجب كما باقى الرجال، فلو أحبك حقا عليك أن تستعدى لمعركة كبيرة ومستمرة من الغيرة والحب العنيف والشوق غير العادى، فربما كانت قوة حبه هى سبب فى انتهاء كل قصصه السابقة.

صعدت سارة إلى شقتها فى الطابق الثالث وهى تطير فرحاً بتلك القبلة المباغته على يدها التى لم تتوقعها ، وفور دخولها من باب شقتها أمسكت بهاتفها واتصلت به وكانت المكالمة الأولى التى تتخلى سارة عن حذرهما فى الحديث مع آدم ويتخلى آدم عن هذا السياج الذى يضعه حول كلماته وتعبيراته كما كان يفعل دائماً.



ومنذ هذا اليوم لم يعرفا كيف صار بينهما هذا القرب بهذه السرعة فأصبح آدم ينتظر موعد العمل فقط ليرى سارة ، وسارة لا تفعل شيئاً فى ساعات يومها إلا لتفكر فقط فى هذا الرجل ؛بم يفكر وماذا يريد وكيف تفعل أشياء لتجعله سعيدا ، لقد شعرت سارة بالسعادة أخيراً بعد سنوات كانت تشعرها فقط خارجياً أو لمجرد المجاملة لأجد، شعرت أنها مع رجل استطاع أن يجعل قلبها يخفق مرة أخرى بعد تجربتها مع عمرو الذى لم تستطع نسيانه حتى الآن.

أصبح آدم لا يستسيغ أي شيء إلا مع سارة؛ قهوته الصباحية عمله طول اليوم، فأصبح الطبيعي وجود سارة بمكتب عمر وطوال ساعات العمل وبعد مواعيد العمل يبدأ وقت أكثر متعة بينهما لتعودهما على تناول وجبة الغداء معاً يومياً تقريباً، وكان لديه حجته مع هاجر التي ملّت من انتظاره يومياً وهو يحاول إقناعها أن الوظيفة الجديدة ذات أعباء أكبر وأهم ولا بد أن يتواجد أكبر وقت ممكن بمقر الشركة، وكان من الطبيعي أن تصدقه هاجر أو على الأقل ليس لديها إلا أن تصدقه، رغم عدم ارتياحها وبداية دخول شكوك ما إلى قلبها، والشكوك الأكبر كانت في علاقته بسارة. كم كانت قبلة الصباح من سارة هي أسعد ما يحدث على مدار اليوم فأصبح طعم قبلتها شيئاً من الهوس بالنسبة لآدم، وكانت سارة أيضاً تشعر وكأن العالم بين يدها وهي بين أحضانه في تلك القبلات الصباحية المليئة بالوحشة والأشواق لمجرد فراقها بضع ساعات هي ساعات الليل فقط. أشعلت سارة قلب وعقل وجسد آدم، فأصبح يتمناها في كل لحظة، أصبح يتخيلها دائماً، لكنه وحتى اللحظة لم يحدث بينهما أكثر من هذه القبلات وهذا الحظن غير المسبوق من هذه الأنثى الاستثنائية.

لكن هذا اليوم لم يكن يتوقعه آدم حيث اضطر لأن يوصل سارة إلى بيتها بسيارته بعد موعد العمل لتعطل سيارتها وخصوصاً أنهما جيران يفصل بينهما عدة شوارع فقط. وكانت المفاجأة أن تقول له بعد وصولها عند بيتها : ممكن اعملك قهوة لو تحب.

فتعجب آدم ولكنه فرح وظن أن أخيراً من الممكن أن يقترب منها أكثر وأكثر ويذوب في هذا الجسد المرمرى العجيب في تلك الليلة وخصوصاً أن ابنتها كانت عند والدها في تلك الأيام وكأن كل الظروف مهياة تماماً لما يعصف بخياله كثيراً دون أن يلمح حتى له.

وبالفعل قبل آدم دعوة القهوة ، وفور دخولهم بيتها الأنيق ومع توتر شديد يبدو على كليهما ، إذ بسارة ترحب به وتقول له: نقعد في الليفنج أحسن انت أكيد مش غريب.

وذهبت سارة لتعد له فنجان قهوته السادة، فهو يشرب القهوة التركية في حالة عدم وجود مشروبه المفضل الاسبريسو، انتظر آدم بولع شديد لا يعرف ماذا يفعل وكيف يكون التصرف في ظرف كذلك مع امرأة كتلك، هو يعرف تماماً مدى أخلاقها ومدى جاذبيتها أيضاً، فما هذا الاختبار الصعب، وبعد حوالي عشر دقائق دخلت سارة بفنجان قهوة يجاوره كوب من المياه البارد مثل يديها الباردة جداً من شدة توترها.

وبعد أن شرب القهوة وهما يتحدثان في أى شيء عام وكأن هناك اتفاقاً
 ضمناً على ألا يخرج الحديث أو هذه الجلسة عن المألوف فمن يعرف ماذا
 سيحدث هنا إن تطور الحديث عن اشتياق أو وحشة أو أى شيء يجذب
 الحديث لمشاعرهما تجاه بعضهما البعض.

لكن رغم كل هذا الحرص إلا أن آدم كأى رجل وخصوصاً فى حضرة
 أنثى كتلك حاول أن يمسك يدها وكانت هى أيضاً محبة لذلك ، وهنا بدأ
 آدم ينظر فى عينى سارة الجميلتين وإذ به يقرب من شفيتها اللتين هما أخطر
 ما فى هذا المكان فهما بداية لحرب لا تستطيع معها تنبؤ ماذا سيحدث فيها اذا
 اندلعت.

ومع قبلة طالت لم يعرفا حتى كم مدتها بدأ آدم يتسلل إلى جسدها
 بشكل ناعم كان يداعب جسدها إلى أن وصل إلى أن فتح كل ازرار قميصها
 الكلاسيك السماوى اللون الانيق فكانت ما زالت سارة بملابس العمل ،
 ولكن هنا بعد أن تحسست سارة يده التى أصبحت قريبة من أماكن أنوثتها
 الطاغية ، وفى أقل من لحظة استفاقت وكأن شيئاً ما انفجر داخلها فجأة
 فابتعدت فوراً معتذرة منه : آدم أنا آسفة ، أنا مش عايزة ده يحصل ، أنا مش

ست مش كويسة ،حقك عليا ، مع إني انا كمان بجد عايزة أكون جوة
حضنك بس مش هينفع .

مع هذه الكلمات استفاق آدم أيضاً وأحس بحرج لم يتعرض له من قبل ، فكيف نكون معا بتلك الطريقة ويحدث هذا ، كيف لها أن تضعه في موقف مثل ذلك ، واعتذر آدم وانصرف على الفور قائلاً :مكنش لازم نقعد سوا لوحدنا لأنك عارفة إني محتاج نكون قريين أكثر، تصبحي على خير ، ثم أغلق الباب وراءه وذهب لبيته فوراً .

وفي طريقه إلى بيته الذى يبعد عن بيتها ليس أكثر من خمس دقائق كان في حالة من حالات الصمت والضيق الذى قطعه سارة باتصال فور نزوله لتقول له فقط : أنا آسفة ،وتصبح على خير .

بعد أن دخل آدم بيته وعلى غير عادته كان معكر المزاج لا يمازح بناته ، يجلس صامتاً أمام شاشة التلفزيون لكنه لا يشاهد الا الموقف الذى حدث منذ حوالى نصف ساعة ومازال يسيطر عليه تلك اللحظة التى أشعلته ناراً لا يستطيع إطفاءها غير وجود سارة بين أحضانه ، وهذا ما كان يجعله في حالة من الغضب الشديد فهو لم يصل إلى هذا الحد مع امرأة غيرها أبداً رغم أنه كان لديه من ذكريات عديدة مليئة بالنساء الجميلات، إلا أنه حقاً كانت

سارة امرأة استثنائية، لم تكن عادية، فما زال يستنشق أنفاسها وطعم شفيتها ،
 طعماً لم يتذوقه من قبل ، فكيف يكون هناك جمال بهذا الشكل ، فكان يتخيل
 باقى مفاتها في ظل ما طاله من إذهاب عقله لمجرد قبلة واحدة فقط فكيف
 نكون وماذا سيحدث عند الانصهار الكبير؟!

في صبيحة اليوم التالى والمعتاد، سارة تستقبل آدم فور وصوله
 كالمعتاد للعمل ولكن هذه المرة بنظرة مختلفة وبصباح الخير بنبرة صوت
 أسفة على ما حدث بالأمس ،شعر بها آدم كما ودت أن تصلها له سارة.
 وأصبح العمل بينهما ليس إلا عملاً فقط ، ومرت الايام وهما في حالة
 هدنة من الحديث عن هذا الموقف وتعامل جاد وفي إطار العمل فقط ، إلى
 أن تم ترتيب سفريه ألمانيا حيث من المقرر توقيع عقود خط الانتاج الجديد ،
 وكان للقدر أن ترافقه سارة في هذه الرحلة.

ومع أول يوم في مدينة برلين أهم المدن الصناعية في ألمانيا وتعتبر أيضاً
 من أهم المدن السياحية والثقافية في أوروبا والعالم حيث تزخر بالمواقع
 التاريخية والأثرية التى تستحق الزيارة من أهمها سور برلين ،حيث كانت
 إقامتها بغرفتين متجاورتين بفندق جراند حياة برلين الذى يبعد خمس دقائق

سيراً على الأقدام عن منتزه تيرغارتن الشهير حيث الطبيعة الخضراء والهدوء والهواء النقي ، ربما كان هذا السبب لاختيار مكان الإقامة.

ومع الساعات الأولى في برلين وكان وجودهما معاً طيلة رحلة الطائرة فرصة ولأول مرة منذ أسبوعين لأن يتطرقا لحديث مختلف عن حديث العمل، فإذا بآدم يقول لها وهو ينظر أمامه بشكل مختلس: وحشتيني على فكرة، وإذ بها ترد بهذا الكم الهائل من الألوثة والمكر: انت لأ موحشتينيش، هنا ابتسم آدم وعرف أنها تفتقده ربما أكثر مما يفتقدها هو بكثير.

وبعد انتهاء رحلة الطائرة واستلام كل منهما غرفته قال لها آدم: غيرى هدومك بسرعة هتنزل نروح مكان حلو أوى نغير جو عشان نبتدى شغل من بكرة.

منتزه تيرغارتن هو الشاهد الأول على يديهما المتشابكة دون أى ارتجاف دون أى خجل؛ فكم كان المكان والطبيعة الجميلة توحى بأن أى شيء سيحدث هنا لا بد ألا نسأل العقل عنه.

وبالفعل تبادلوا العناق مرات كثيرة طيلة الساعتين في هذا المكان البديع، وبعد أن رجعا للفندق وتناولوا وجبة العشاء معاً وأمام غرفة سارة وهو يودعها، إذ به يقول لها: على فكرة لو عزميني على قهوة عندك هوافق برضوا المرة دى كمان.

وبالفعل اتفقا على أن يذهب ليغير ملبسه وتغير هي أيضا ملبسها ثم يعود بعد ربع ساعة ليشرّب معها القهوة في غرفتها .

كانت تلك أولى لحظات انفجار بركان لم يتوقع هو أو هي أن تكون ثورته بهذا الشكل المجنون وبكل هذه الحمم التي لم تهدأ أبدا لمدة عشرة أيام كاملة، كانت فقط تتخللها ساعات عمل قصيرة، فإذ به يعود وكانت ترتدى فستانا أسود قصيرا يظهر أجزاء المرجان المخفية وراء ملابس العمل الكلاسيكية دائما.

لم يعرف آدم كيف كانت القبلة الأولى في هذه الغرفة وكيف استسلمت سارة هكذا لكل شيء وكأنها كانت تنتظره بكل هذا الشوق فذابا معاً كجسد واحد بالساعات كل ليلة، نسيا فيها كل شيء في هذا العالم، لم يكن هناك إلا مكاملة واحدة لزوجته وبناته كل ليلة ليطمئن عليهن فقط .

وبعد عشرة أيام مليئة بالفصح واللعب والانصهار، هذا الشعور والطعم غير المسبوقين ربما لهما معاً، انتهت أيام كالحلم بالنسبة لهما وهما معاً متشابكي الأيدي في رحلة العودة لمصر لبداية قصة حب هي الأعنف .

لم يعد آدم الرجل الناضج المتزن معها بل كان مجنوناً بها، مجنوناً بكل تفاصيلها بكل ما تفعل معه من أشياء تجعله أسير هذا الجمال وهذا العطاء ، فأصبح لقائهما الحميمي شبه يومي أو على الأقل يوماً بعد يوم، فهي إدمان صعب أن تستغنى عنه ولو حتى لليلة واحدة ، فكثرت السفريات بينهما فقد بنيا معاً في ثلاث سنوات ذكريات ربما احتاج أي شخصين آخرين عشرين عاماً لصنع نصفها فقط، كانت سارة هي منبع العلاقة هي من تغذيها بالمواقف الجميلة حد جماها، وكان هو أيضاً رجلاً مميزاً يدفعها إلى حبه أكثر وأكثر ، ولكن دائماً تجرى الأيام الجميلة دون أن نشعر إلى أن فجأة تصطدم بالواقع الذي لا بد أن تواجهه.

فبعد أن مرت أيام وشهور وسنوات اكتملت ثلاثاً في غفلة من الزمن بدأت سارة تشعر أنه لا بد لهذه العلاقة أن تتطور، أن تخرج عن إطارها السرى للنور، شعرت أنه ليس أمامها سوى الزواج، لكن آدم لم يتحدث أبداً عن تلك الخطوة ، ثارت تساؤلات عديدة في ذهن سارة التي بدأت تشعر بالخرج من علاقتها برجل متزوج يزورها سراً كل ليلة، لم تكن سارة تتوقع لحظة في عمرها أنها ستفعل مثل تلك الأفعال أو أنها ستتورط في يوم من الأيام بقصة حب تدفعها لنسيان أي شيء مقابل وجود هذا الرجل الذي تحبه معها حتى ولو لم يكن هناك زواج حتى الآن.

سارة الآن أصبحت تسرح كثيرا وهي معه ، تنظر له دون أن تتحدث ولكنها تحدّثه كثيرا في نفس اللحظة، ألقت عليه آلاف الاسئلة التي تتمنى إجابة واحدة لها فقط تشعرها أنها لم تخطيء وأنها ليست هذه المرأة التي ستعيش في الظل إلى الأبد، سارة تريد أن تعرف هل آدم يود الزواج منها أم أنه اكتفى بتلك العلاقة الممتعة الجميلة في السر فقط، هل اكتفى آدم بكوني عشيقته فقط حقاً، أهذا ما أستحقه منه بعد هذا الكم من العطاء والمواقف التي كنت معه فيها طيلة ثلاث سنوات لم يلمح حتى فيها إلى أنه لا بد لهذه العلاقة أن تتوج بالزواج.

وفي لحظة سرحانها وهي معه قاطعها آدم بسؤال : سارة انتى كويسة ، حاسك سرحانة بقالك مدة ، شاغلك حاجة؟

سارة: أبدا بفكر فى شوية حاجات كدة.

آدم : حاجات إيه انتى بتخبى عليا ؟

سارة: مش عارفة أقولك ولا لأ بس أتمنى تكون نفس الحاجات دى

شغلاك أو على الأقل بتيجى فى بالك.

آدم: سارة فى ايه قلقتينى ، مالك؟

سارة: آدم هو انت مفكرتش خالص اننا لازم نتجوز؟

هنا صمت آدم للحظات وكأن السؤال لم يخطر على باله ولو للحظة واحدة ، ورد عليها بتوتر مراوغ أخذها السؤال على محمل بعيد تمام البعد عن الجد، وحاول أن يقبلها وقال لها: إحنا أصلاً متجوزين من زمان.

هنا أيقنت سارة أن آدم لم يكن يفكر في هذا الامر من قبل أبداً ، علمت أنه لا يريد أن يتحدث بشكل جاد في هذا الأمر ، فقالت له : آدم أنا عايزة أتجوزك ، أنا بحبك وتعبت من علاقتنا في السر، حاسة إنى بقيت ست مش كويسة ، عايزة أحترم نفسي.

وبهذه الكلمات مع دموعها غير المقصودة التي انهارت فجأة غادرت سارة مكتب آدم وأخذت شنطتها ورحلت من الشركة.

جلس آدم مذهولاً من هذه اللحظة التي ربما لم يتوقعها؛ فهو مثل أي رجل لا يرى إلا اللحظة التي يعيشها بسعادة ، لم يستطع أن يرى ما داخل سارة حقاً طوال تلك المدة، بدأ فعلاً يراجع كل السنوات وكل ما فعلت معه ويسأل نفسه هل حقاً أحبها أم هو الانبهار ثم الاعتياد ، هل يقرر أن يتزوجها ، وإن تزوجها ماذا سيقول لزوجته وبناته ، كيف له أن يصدم ابنتيه أهم ما لديه في هذه الدنيا؟ ماذا يفعل مع سارة وكيف يستطيع أن يرد على هذا السؤال بل هذا الاختبار الصعب والصعب جداً؟ ، فإنه لا يوجد أصعب من أن يتزوج رجل للمرة الثانية حتى وإن لم يكن سعيداً مع زوجته

الأولى ، فلو فعل رجل ذلك وقرر هذا القرار وخصوصاً لو كانت علاقته باولاده مثل علاقة آدم بيناته ، اعلمى حينها أن هذا الرجل يجبك حباً لا يستطيع هو نفسه أن يصفه .

باتت الاسئلة والافتراضات تدور في رأس آدم ، اتصل بسارة ولم ترد عليه مرتين وردت في الثالثة ، عرف من نبرة صوتها أنها ربما تكون مصدومة بردة فعله على سؤالها ، حاول أن يذيب هذا الشعور لديها مداعباً: سارة أنا لوليت الدنيا مش هلاقي غيرك اتمنى تكون مراتى ، أنا بحبك وأكيد هنتجوز ، بس أكيد لازم نفكر فى الظروف شوية والطريقة المناسبة .

لم ترد سارة بكلمة واحدة غير إن شاء الله خير ، طلب منها أن يزورها بعد أن ينهى عمله كما اعتاد لكنها اعتذرت له بحجة أنها تعبانة وليست على ما يرام .

سارة لم تكن تعلم أن هاجر زوجة آدم لديها شكوك تصل إلى حد اليقين فى علاقة آدم بسارة، بل كثيراً ما سألت هاجر بشكل مباشر وصريح عن هذه العلاقة ولكن آدم لم ينكر ان هناك شىء ما بينه وبين سارة لأن كل شىء يفعله يقول ذلك وكثيراً ما حدث مشكلات كبيرة وعنيفة بين آدم

وهاجر وصلت الى حد طلب الطلاق مرتين وترك البيت بالاسباب وهذا ما لم يقصه أبداً آدم على سارة خشية منه ان تبعد خوفاً منها على بيته لمعرفة كم هو معلق ببناته ومدى علاقته بهما وقربهما له.

ما يدور في رأس آدم عن حبه لسارة ربما يكون جزءاً صغيراً داخله يريد الحفاظ على علاقته بابنتيه وزوجته ، يريد من خلال تشكيك نفسه في حب سارة ومحاولة التفكير أنه ربما يكون الاعتياد أو الانبهار وليس الحب. لكن في حقيقة الأمر ورغم كل هذه الأفكار إلا أن آدم يعرف تمام المعرفة أن ما بينه وبين سارة هو حب وعشق حقيقيين وكبيرين وليس أمامه سوى أن يكمل حياته معها.

آدم في موقف لا يجسد عليه ، خوفه على بناته ربما هو السبب الوحيد وراء هذا التفكير الطويل في كيف سيواجههن وكيف ستسير الأمور ، لكن آدم لا يفكر في الزواج من عدمه بل هو قرر ذلك مسبقاً ربما قبل حتى أن تتحدث معه سارة في هذا الأمر، فربما كان دائماً يعتمد إخفاء علاقته بسارة لخوفه على تلك العلاقة من أن تتأثر إن ثارت مشكلة قبل أن يرتب اموره ويشرع في الزواج منها ، كان يخشى جداً على علاقته بسارة لذلك كان يواربها عن العيون ولو بشكل مؤقت حتى لا تتعقد الأمور في لحظة هما غير

مستعدان فيها للزواج، ربما كانت سارة لا تعي ذلك وتظن احياناً إنه لا يريد أن يعرف احد بارتباطهم خوفاً من أن يتسرب الأمر لزوجته وتثور بينهما مشكلة ويتوتر بيته، لكن كانت الحقيقة هي العكس تماماً فكان يرتجف رعباً من مجرد فكرة أن تهتز علاقته بسارة تحت اي مشكلة ما قد تحدث قبل إعلان زواجهما.

فكان آدم مع سارة مختلفاً ، كل شيء فيه اصبح له روح مختلفة ، حبه لها وحبها له جعله يشعر سعادة وفرحة غير مسبوقين بالنسبة له رغم علاقته السابقة ، وجودها معه في كل تفاصيله بهذا الشكل الذي يتمناه اي رجل في هذه الدنيا جعله يتأكد إن هذه العلاقة مختلفة حقاً عن اي علاقة خاضها وخصوصاً علاقته بهاجر التي باتت علاقة باهتة لا يوجد بها روح كما كان يشعر دائماً.

آدم حب سارة وحب طريقته ووجودها في حياته ، آدم مستحيل يضحى بيها لأي سبب حتى لو كان السبب ده بناته، يمكن يكون اتوتر قلق محتاج وقت يرتب فيه أموره عشان ميخسرش بناته ، بس هو عمره ما فكر ولا تخيل أنه ممكن يبعد عنها، يمكن غلطته في الفترة دي أنه مكش بيتكلم مع سارة في الموضوع ده بالتفصيل.

آدم سرح في كل حاجة بينهم والحاجات الحلوة الكثير اللي حصلت وهما سوا، افكر أول حزن ليهم لما شدها وخدها جوة حزنه وهي مدهولة وكانت أول بوسة ، أول مرة كان عندها في البيت بعد سفريه ألمانيا وهي واقفة بتطبخ الأكل وعينه منزلتش من عليها طول الوقت ومكنتش عارفه تطبخ من نظراته ومكسوفة منه رغم كل اللي كان بينهم وهما مسافرين سوا.

افتكر أول عيد ميلاد ليها وهما سوا كان بالصدفة إجازة ومسافر مع البنات الساحل وجالها مخصوص يقابلها في الشارع بسرعة جداً عشان يدلها هدية عيد ميلها وكانت سلسلة مقلعتهاش من يومها، افكر الاغاني اللي كان بيحب يغنيهاها ويعلى صوته وهما سوا في العربية خصوصاً أغنية عمرو دياب (يا ملاك الحسن) وصوته العالي في جملة ((انتى والله العظيم أحلى من كل البشر)).



كانت علاقة حلوة مليانة حاجات كثير جميلة بينهم وهي كانت بتتفنن إزاي تسعده ، كان عارف كويس أوى أنه مش هيقدر ولا هيقبل يخسرها ولا يضحى بيها ولا عنده الاستطاعة انه يبعد عنها أو يعيش من غيرها أصلاً.

لكن فجأة انقلب الحال رأساً على عقب ، من فسح ومرح وهدايا وخروجات وسفر وحب وعلاقة حميمة ولا أجمل إلى اللا شيء لمدة أكثر من أسبوعين ، شعر آدم أنه يفقدها شيئاً فشيئاً وشعرت هي أنها تتعد عنه شيئاً فشيئاً، فلا أقسى على امرأة أعطت بكل ما فيها، أعطت كل ما تملك لرجل أحبته أن تشعر فيه بخيبة الأمل خصوصاً شعورها أنه لا يريد لها زوجة له .

كان لابد من مواجهة قوية بين آدم وسارة لإنهاء هذا الخلاف والوصول الى حل ما ، فأصبح جميع من بالشركة يلاحظ أنها تحولت من صديقين مقربين جداً تجلس معه طوال اليوم تقريباً إلى معاملة بسيطة جافة أو ربما لا يوجد تعامل على الإطلاق ، فكثيراً ما تهامس كل من بالشركة عنهما وعن علاقتهما وهذا ما كانت تتحمله سارة كثيراً وتصبر على أمل أن تصبح زوجته .

فكانت المواجهة هي الحل لوضع حد لهذا الموقف ، فإما أن نفترق والى الابد أو يكون هناك حل مُرضٍ لسارة هذه السيدة الفاتنة الجميلة التي يتمناها الكثير والكثير من الرجال .

قرر آدم بعد أكثر من خمسة عشر يوماً أن ينهي هذا الخلاف ، فبعدها عنه كان يصيبه بالجنون ، فلم تكن بالنسبة له مجرد علاقة عابرة ، فهو كثيراً ما مر بعلاقات عابرة لم تستمر كثيراً.

أرسل آدم رسالة على الوتساب مساء بعد موعد العمل أبلغ فيها سارة أنه سيأتي بعد ساعة إلى منزلها فلا بد أن نتحدث ، استقبلت سارة الرسالة دون أى رد منها وكان يدور داخلها آلاف الاسئلة آلاف الاحتمالات ؛ ماذا يريد أن يقول ، هل جاء لطلب الزواج أخيراً ، أو هل جاء لينهى علاقتنا؟ ماذا وماذا وماذا ؟ آلاف من علامات الاستفهام دارت برأسها ، ولكن قاطعها جرس الباب الذى اعتادت عليه من آدم وغاب عنها لمدة أسبوعين . بدأ آدم لقاءه بسارة بعناق حار وقوى استمر أكثر من دقيقتين دون أي قبلة منه ، كان حضناً ، حضناً فقط ، حضن يعبر عن الوحشة المطلقة والافتقاد لوجودها طيلة هذه الايام التى مرت وهى أمامه وليست معه وكأنها سنوات ، ثم دخل آدم دون أن تنطق سارة كلمة واحدة وجلس فى مكانه المفضل فى بيتها على كنبه كبيرة بنية اللون كانت هى مقر لقاءها الدائم حتى الحميمي منه ، كانت تفتقد هذا الحضن رغم وجعها منه .

بادر آدم بالحديث بكلمات مباغتة ومفاجئة ربما لسارة التى لم تكن تعرف حجم المشاكل التى يواربها عنها آدم ، وقال لها: على فكرة هاجر تقريباً

عارفة إن في بينا حاجة وكمان البنات متغيرين معايا، يمكن مش بحكى ليكى حاجة عشان بجد أنا بخاف عليكى تزعلي وعارف انك حساسة وممكن لو حسيتي إن في مشاكل في البيت عندي تبعدى عشان خوفك على البنات والبيت، بس صدقيني لما هاجر فتحت معايا الموضوع أكثر من مرة مقدرتش أنكر انك مهمة بالنسبة ليا ومش هقدر أستغنى عنك، هاجر متأكدة اني بحبك من ألف حاجة بتحصل قدامها وباينة زى الشمس وانتي عارفة اني مش بعرف أكذب ولا اخبي حاجة جوايا فعلاً وبيبان عليا ، هاجر سألتني في آخر مشكلة انت هتتجوزها رديت بمنتهى الصدق وقولت لو حصل هقولك أكيد وده احتمال كبير يحصل، اتكلمنا كثير وهى طلبت الطلاق أكثر من مرة في كل موقف ومشكلة بتحصل بسببك بس أنا بخبي عليكى عشانك والله العظيم، خوفي عليكى هو اللي بيحركني في أى تصرف وهو اللي بيوترني ويمكن ساعات بغلط وبقى مش عارف إيه يتقال وإيه يتدارى.

سارة : ليه مكنتش بتقول وساينى كل المدة دى أتعب لوحدى وأفقد الثقة فيك يوم بعد التانى واحس انك بتبعد عنى ومش عايزني، ليه خلتنى أحس إنى بقيت عبء عليك وإنى بقيت ثقيلة أوي للدرجة دى، ليه أهملتنى بعد ما كنا قرييين أوي وحسستني اني رخصت نفسي- لما قبلت

بوضع سنين مستحيل غيرى يقبل بيه، انا تعبت وفقدت الثقة فيك بجد وخصوصاً لما طلبت منك اننا نتجوز وانت سكت، انت وجعتنى أوى وانت مش حاسس .

آدم: أنا يمكن أكون غلط إنى بعدت عنك بسبب شوية المشاكل دى بس ده مش معناه انى عايز أبعد أو انك عبء والكلام ده، وبالنسبة لموضوع الجواز ده أكيد هيحصل بس يمكن موضوع البنات وزعلهم موترنى شوية ، والموضوع وقت مش أكثر.

يعنى الحكاية واضحة عند آدم هو بيحب سارة مش هيفرط فيها ، خوفه على بناته موتره ، وأكيد عامل اعتبار ان هاجر ست كويسة جداً ومش مقصرة معاه فى حاجات كتير ، بس هو مع سارة حاجة تانية ، فى ناس احنا بنكون معاهم مختلفين.

الحكاية متشابكة وملخطة وسارة كمان ابتدت تفكر كتير يا ترى أستنى والا أمشي، البدائل كتير ولسة موصولوش لحل نهائى، الموضوع بقى معروف للكل وتقريباً كلهم يفكروا فى ايه هيحصل عشان نعيش فى استقرار ، آدم وسارة وهاجر والبنات بقوا عارفين الحكاية والموضوع بقى معلن وفى النور ، وكل واحد فيهم عنده ألف سبب أن الموضوع ده ينتهى

وفي نفس الوقت أسباب كثير تخليه يكمل ويعيش مع الست الى حس أنه معاها في حاجة جواه مختلفة وأكيد دي حاجة تستاهل أنه يتمم الجواز زي ما هو مقرر.

بس ساعات وانت بتفكر إزاي تعيش سعيد تلاقى نفسك هتتعس ناس تانية ملهاش ذنب وده بيخليك تتأثر أو انك تخاف عليهم أو ضميرك يوجعك عشائهم وخصوصاً لو كان الناس دي ولادك حته منك فبتبتدى تفكر كثير يا ترى أنا لو اخترت سعادتى أنا هبقى شخص أنانى ومش شايف غير نفسي بس ولا لو عملت ده هبقى أحسن وهقدر أسعدهم يمكن أكثر من الاول والبنات كدة كدة هتكبر ويقفوا مش معايا ؟. اللخبطة الى فيها آدم كلها كانت بعيدة عن فكرة انه يسب سارة ، التفكير كله كان منصب هو هيتجوزها إزاي وإمتى.

دلوقتي في نهاية الحدوتة يمكن احنا مش عارفين هو إيه اللي هيتم بالظبط وإيه الاحتمال الأحسن في الاحتمالات المتاحة.

الدنيا على قد ما هي مليانة أوقات حلوة فيها أوقات صعبة وعشان تدفع تمن اللحظات الحلوة الى انت مستنيها لازم تعدى باللحظات الصعبة دي وتحملها وتبقى قدها ومتضعفش؛ عشان لو ضعفت في الوقت ده

تحدِيداً جَائِزاً جَدّاً تُخْسِرُ كُلَّ الْحُلُوفِ إِلَى عَيْشَتِهِ وَاللِّي كَانَ جَائِزاً تَعِيشُ أَوْعَافَهُ
 بَعْدَ كَدِّهِ، التَّفَكِيرُ فِي اللَّيِّ حَوَالِينَا مَهْمٌ بِسْ تَفَكِيرِكَ فِي نَفْسِكَ وَسَعَادَتِكَ مَشْ
 حَاجَةٌ عَيْبٌ وَلَا حَرَامٌ وَمَشْ أُنَانِيَّةٌ، كُلُّ وَاحِدٍ فِينَا يَسْتَاهِلُ بِبَقِيَّةِ سَعِيدٍ
 وَمَبْسُوطٍ فِي حَيَاتِهِ عِشَانٌ يَقْدِرُ يَسْعُدُ اللَّيِّ حَوَالِيَهُ، عِشَانٌ كَدِّهِ لَازِمٌ تَدْوَرُ
 عَلَى سَعَادَتِكَ وَتَرُوحِلُهَا بِسْ وَأَنْتِ رَائِحِلُهَا مَتَضَعْفَشْ فِي اللَّحْظَاتِ الْفَارَقَةِ
 فِي الطَّرِيقِ عِشَانٌ دَهْ بِيكُونُ أَكْبَرُ اخْتِبَارِ لِيكَ وَلِلشَّخْصِ اللَّيِّ بِتَحْبِهِ وَهَلْ
 هَتَفَقَدُوا الثَّقَةَ فِي بَعْضِ سَبَبِ اللَّيِّ هَتَقَابِلُوهُ أَوْ مَشْ هَتَقَدَرُوا الضَّغُوطَ عَلَى
 كُلِّ وَاحِدٍ فَيْكُمْ وَتَشَكُّكُوا فِي بَعْضِ وَلَا هَتَسْتَحْمَلُوهُ وَتَعُدُوهُ سِوَا وَتَعِيشُوا
 فِي الْحَاجَاتِ اللَّيِّ يَمَكُنُ كَانَتْ حَلْمٌ لَسْنِينَ وَمَضْعَشْ بِسَبَبِ فِتْرَةِ صَعْبَةٍ
 عَدَتْ عَلَيْكُمْ.

(الحدوتة الثالثة)
(الروح الحلوة) ريم

العالقون في قلوبنا
ألن تمرؤا ؟

الحب دائماً مخادعٌ أصحابه، يباغتهم بالمفاجأة من أكثر الأماكن أماناً لهم، أو بمعنى أدق يدركهم بالفاجعة من حيث لا نتوقع الفجعة، تثق فيأتيك السهم من حيث وجهت كل ثقتك، فللأيام خبايا لا ندرك حتى إشارة واحدة عما تواريه عنا، لا مبالية هل سنستطيع الصمود أمام ما تخفيه لحظة إظهاره لنا أم لا، فالحب أكبر ذنوب العاشقين الواثقين في من هم ليسوا أهلاً لذلك، الحب الثقة والعشق بلا حدود هم أكبر الخطايا التي نرتكبها في حق أنفسنا.

أكثر من ثلاثة أسابيع كاملة يحاول آدم مقابلة ريم لكنها تنهرب دائماً من مقابلته، آدم وريم قصة حب ثلاث سنوات أو ربما أكثر، قصة حب مختلصة من واقع مليء بالمشاكل، حكاية مليانة تفاصيل حلوة مع بنت تخليك مبسوط مهها كانت همومك ومشاكلك بروحها اللي كانت أحلى من أى حاجة في الدنيا.

آدم رجل متزوج من امرأة جميلة ، لكن هناك الكثير من تفاصيل بينه وبين زوجته البعيدة تمام البعد عنه طوال سنوات زواجهما العشر .

فهو راجل في آخر سنة في الثلاثينيات صاحب خفة دم وطلقة تخليك تحبه من غير ما تاخذ مجهود ، كان شخص بشوش يبحب الهزار بيتكلم كويس يبحب الضحك ، كان مجامل وذوق ودى حاجة كانت ممكن تخلى ريم تغير جداً لأنه له زمائل وأصدقاء ستات ويبحبوا يتكلموا معاه وهو كان بيتعامل معاهم كلهم زى بعض بطريقته العادية المرحه، وعلى الرغم من أن ريم عارفة أن آدم عمره ما يقدر ولا يتخيل أنه يبص لغيرها إلا أن غيرتها كانت دايماً سبقاها، ولو أنت متعرفوش ممكن تقول عليه بتاع ستات مثلاً أو راجل هلاس، بس الحقيقة أنه مكنش كدة ، آدم يبحب ريم وأى وقت كانت بتحاول أى واحدة تقرب منه كان دايماً يبشوف ريم قدامه وعمره ما خانها حتى في خياله ، حاولت معاه ستات كثير لانه فعلاً راجل جذاب شكله كويس رياضى مرح عنده كاريزما خاصة به هو وبس ، بس في النهاية كان مخلص لريم ودايماً كانت موجودة بينه وبين أى حاجة وأى حد ممكن يخليه يغلط مهما كانت، مع انه كان كثير يبحب أنها مش واثقة فيه إلا أنها ساعات كان يحصل مواقف تخليها تتأكد أنها ظلمته .

ريم كانت بتغير جداً من بنت عند آدم على فيس بوك كان اتعرف عليها من خلال شغل وآخر مرة شافها يمكن من سنين بس كانت دايماً متبعاه وساعات كانت تهزر معاه فى كومنت مثلاً وده كان أقصى- حاجة بينهم، وريم كانت هتتجنن لحد ما الصدفة أكدت لريم أن الموضوع بالظبط زى ما كان آدم بيقول ويحلف دايماً أنه مش بيعرف ولا بيشوف غيرها جوة قلبه وأى حد تانى مش أكثر من أنهم يا إما زملاً أو معارف أو أى حاجة تانية ، المهم آدم وريم خارجين فى مكان وفجأة التريزة اللي جنبهم يلاقى البنت اللي ريم شاكة فيها ومن بعيد يسلم عليها والشكل واضح جداً أنهم فعلاً مفيش بينهم أى كلام غير علاقة سطحية جداً ، وقتها آدم يبص لريم ويقولها ايه رأيك أهو ربنا بينصرنى من غير ما أعمل حاجة أهو، ترد ريم بضحكة خجل : بغير عليك حتى من نفسك، بس والله العظيم بحبك ومش بشك فيك، أنا بس بتجنن لما حد بيهزر معاك، وكالعادة يرد يقولها: يا عبيطة مفيش غيرك جوة قلبى وعقلى وروحي .

ظهرت ريم في حياة آدم بالصدفة، لم يتوقع أن يجدها لكن هذا ما حدث دون أن يعرف متى وكيف وأين، فدائماً ما يحدث لنا صدفة دون ترتيب أو محاولات تكون هي القصة التي نرويها للجميع حتى آخر أيامنا، صدفة ريم بالنسبة لآدم كانت الحياة التي نفسه يعيشها على الرغم من أنه مكش متخيل أنه ممكن يجب تاني ، أو على الاقل لو حب مش هيكون بالشكل ده ولا بالجنون ده، آدم كان مجنون بريم، وفجأة الراجل اللي كان بيتكلم عن علاقات الحب أنها حاجة مش موجودة ومفيش حد يستاهل وأن الحياة مش أكثر من روتين وأن الناس كلهم زى بعض ، فجأة هو نفس الراجل اللي تقريبا بقى يكتب شعر في الحب وقد إيه هو هيبقى أسعد راجل في الدنيا لما يجمعهم سوا بيت واحد لانه هو بس اللي عارف يعنى إيه ريم تكون مراتك ومعاك في بيت واحد وحياة واحدة، باختصار ريم كانت ملهمة لكل حاجة حلوة عملها آدم في حياته وهى معاه ضهر وسند وأخت وأم في كل حاجة.

حب ريم لآدم كان مختلف؛ كان معاها بيفرح بأقل وأبسط حاجة بينهم ، كانت بتفرحه بضحكتها وروحها الحلوة وخفتها ورقتها في كل حاجة ، ريم كانت أجمل بنت ممكن تشوفها عنيك ، كان لازم يجدها لانها فعلاً تتحب، في الوقت ده ريم تقريباً كانت عندها حوالى ٣٠ سنة وممرت

بتجربة جواز مريرة لم تستمر أكثر من شهر، وكان آدم بالنسبة ليها الدنيا بكل اللي فيها، كانت دايماً تقول له بحسك ابني، نفسي بس نتجوز ومش عايزة حاجة من الدنيا غيرك وتفضل جوة حضني حتى لو مش هخلف هتكون انت حبيبي وابني.

قصة حلوة مليانة تفاصيل كثير، كان آدم متفق معاها فعلاً على الجواز ومستنى وقت مناسب لأن أكيد عشان يفتح بيت تانى ده محتاج إمكانيات كبيرة ومصاريف كثير خصوصاً أنه كان عنده ولد وبنت توعم عمرهم ٨ سنين وكانوا أكيد مهمين عنده، بس هو طول الوقت عارف وواثق ومتأكد أن ريم معاه وبتحبه وجوازهم ده حاجة هتحصل هتحصل مهما الظروف طولت المدة بس أكيد هو عمره ما هيفرط فيها تحت أى ظرف.

ريم كانت صابرة جداً ومقدرة ظروفه وهو عارف ده كويس وشايفه ومقدره وهو كمان كان مقدر كل اللي كانت بتعمله معاه وعلشانه وعمره ما اتصور أنها ممكن تبعد عنه، وكانت كل حاجة بينهم ماشية كويس ومكنش فيه بينهم أى مشكلة تذكر في الفترة دي، بس للأسف فجأة آدم يكلمها

وهي بتعامل ببرود حاسس أنها متغيرة معاه ، مش عايزة تقابله وتهزر في التليفون وتاخذ الموضوع بتهريج ، لحد في يوم آدم زعل وقالها عايز أفهم في إيه بالظبط، أنا بقالي كتير مش عارف أشوفك وانتي بتتحججي بأى حاجة وأنا ساكت بس أكيد في حاجة غلط.

ريم اتكلمت أخيرا بصراحة وقالت اللي بتفكر فيه ، ريم قالت لآدم بمنتهى البرود: بصراحة أنا محتاجة أبعد عنك وحاسة إنى مش عايزة أكمل ، شايفة أن قصتنا غلط ولازم نسيب بعض بس نتكلم في التليفون عادى واحده واحده نبعد عن بعض عشان متعبش .

آدم سمع كلام ريم وهو مش فاهم إيه اللي حصل وإيه الكلام ده وازاي فجأة ريم تقول ده ، آدم مكنش مستوعب وكان بيسأل نفسه هو ده بجد ولا أنا بحلم ، صدمة آدم مش طبيعية في البنت اللي حبها وكانت في حضنه ٣ سنين في كل حاجة ، كل حاجة بمعنى كل حاجة ، موجودة في تفاصيل يومه من أول ما يصحى لحد ما ينام ، هي محور الحياة بالنسبة له وهو كمان كان كدة وأكثر بالنسبة لريم، كان بينهم لحظات كتير حلوة ملهاش حصر ولا عدد ، وجودها في حضنه كان غير أى حاجة ممكن تتحس ، ريم مكنش مجرد ست في حضن راجل، ريم كانت الكون كله

متمثل في ست، ريم كانت حياة بالنسبة لآدم ، عمر اتمنى يعيشه ، بيت كان بيحلم بيه لآخر أيامه، آدم عمره ما حس يعنى إيه راحة وحب غير وهو نايم جوة حضنها وراسه على صدرها وهى لافة إيديها حواليه وهو يروح في النوم في أقل من دقيقة كأنه فعلاً طفل جوة حضن أمه، ريم كانت كون واسع مليون حاجات حلوة يمكن صعب حتى تشرح، آدم كان بيحس بالأمان جوة الحضن ده ، كان بيحس بالقوة وأنه ممكن يعمل أى حاجة في الدنيا وهى معاه ، كان بيحلم بوجودها معاه جوة بيت وهم متجوزين رسمي، آدم وريم كان في بينهم عهد قدام ربنا إن هى مراته وهو جوزها حتى لو ده مش صح بس كانوا مصدقينه ونيتهم بجد مع ربنا أن أى حاجة بينهم بتحصل هى صح لأنها مراته وربنا شاهد على كدة واللى مآخرهم بس ظروف مادية مش أكثر، آدم وريم متجوزين قدام ربنا، عشان كدة آدم كان مذهول إزاي ريم تسيبنى وتمشى فجأة بالشكل ده، إزاي قبلت تكسرني ومن غير أى سبب ولا أي مشكلة حتى ممكن تكون حصلت.

الغريب في الموضوع أنه رغم محاولاته معاها وسؤاله ليه حس منها برود وقسوة غريبة، حس أنها متغيرة وهو مش فاهم إيه سبب التغير.

ساعات بتحصل لنا حاجات أو مواقف من أقرب الناس لينا بنفقد عندها الكلام ومش بيكون عندنا حتى قدرة على العتاب ولا عارفين نشرح اللي جوانا، فجأة تحس أنك فقدت النطق والحركة والتصرف، مفيش رد فعل من أي نوع لان اللي حصل معاك أو اللي اتقالك حاجة مش ممكن تتخيل أنها تحصل في يوم من الأيام، بتبقى تايه، تايه ومش عارف هو أنت هتروح فين أو هتعمل إيه وهو ده بجد حصل معايا من الشخص ده بالذات، ولاده مجرد حلم وشوية وهصحى منه؟.

آدم كان ضعيف مصدوم مش فاهم هو إيه اللي حصل، فجأة لقي نفسه لوحده تانى، الدنيا فاضية تانى مفيش فيها غير الروتين، شغل ممل بيت باهت، حياة أبيض وأسود، ريم بتبعد وتبعد معاها كل حاجة حلوة، الفراغ اللي سابته ريم ممكن يخلى أى حد مكان آدم يغلط حتى لو هو مش عايز ومش حابب أنه يغلط بس غصب عنه محتاج يهرب، محتاج يحس أنه لسة عايش لأن الإحساس الوحيد اللي كان بيعحسه فى بعد ريم وقسوتها هو إحساس الموت، موت كل حاجة، الدنيا فضيت عليه مهما كان حوالية ناس حتى لو كانت الناس دول ولاده اللي بيعحبهم أكثر من نفسه، ريم

مكنتش تعرف هى ممكن تكون بتمثله إيه ويعنى إيه الحياة من غيرها وقد إيه هتكون صعبة ، وقد إيه هو ضعيف وهي بعيد.

لازم فى أى قصة حب أو ارتباط نبقى عارفين كويس إحنا إيه عند الطرف التانى وبنمثلهم إيه، لأن فى علاقات كثير للأسف بيكون ده مفقود فيها وبنشوف اننا ممكن نمشى عادى هيجرى إيه يعنى، فى اللحظة دى بنكون بنحكم على حد بالموت من غير ما نحس ، بنكون انانيين لدرجة مش بتخلينا عندنا ذرة ضمير واحدة والمخيف أنك تلاقى إالى مشي وسابك تموت من غيره لأنه مش عارف هو بيمثل لك إيه، بيقول إن ضميره مرتاح، مش عارف إيه راحة الضمير فى القتل، إنك تمشي- وتسبب حد بيحبك و متمسك بيك وعمره ما فكر أنه يفرط فيك تيجى أنت بكل بساطة وتقتله مع سبق الإصرار والترصد حتى لو حصل منه حاجة زعلتك أو جرحتك لأنه إنسان عادى وممكن يغلط فى حقك مثلا لأنه أكيد مش ملاك وده وارد ، مهما كان أى حاجة حصلت مستحيل يكون عقوبتها الاعدام ، مين إالى ضميره يقدر يرتاح لما يرتكب جريمة قتل يا ريم؟!.



في الفترة دي كان آدم اتعرف على فنانة تشكيلية من خلال معرض لوحات في الأوبرا بالصدفة ، وبالصدفة كانت ساكنة قريب منه ، غضب عنه لقي نفسه بيتكلم معاها كثير، كانت مريحة في الكلام ويمكن كان محتاج حد يتكلم معاها خصوصاً في الفترة دي، ودي كانت نور ، نور كانت حاجة كدة شبه الفراشات الجميلة ، فعلاً كانت نور رقيقة صوت وصورة ، كانت مثقفة وبتقرأ كثير ويمكن دي كانت أول حاجة جمعتهم ببعض ، الكلام عن الكتب والروايات والسياسة ، نور كانت حلوة في كل حاجة .

آدم يمكن اتشد لنور كشخصية مميزة ، كان معجب بالحاجات الكثير إلى بتعملها ومميزة في كل حاجة فيهم ، كانت مهندسة ديكور شاطرة جداً وفنانه تشكيلية مختلفة ، بتكتب مقالات وبتنشر- في أماكن كثير وليها معجبين ملهمش حصر .

فجأة نور الي عندها آلاف المعجبين بقت هي معجبة آدم الأولى، جمعتهم صداقة قوية بمنتهى السرعة ، نور كانت عايشة لوحدها لانها كانت ست مطلقة ومعندهاش أولاد وكل أهلها كلهم تقريباً عايشين برة مصر .

كانت الصداقة فعلاً هي الحاجة إلى بينهم ، مع الوقت ومع بعد ريم وإحساس آدم بالتوهة اتوهم أنه محتاج أحاسيس مختلفة عن الصداقة، وزاد ده معاملة نور له بطريقتها واهتمامها وقربها منه طول الوقت، نور مكنتش بتعمل حاجة في يومها غير أنها معاه يا بمكالمة أو برسالة أو بمقابله.

بقى بينهم حياة يومية كاملة وحلوة ، ريم بعدت في وقت صعب على راجل زى آدم أنه يتكسر بجملة زى إلى قالتها ريم " أنا ببعد عنك بالتدرج تعشان متعبش " ، ريم مكنتش شايفة آدم أصلاً وهي بتقول ده ولا كانت بتفكر هو هيعمل إيه من غيرها، ريم كانت قاسية قوى على عكس طبيعتها، إزاي مكنتش عارفة معنى أنها متكنش موجودة في حضنه ده معناه ايه بالنسبة له، إزاي معرفتش قيمتها عنده وأنها فعلاً أنفاسه إلى بيتنفسها والمستقبل إلى بيحلم يعيشه وعمره متخيل أنه مييجيش ، الحاجة الوحيدة اللى كان ممكن آدم يتخيل أنها تبعد عن ريم هي أنه يموت.



فضلت ريم تبعد في نفس الوقت إلى فيه نور بتقرب ،إلى هو نفس الوقت اللى مراته مش مهتمة بأى حاجة غير بشغلها اللى كان أهم حاجة

عندها، كانت ست ناجحة في شغلها بس فاشلة في أنها تبقى زوجة تهتم بجوزها وتخليه حاسس بوجودها ، يمكن الولاد هما سبب استمراره مع مراته لحد دلوقتى ، نفس حال بيوت كثير ده سبب استمرارها فعلاً، وحتى مراته نفسها كانت عارفة ده وتقريباً وبشكل ضمنى ده كان شبه اتفاق بينهم انهم مستمرين عشان الشكل العائلى والولاد وبس.

آدم من غير ما ياخذ باله لقي نفسه هو ونور في علاقة ارتباط غريبة متقدرش تقول إنها حب فعلاً ومتقدرش تقول هى إيه بالظبط ، نور بقت مهمة جداً في حياته بقى بيقضى عندها معظم أوقاته تقريباً ، كل يوم يخلص شغله في البنك ويروح على بيت نور ، بيتها كان عبارة عن غرفة نوم بحمام مقفولة ورسبشن واسع جداً وكبير وفيه مطبخ مفتوح ، مفروش بشكل بسيط مميز في الانوار والأباجورات والألوان ، نور كانت روح غريبة وجديدة عليه، مكتبة عرضها حوالى ٦ متر لحد السقف مليانة كتب في كل المجالات وتقريباً نور قرت كل الكتب دى، ده غير ركن الرسم بتاعها المليون لوحات غريبة ومختلفة وجميلة في نفس الوقت ، كان دايماً بيشف فيها حاجة جديدة كل مرة يبقى معاها ، تقريباً بيتها بقى بيته وبقى موجود معاها مدد كبيرة كل يوم.

نور حبه ، حبت طبيته حنيته حزنه إلى كانت بتنام جواه وتحس أنها ست فعلاً بعد تجربة قاسية مع راجل عنده مشاكل نفسية كبيرة ومكنش قادر يتعامل مع الست الجميلة اللى كانت محتاجة راجل بجد تبقى جوة حزنه ، تقريباً مكنش فى بينها وبين جوزها علاقة نهائى لمدة سنتين قبل الانفصال، على عكس آدم اللى كان بيحسها قد إيه هى أنثى بكل معانى الكلمة وده اللى عمرها ما حسيته مع طليقها.

نور حبت آدم ، بس كان دايماً السؤال الأهم ، هل آدم حبت نور ؟

الحقيقة هو حبت كل إلى بتعمله معاه ، حبت مميزاتها ، حبت شكلها المختلف، رقتها ، حبت نجاحها عشان مكنش مأثر ولو بنسبة صغيرة على دورها فى البيت وكل اللى بتقوم بيه رغم انشغالها فى ألف حاجة كانت بتعمل كل حاجة بإيديها وده كان نقيض مراته اللى كان غصب عنه يقارن بينهم دايماً.

يمكن آدم محبهاش، اتعود عليها وكان مبسوط بكل إلى بتعمله، معجب بيها وبتفاصيلها بس الأكيد أن إلى بيحسه ناحيتها ده مش حبت لأن ببساطة مينفعش تبقى بتحب حد ويدخل قلبك حد تانى ويبقى العلاقة دى

اسمها حب برضو كدة عادى ، ممكن أي نوع تانى من المشاعر الإنسانية
الحلوة بس أكيد مش حب.

المشكلة الحقيقية مش أن آدم مش عارف طبيعة أو حقيقة مشاعره
ناحية نور، المشكلة اللي بجد كانت أنه لسه بيحب ريم ، لسة بيحلم بيها هي
، لسة بيتخيلها معاه دايماً فى كل حاجة كانت بينهم، ريم كانت ساكناه.

الغريب ولسبب غير مفهوم أن بعد ما يحصل ويقرب آدم من نور
بالشكل ده انه يلاقى ريم بتقرب تانى وكأنها ندمت على اللي حصل منها
خلال حوالى شهرين كان هو بيحاول يشوف حياة تانية وحضن تانى يهون
عليه صدمته ، آدم مكشش سييء النية مع نور بالعكس ، كان مقرر يكمل
معها وينسى ريم ويتخطى حكايتها لأنه انجرح واتوجع ومكشش فاهم ليه
بتعمل ده واحنا محصلش بينا أى مشكلة، بس للأسف مقدرش يتخلص
منها جواه، وأول ما حس أنها بتقرب جري عليها من غير حتى ما يتعاتب
معها ولا يلومها على فترة كانت بتبعد عنه وبتكسر فيه كل يوم حاجة ،
يمكن هي محستش باللى حصل منها قد إيه أثر فيه لأنه كان دايماً معودها أنه
مبيزعش منها وده للأسف عيب يقع فيه ناس كتير مع الناس اللي

بيحبوهم، إنهم مش بيحسوسوهم أنهم زعلوا ولا بيعاتبوهم ويفهموهم هما
قد ايه موجوعين ومجروحين منهم وده بيخليهم ميحسوش أنهم غلطوا
أصلا.

ومن غير ما يحس لقي نفسه مش قادر يبقى مع نور زى الأول بس كان
عايش فى جدال داخلي وحالة من الحيرة والهزة مش قادر يقرر لسة هو
هيعمل إيه وهيكمل مع مين، مكنش عارف هو هيقدر يسامح ريم ويرجع
ولا وجعه أكبر، مكنش عارف يكمل مع نور ولا مش هيقدر يتخطى ريم
الى ساكنه كل تفاصيله وعائشة جوة قلبه وصعب يبقى فى مكان لغيرها
حتى لو بعد سنين.

فترة من وجع الضمير والندم على التسرع والارتباك، فترة من أصعب
الفترات الى ممكن تمر على راجل متجوز ويحب واحده ومرتاح مع الثالثة.

يمكن لو أنت حد بعيد عن الراجل ده تشوفه راجل وحش أو بتاع
ستات زى ما كان بيتقال عنه بس الحقيقة مش كدة، الحقيقة هو كان مفتقد
للحب والحنية أو خيلنا نجمع كل الاحتياجات دى فى كلمة واحده وهى

الحضن، الراجل زى الطفل بيكون محتاج حضن ست يجبها عشان يسكن فيه وهو مطمئن وبيفضل يدور على ده كتير ومجرد ما بيلاقيه بيسكن فيه ومش بيفرط فيه مهما حصل، وده إالى حصل مع ريم وعشان كدة اتصدم وحس إحساس الطفل إالى أمه اتخلت عنه وتاه بعدها، عشان كدة يمكن واحدة بمواصفات نور كان سهل جدا أنه يقرب منها يمكن يحس معاها حاجة تعوضه عن ريم، بس الحقيقة ده محصلش وكان كل يوم بيمر على آدم جوة حضن نور كان بيفتقد حضن ريم أكثر وبيوحشه أكثر ويمكن عشان كدة لما رجعت وكانت بتتعامل عادى كأن مفيش حاجة حصلت وكأنها مقاتلش إنها عايزة تبعد ولا كانت بتتهرب إنها تشوفه مدة طويلة هو سكت وفضل يشيل وجعه جواه وميوجعهاش حتى بكلمة، كان بيخاف على ريم حتى من عتابه اللى عنده حق فيه ليوجعها ، بس يا ترى ريم تعرف ده أو حتى مقدره ، للأسف هى متعرفش .

كل دقيقة بقى بيسأل نفسه هو أنا بعمل إيه ، أنا مش قادر ومش عارف أبقى كدة ، بعد عن نور جداً فى الوقت ده مبقاش حتى يروح لها كتير ، مبقاش قادر يبقى معاها فى علاقة وكان بيحس أنه بيخون ريم لأنها رجعت وهى حبيبته رغم حيرته لأنه فعلاً مكشش قرر يرجع أو لآ.

بس للأسف كان في أحداث كثير كانت حصلت في الشهرين دول يا ريم، ليه عملتى كدة ليه بعدتى عنى وسبتينى أتخبط بالشكل ده وأذى ست رقيقة ملهاش ذنب غير إنها حبتنى .

صعب جداً أنك تقارن بين حد بتجبه ساكن روحك وحد تانى بيقولك بحبك ويحاول يقربلك وممكن جدا يكون فعلاً شخص كويس ، المقارنة صعب جداً أو يمكن تكون مستحيلة في الحالات إالي زى دى ، آدم كان تايه مش عارف يفكر ، ريم كانت ساكنة روحه وكل تفاصيله ، يمكن كمان من كتر مهو بيعحبها بقى يحس لما يشوف صورهم أنهم بقوا شبه بعض ، حبه لريم كان مسيطر عليه ومش شايف جوة قلبه غيرها رغم وجعه منها وإحساسه أنها باعته بعد كل إالى بينهم ده حتى من غير ما يكون في مشكلة، إحساسه بأنها حتى مفكرتش فيه لحظة ومشيت كاسر حاجة في قلبه وموجوع ، بس مش عارف يبقى في مكان تانى رغم كل إالى عند نور من حنية وعطاء وإمكانيات وبيت وحصن أى لحظة يحتاج له يلاقيه، نور كانت حلوة من جوة أكثر يمكن من برة ، كانت بتعمل عشانه كل حاجة وأى حاجة عشان بس يحس أنه مبسوط ، كانت مشروع قصة جميلة عند آدم، بس

الحقيقة أنه حاول يقرب وراح معاها بكل جوارحه بس في الآخر كان قلبه مش قادر يحس بيها بشعور الحبيبة بنفس المعنى اللى كان مع ريم، ريم كانت روحه فعلاً، وصعب جدا تعيش من غير روحك، الحب ده على قد مهو أجمل إحساس في الدنيا بس كثير بيوجع لما بتحس أنك متقدرتش كويس واتبع، يمكن نور بكل إالى قدمته لآدم إلا إنها مسكنتش روحه ولا قدرت تاخذ حتى ولو جزء من مكان ريم جوه قلبه، آدم مكنش غريب على الرغم من أنه لما كان بيحكى لصاحبه حسن اللى مكنش بيحكى مع حد غيره كان حسن بيستغرب جدا إزاي واحدة معاك بالشكل ده وبكل الامكانيات وكل احتياجاتك معاها بتقارن بينها دلوقتي وبين واحدة فجأة بدون أى مقدمات أو أسباب أو حتى مشكلة سابتك ومشيت.

صراع غريب جواه ومش عارف يعمل إيه استمر مدة حوالى ٣ أسابيع بعد ما رجع يتقابل مع ريم.

لما يقابل ريم سيكون خايف من نفسه لما عينه تيجى فى عنينا ، خايف ليقولها من نفسه كل حاجة عن نور ، آدم عمره ما خبى عن ريم أى حاجة مهها كانت ، دى كانت أول مرة يدارى عنها حاجة ومشاركهوش مشكلته .

ولما كان يقابل نور وده مكنش بيحصل كتير فى الفترة الأخيرة مكنش قادر يقولها إن ريم رجعت كلمته تانى وهو يقابلها، نور كانت سألت عن ريم قبل كدة وهو حكى ليها أنهم كانوا مرتبطين بس الموضوع انتهى ، زى ما قررت ريم، بس مكنش عنده القدرة إنه يقول لنور إنها رجعت تانى ، جواه صراع ومش قادر يحسم أموره فعلاً .

إحساسه ومشاعره كلها عبارة عن ريم ، كان بيحس دايمًا إن هو ضيف على نفسه وعلى روحه وعلى جسمه وهو عبارة عن ريم ، كل حاجة فيه ريم ، مكنش مهم عنده وجعه تعبته كسرتة ، مكنش مهم أى حاجة حصلت غير إنه خايف يخسرنا زى ما كان طول عمره بيتربع من مجرد الفكرة لو جت فى باله ، إنهم مش هيبقوا سوا وده يصور لنا قد إيه كانت صدمته فيها وفى كلامها عن الفراق التدريجى والخطة العظيمة اللى وضعتها ريم عشان متتوجعش لما تسيبه .

نور في أول علاقتهم كانت رافضة تماماً فكرة الجواز وكانت شايقة أنها تعبت جداً في تجربة جوازها، وطلبت ده من آدم بشكل صريح من غير كسوف ، وكانت حاطة في الاعتبار أنه متجوز وعنده ولاد وببيت ومش عايزة مشاكل ، طلبت منه يخليهم في الوضع ده أحسن ، وبعيداً عن طبيعة العلاقة إذا كانت صح أو غلط ده كان هيبقى وضع مريح أكيد لأي راجل عنده كل ده مع ست تجنن زى نور وكم ان هي اللي بتطلب أنها مش عايزة تفتح موضوع الجواز .

نور كانت بتقول لأدم دايماً إنها بتحبه ويمكن يكون هو رد "وأنا كمان"، بس هو كان عايز يحسسها إنه قريب زيها، كان قبل رجوع ريم نفسه فعلاً يحسسها، بس مقدرش يحس الكلمة بجد رغم أن في ناس بتقول لناس بحبك بعد أيام ، بس مش دى المشكلة ، المشكلة أن الناس اللي بيتقال لها كدة بتصدق أن ده حب فعلاً .. الحب ده حاجة أكبر من حماس البداية وإحنا بنبين أحسن ما فينا وإحنا بتتصرف بالشوكة والسكينة عشان نبان حلوين ،

وإحنا بنعمل كل حاجة ملفتة وجميلة عشان نظهر أحسن صورة ممكنة لينا ،
 الفترة إللى فيها كلام حلو وتصرفات مبهرة وخروجات حلوة ومفاجآت
 وهدايا وأغانى ، ده مش حب ، دى اسمها فترة إظهار أجمل ما فينا وإثبات
 أننا أحسن حد فى الدنيا بمواقف جذابة وتطمئن ، دى الفترة اللى بنشوف
 فيها الحلو بس من الطرف التانى ، عشان ميكنش بينا لا موقف ولا خناقة
 ولا عشرة ولا مشكلة حقيقية يبان فيها طباعنا اللى بجد ، دى فترة حماس
 البدايات .

الانسان مينفعش يجب فى أيام أو أسبوع ولا فى شهر ولا حتى فى سنة ،
 الحب عاوز مشاكل كتير وأزمات ، عاوز تعب ، عاوز فترات سيئة ومواقف
 صعبة ، محتاج عشرة طويلة عشان يبقى حب بجد نقدر نبني عليه حكاية
 بجد .

يعني باختصار وعلى رأي الدكتور ابراهيم الفقي " الحب بيدأ عندما
 ينتهي الحماس " مينفعش تقول إنك بتحب البحر وأنت واقف على الشط ،
 لازم تنزل البحر ، تعوم فيه ، تضربك الأمواج ، تبلع مية مالحة ، تجرح
 رجلك بالصخر ، تشوف العتمة اللى بالقاع، لما ترجع على الشط هتشوف

البحر بشكل مختلف ، مش هتشوفه مثالي ، إنت شفت عيوبه وظلامه
وغضبه ، يا إما هتكره البحر ، يا إما هتفضل تحبه بكل حاجة فيه ..

لهفة البدايات مش حب يا جماعة واللي ما غاصوش ف البحر ..

ماحبهوش !.

رغم أن آدم كان متأكد جدا أن نور مش بتكذب ، إلا أنه كان متأكد أن
مش ده الحب إالى بجد من جوة القلوب إالى عارفه وحسه وعاشه مع ريم
مثلاً.

الأحداث كانت بين نور و آدم كانت كثير رغم المدة القصيرة جداً ،
كانت ست ب ١٠٠ راجل مواقف يمكن بينت ده ، رغم فرحه معاها في
خروج أو فسحة أو قعدة سوا أو حتى علاقة ، إلا أنه كان دايبا حاسس أن
في حاجة نقصاه.

علاقتك مع شخص بتحبه مهما كان إلى بيحصل معاه بسيط بيكون
طعمه يفرح أكثر ألف مرة من طعم أى حاجة مهما كانت كبيرة مع حد تانى
لمجرد أنه كويس وبيحاول يراضيك أو بيقولك دايماً إنه بيحبك.

يعنى باختصار آدم وريم فى أى حاجة غير آدم ونور فى أى حاجة،
وأكيد المقارنة صعب ومستحيل ومش هتنفع أصلاً، زى ما أكيد لوريم
كانت مشيت وارتبطت بأى حد تانى مستحيل هتكون مع الشخص التانى
مهما عملت معاه أو راحت معاه لآخر الدنيا زى ما كانت مع آدم، أكيد مع
آدم رغم بساطة كل حاجة بينهم الموضوع مختلف، وهى دى الحكاية اللى
كثير مش بيقدروا ياخدوا بالهم منها ولا يشوفوها إلا لما للأسف تحصل
وتكون تجربة واقعية فعلاً، وقتها بس بيحسوا بندم لأن الإحساس ده أغلى
حاجة فى الدنيا ربنا خلقها لنا، إحساسك بالسعادة بالشكل ده مع حد
صعب تعيده أو تعمل منه نسخة تانية مع شخص تانى ببساطة كدة وتحط
واحد مكان واحد فى أيام أو فى شهور أو حتى سنين.

المهم آدم سكت وهو يفكر، إحساسه مع ريم مليون تأنيب ضمير وحتى لما ريم قالت له "واحشنى حضنك، عايزة أكون معاك"، وفعلاً كانت هي كمان وحشاه جداً وقعد معاها وخدها جوة حضنه زى زمان، مكنش قادر يكون طبيعي، ضميره بيموته وهو معاها في أجمل وأحلى حاجة في الدنيا حس بيها مع الست اللي مش ممكن تتكرر أبداً وإحساس مش ممكن يتكرر أبداً، ريم كانت سقف المتعة اللي مستحيل تتوصف وإنه إزاي وهي جوة حضنه بيحس إنه عايش حالة من حالات السعادة اللي مستحيل تتوجد في كوكب الارض كله لأن في ريم واحدة بس وهي معاه هو وبس، وده مكنش عشان هي تجنن كست وكأنتي بس، ده لانها فعلاً كدة، ده كمان عشان إحساسها بيه وحبها له وحبه ليها وقربهم من بعض في كل حاجة بيخلق بينهم إحساس جميل يخلي أكبر كتاب العالم صعب يوصفوه، لحظات وجودهم سوا قد إيه بتكون أعلى وأسمى من مجرد علاقة بين ست وراجل، رغم كدة مقدرش وقالها يلا ننزل ندخل سينما في فيلم جديد أجنبي حلو أوى، ريم استغربت أوى وحست بالخرج، آدم يقول ننزل واحنا كدة وفي وضعنا ده واحنا لسة جايين نقعد سوا، وبقالنا مدة مكناش مع بعض، حست بحاجة مش صح بس مسألتهوش، هي عارفاه كويس وعارفة قد إيه وجودها معاه فارق وخصوصاً وهو في حضنها، وعارفة قد إيه دي

حاجة هي مهمة عنده ويحلّم بيها كل يوم حتى وهي معاه ، مكنش بيشبع منها أبداً ، حُضنها وإحساسه وراحتة جواه بيخليه طاير ، يا ترى في إيه ، ليه آدم مش هو آدم .

فعلا نزلت معاه ودخلوا سينما واتغدو سوا وكل ده وريم بتفكر يا ترى إيه اللي حصل ، ريم ابتدت تشك فيه في نفس الوقت اللي نور ابتدت تشك فيه لانه تقريباً مبقاش قادر يلمسها هي كمان ، إحساس غريب بالذنب ناحية نور وإحساس بالزعل والعتاب ناحية ريم لانها السبب في كل ده .



آدم بقى مش طبيعي مع الاتنين، وبالنسبة لمراته هو مش عايش معاها أصلا فطبيعي تكون مش حاسة أو يمكن حاسة بس مش مهمة .

نور حسّت إن في حاجة غريبة بتحصل وأنه بيبعد عنها ، بس هي مكنتش بتضغظ عليه ولا بتحاول تسأله حتى ليه مبقتش معايا زى الأول ، ويمكن هو كمان مكنش حابب يخوض في مناقشة زى دى لانه كان هيتكلم بصراحة ودى يمكن الميزة اللي كانت فيه ؛إنه كان صريح ومش بيحب

يكذب ، كان ممكن يخبى ، بس لما تسأله بجهد هيجابوك ويقولك الحقيقة خصوصاً لو الحقيقة دى هى باينة زى الشمس عليه وعلى تصرفاته وهى أن ريم لسة موجودة ومش هيقدر يسيبها ولا يتخلى عنها، حتى لو هى فى وقت معين عملت ده ، بس هو ساحمها ، ساحمها لأن الطبيعى أنك تسامح اللى بتحبه خصوصاً لو بتحبه بالشكل ده.

بس ريم معملتش زى نور وسكتت أو اعتقدت أنها سكتت ، عملت العكس؛ فضلت تدور وتحاول تعرف فيه إيه لحد ما شكت أن فى حد اسمه نور ممكن يكون آدم بيتعامل معاه بشكل مختلف شوية وجت لآدم وسألته عنها ، وعلى الرغم من أنه مش بيقدر يكذب عليها إلا أنه قال دى حد عادى صداقة مش أكثر ، وكانت أول مرة يكذب، ويمكن تكون كانت آخر مرة كمان لانه مستحيل يكذب على ريم ، هو مقدرش يقولها عشان خاف عليها، خاف يجرحها على الرغم من أنها هى السبب من الأول فى المشكلة دى، خاف يقولها انتى السبب يا ريم، خاف على وجعها ، حبه ليها كان مخليه مش عارف يتصرف وكان تقريباً حسم أموره وأخذ قراره أنه ينهى علاقته بنور، إلا أن فى نفس الوقت ده بتحصل مشكلة كبيرة جداً عند نور توتر الموضوع كله.

عدت المناقشة بين آدم وريم عن علاقته بنور بشبه عدم اقتناع من ريم ، إلا أنها صدقت عشان كانت عايزة تصدقه وعشان كمان عارفة أن عمره ما كذب عليها أبدا قبل كدة وأكد الموضوع مش أكثر من صداقة زى بنات كثير كانت بتشك فيهم قبل كدة وكانت بتتأكد بحاجات كثير إن فعلاً مفيش أي حاجة بينهم، بس للأسف المرة دي الوحيدة كان شكها في محله .

صحي آدم تاني يوم يفتح تليفونه لقي رسالة من صديقة نور بتقول له فيها إن نور كانت حامل وراحت المستشفى وحصل مشكلة والحمل انتهى، طبعا كانت صدمة بالنسبة لآدم ومكنش فاهم مين دي ولا إيه الموضوع، حاول يكلم نور وتليفونها مغلق طول اليوم، راح لها البيت مش موجودة، بقى هيتجنن وخصوصاً أن حتى موييل صاحبته كمان مغلق وهو مش عارف يتصرف ولا فاهم أي حاجة.

وبعد الساعة ١٢ مساء لقي نور بتكلمه وبتقول له كنت حامل وأجهضت الحمل، طبعا مفهمش ليه مقالتلوش، بس ده اللي حصل وكان همه أنه يطمئن عليها، وراح لها تاني يوم الصبح لأنها كانت بايئة مع حد من

أصحابها عشان متكنش لوحدها وهى تعبانة، وأول ما روحت كان عندها ، بس هى متكلمتش عن الحمل ولا الإجهاض، هى اتكلمت معاه فى موضوع تانى خالص.

نور بعد ما كانت رافضة فكرة الجواز وشارطة على آدم من الأول إنها مش حابة أنهم يفتحو الموضوع ده نهائى لقاها هى اللى بتفتح الموضوع وبشكل مباشر وبتقول له: آدم ، أنا بحبك ومش هقدر أعيش من غيرك تانى. طلبت أنهم يتجوزا حتى لو فى السر عشان بيته وولاده، آدم اتفاجىء ومبقاش عارف يرد ، كل اللى قاله نظمن عليكى الأول وبعد كدة نشوف أى حاجة تانى ونعمل كل اللى يرضيكى، واطمن عليها ومشى.

مشى وهو مش فاهم إيه اللى بيجرى ده وأنا هعمل ايه ، أنا كنت مستنى فرصة عشان أقول لها إنى رجعت لريم، مبقاش طبعا عارف يقول ده إزاي دلوقتى خصوصا بعد موضوع الحمل وكمان إنها طلبت منه الجواز وإنها مش هتقدر تعيش من غيره ونفسها تكمل عمرها معاه، آدم حس فى اللحظة دى قد إيه هو شخص سييء وأنانى ومفكرش غير فى نفسه وبس لما ابتدى علاقة مع نور وهو لسة بيحب ريم، ويرجع يرد على نفسه ويقول أنا مكنتش عارف إن ريم هترجع بعد فترة قصيرة وكأن مفيش بينا حاجة

حصلت وتنسى كلامها إلى كسرتك بيه وتتعامل عادى جداً وانت مقدرتش تقولها حتى عملتى كدة ليه، كان محتار وحزين وضميره واجعه ومش لاقى حل.

أى حاجة فى الدنيا ممكن كان آدم يتوقعها فى اللحظة دى ، إلا أنه بالليل وفى نفس اليوم نور تبعت لريم رسالة وتطلب منها تتكلم معاها ، ويتكلموا وريم طبعاً تتصدم أن فى حاجة بين نور و آدم زى ما كانت شاكة ، ونور تتأكد من إحساسها أن آدم رجع يتكلم مع ريم تانى، يعنى ببساطة الموضوع بقى فيه مشاكل كبيرة وهو نفسه مش عارف ولا متخيل ممكن يحصل إيه بس كل اللى كان بيشغل باله فى اللحظة دى، ريم وإزاي هتشوفه وإزاي هو كذب عليها ، الموضوع بقى متشابك.

ريم كلمته وهى منهارة ونور حكت لها عن كل حاجة بها فيها موضوع الحمل اللى آدم عرفه من خلال رسالة من موبيل اكتشف بعد كدة أنه مش رقم صاحبة نور ولا حاجة وده رقم موبيل شغل نور ومكش يعرفه ودى كانت صدمة بالنسبة له لانه ابتدى يشك فى موضوع الحمل كله خصوصاً

أنه مشفش اى حاجة عنه ولا أى دليل عليه غير رسالة اتقال إنها من صاحبة نور وفي الآخر طلع مش كدة.

ريم قفلت وهى منهارة وهو مش عارف يقول لها غير حقك عليا كان غصب عنى أنا غلطان وسامحيني وأنا محبتش غيرك بس ضعفت وكنت تايه من غيرك ، إوعى تبعدى عنى أنا مش هقدر أكون فى الدنيا دى لوحدى من غيرك. ودي فعلاً حقيقة هو بيبكون من غيرها ضايع وتايه ومش شايف أى طريق.

بعد مكالمة ريم أكيد كانت المكالمة للطرف الباقي فى الحكاية وهى نور ، بس كانت على عكس ريم، كانت فى منتهى الثبات وبتتكلم بمنتهى الثقة عن الموضوع وأنها شايفة أن ريم موضوع لازم يخلص بشكل ودى من غير مشاكل وأنهم لازم يكملوا سوا وكانت بتحاول تقنعه بده بكل الطرق ، وكلمته تانى يوم مكالمات استمرت بالساعات ، مكالمات لوم وعتاب وأنت إزاي ترجع لها واحنا سوا واحنا مش ناقصنا حاجة، ليه ترجع تانى لواحدة هى اللي بعدت عنك.

آدم رد على نور بجملة واحدة حاول يفهمها بيها أنه مش هيقدر على
 زعل ريم، سألته يعنى إيه، رد بشكل قاطع ((هروح لريم يا نور سامحيني
 مش هينفع أعمل غير ده لاني بحبها))

آدم راح لريم في نفس اليوم تحت شغلها وكلمها تنزل له وكانت
 أصعب مقابلة ممكن تحصل لراجل بيحب ست بالشكل ده،

أنا بحبك وعارف إني غلط ، سامحيني بس أنا كنت من غيرك مش
 عارف أعمل إيه انتي اللي سبتيني ، سبتى ابنك يتوه من غيرك وغصب عنه
 غلط ويوعدك مش هيغلط تاني بس سامحيني وخلينا نبقى سوا زي زمان .

ريم مكنتش بترد، كانت بتعيط ودموعها نازلة سيول بالظبط زي ما
 كانت دموع آدم بتجري زي النهر ، ومن غير ولا كلمة ريم من غير متحس
 ضربته بالقلم، قلم صدمه بس خدته جوة حضنها بعده وقالت له : حقك
 عليا أنا عارفة اني قصرت معاك وغلطت في حقك لما بعدت عنك، وهو
 جوة حضنها تقريبا كان كل حاجة اتصلحت بينهم، كان خلاص حس أنه
 فعلا بقى جوة الحضن اللي ياما طمنه، بحبك يا ريم وعمري ما هكذب

عليكى تانى، وده فعلا حصل ، آدم من اللحظة دى مكذبش عليها ولا مرة فى عمره وكان موضوع نور أول وآخر مرة.

للأسف حصل مكالمات تانى بين نور وريم، كانت نور بتحاول تقول حاجات عنه تخلي ريم تتهز من ناحيته، على الرغم من أن الكلام مكنش بالمعنى ده ، نور كانت حبه أو اتعودت عليه، مكنتش عايزة تخسره وكانت متخيلة أنه ممكن يختارها لامكانيات كتير وحاجات كتير عندها مش عند ريم، بس مكنتش فاهمة أن حب آدم لريم أكبر وأهم وأعلى من أى إمكانيات فى الدنيا، وأخيراً اقتنعت نور أن آدم مش هيرجع وريم هى حبيبته فعلاً ومش هيفرط فيها تحت أى ظرف ، وختمت كلامها معاه أنه صفحة سودة فى حياتها وهتقطعها ومش عايزة تشوفه تانى .

آدم مكنش سهل عليه يسمع الكلام ده على الرغم من أنه عارف أن نور معذورة وأكيد من حقها تقول أكثر من كدة كمان، بس فى نفس الوقت ابتدى يشك فى اللى حصل فى الأيام الأخيرة عن موضوع حمل مشافش أى مؤشرات له ورقم تليفون صاحبته اللى فجأة اكتشف أنه بتاعها وأنها

بتحاول تقنعه أن ريم مش مناسبة له وأنا هي اللي تكلم ريم وتحكي لها كل حاجة وخصوصاً موضوع الحمل المريب ده، ابتدى يشك أصلاً أن كان فيه حمل، بس في نفس الوقت مش عايز يظلمها لانه معندوش دليل على ده ولا هي الست اللي ممكن تخطط لحاجة زي دى، بس في نفس الوقت مفيش أى دليل على الحمل.

بعد آخر كلام بين نور وأدم الموضوع انتهى تماما ومتكلمش معاها ولا مرة ومرجعش عندها تانى ، رجع لريم أو بالمعنى الصحيح ريم هي اللي رجعت له وكانت بتحاول تعوضه غيابها والمشكلة اللي حصلت بسببها. كان أول مرة يكونوا جوة حضن بعض بعد المشكلة دى ما خلصت وكان أجمل رجوع مع أجمل ست في الدنيا ، يوم مستحيل يتنسي ، ريم كانت أجمل من اى يوم تانى ، روحها الحلوة وطعمها المستحيل يتوصف ، حضنها وحنيتها شقاوتها ، عياط آدم وريم جوة حضن بعض وهما في أجمل لحظاتهم وإحساسها بالذنب ناحيته وإحساسه قد إيه وجعها. وعاهد ربنا إنه عمره ما هيوجعها تانى ومهما قالت من كلام عن بُعد وإنهم يسيبوا بعض مش هيصدق ، وإن وجودهم سوا ده قدر ومستحيل يحصل غير إنهم سوا،

وجوازهم حتى لو اتاخر شوية بس لازم يتم تحت اى ظرف وهو مش عايز غيرها وهى بس حبيته. وفضل واثق ومسلم بده ومفيش اى فكرة أو اى حاجة تحصل فى الدنيا ممكن تخليهم يغيروا اتفاقهم الى مضوا عليه بدموعهم وهما جوة حضن بعض فى أجمل يوم حصل فيه علاقة بينهم.

ساعات كتير تأثير حد علينا بيخلينا نتصرف تصرفات من غير ما نحس بتكون غلط ومؤذية لينا، بس الأصعب لو التصرفات دى كانت سبب فى أذى ناس تانية ملهاش ذنب، آدم رجع لريم، بس فضل سنين بعدها ضميره بيتألم على قصة نور ووجعها وإحساسها الى اتكسر بسببه، نور مكنتش تستاهل ده، بس للأسف ساعات بيحصلنا حاجات صعبة عشان نتعلم منها حاجة، والى حصل ده زى ما هو صعب على نور وعلمها حاجة، أكيد كان صعب جدا على آدم وعلمه حاجات كتير أولها أن ريم مهما بعدت عنه أو زعلت منه مستحيل يصدق أنها هتمشى، أصل الى بيحبوا بعض زيهم صعب يتفارقوا، بقى خلاص ده اليقين الى عايش بيه، ريم معايا لآخر عمرى ومش هنبعد حتى لو زعلت شوية هسيبها تهدي وأكيد مش هتقدر تبعد عنك زيك بالظبط، بس يا ترى بعد الرجوع القوى بين ريم وآدم ده هيكون فعلا آخر القصة على كدة وأنهم هيتجوزوا وآدم هيحقق

حلّمه بالبيت اللى نفسه فيه مع الست الحلم الاكبر بالنسبة له ، ولا هيحصل حاجة تخليه يندم أنه ساجحها في يوم من الأيام وأنه عالج نفسه ووجعه وكسرتة منها وهى جوة حضنه من غير حتى كلمة عتاب ليها ومن غير يمكن ما تحس أنه فضل مدة طويلة شايل جواه ووجع وجرح وساكت.

يمكن السنين الجايين تبين كل حاجة مع الوقت ، مين عارف يمكن فعلاً يتجمعوا في بيت واحد ويقفوا أسعد زوجين زى ما هما بيتمنوا ، أو يمكن ميحصلش والدنيا تغير حد فيهم وحكايتهم متكملش وتبقى زى حكايات كثير خلصت بجرح ووجع بعد سنين كثير مليانة أحداث أكثر يمكن من عدد أيام سنينها.

"حقك عليا" ، كان لازم ريم تقول لها لآدم وآدم كان لازم يقول لها لنور ألف مرة يمكن تسامحه، زى ما قالها لريم كثير جدا رغم أنها كانت سبب غلطه.

"حقك عليا" ، دى جملة عظيمة وغريبة في نفس الوقت، جملة تقدر تداوي جرح حد بتحبه بيها لما تقولها بصدق ويحسها منك ويشوف ندمك في حروفها وفي عينك وأن غلطك في حقه مكنش مقصود وأن كلنا بشر-

وبنغلط ويسامحك وياخذك في حضنه عشان بيعحك بجد ، وساعات كتير بتقولها لحد رغم أنه هو المفروض يقولها لك بس عشان أنت بتجبه أكثر ومش فارق معاك مين يقول لمين ومش عايز تخسره ونفسك تصالحه وتحسسه بقيمته عندك حتى لو هو الغلطان، والعكس تماماً كتير المفروض يقولوها بس للأسف مش بتتقال عشان إحنا برضو من كتر حبالهم بنعاملهم معاملة مش بيعسوا بغلطهم لحظة وتتفاجىء أنهم يقولوا أن ضميرهم مرتاح وأنهم مش غلطانين، بس الأکید لازم هيجى وقت سواء بعيد أو قريب وكل واحد هيعرف هل كان المفروض يقول حقك عليا ولا كان لازم يتقال له حقك عليا.

الحياة مليانة حاجات كتير بتخلينا نقف عندها مذهولين ومش فاهمين هو ده بجد بيحصل ولا لأ.

الخاتمة

أكثر ناس بنيجي عليهم هما أكثر ناس حبونا وفي الغالب برضو
بيكونوا أكثر ناس حبيناهم، بس للأسف مع الوقت بيحصل وبشكل
تراكمي أن الشخص ده رغم أنه بيحبك جداً ومستحيل تتصور أنه يستغنى
عنك وده يمكن يكون من أهم أسباب أنك مش شايفة بالقدر اللى مفروض
تشوفه به والمكانة اللى كان لازم يتحط فيها بيخليك من غير قصد متركزش
فى زعله مرات كثير وجرحه مرات أكثر ، بتبقى ضامن وجوده بشكل كبير
بس للأسف التراكم فى كل المواقف دى مع الوقت بيعمل حاجة أنت بتظن
أنها حاجة مفاجأة بس للأسف هى مش كدة ، هى حاجة أنت بنيتها بإيدك
مع الوقت، زرعة أنت سقيتها وكبرتها يوم بعد يوم بكامل إرادتك لحد ما
بيجي اليوم اللى متلاقيش فيه الشخص ده وكأنه بقى حد تانى ، مش
سامعك مهما تنادى مش شايفك مهما تشاور مش حاسس كلامك مهما كان
صادق ، هتحس الغربة والوحدة والوحشة، إحساس يوصل لإحساس
اليتيم ويمكن أكثر وأنت شايف بعينك أعلى وأحلى وأهم شخص مر فى
حياتك مبقاش موجود، عشان كدة لازم ندور حوالينا دلوقتى ونشوف مين
الناس دى وناخد بالناس كويس جدا من تصرفاتنا معاهم وإزاي نحسسهم

بالتقدير والحب ونعبر عنه ليهم باستمرار لأننا كلنا كبشر بنكون محتاجين
 نحس مشاعر من اللى بنحبهم عشان نفضل مصدقين فعلا أنهم لسة بيحبونا
 عشان نشوف شكلنا حلو معاهم وبيهم عشان منقدهش إحساسنا بالونس
 بيهم والالفة والراحة فى وجودهم، خد بالك قبل ما ييجي وقت وتندم على
 حد ويبقى كلامك كله عنه مش معاه، يبقى كل كلامك عنه بصيغة الماضي،
 قبل ما يبقى كل كلامك إحساس بالذنب والوجع واللوم لنفسك، لسة فى
 فرصة لناس كتير تحافظ على أهم ناس فى حياتها.

كتير بعد نهاية الحوادث أكثر حاجة بتألنا أو بنعتقد أنها بتألنا وتوجعنا
 هى الذكريات والحاجات اللى بنقعد نفتكرها طول الوقت وقد إيه كان
 إحساسنا وفرحتنا وقتها مع الناس اللى مبقوش موجودين معانا دلوقتى
 وبتمنى نرجع للحظة دى حتى لو مرة واحدة بس نحضنهم فيها ونمشى ،
 بس الحقيقة أن الذكريات دى حاجة حلوة وبتثير فى نفوسنا مشاعر جميلة
 لأنها رجعتلنا وقت كنا فيه مبسوطين ، صحيح مبقاش موجود دلوقتى
 ومش متاح يتكرر تانى، بس هو كان حاجة حلوة وبعد شوية وقت كبير
 هتلاقى نفسك تفتكر اللحظات دى وتبتسم ، الوقت ده بعد ما هتكون
 بطلت تسأل الأسئلة اللى بتيجى فى بالك مع الذكريات دى ،اللى بيتعبنا

ويوجعنا وقت الحنين ده هي الأسئلة اللي ملهاش إجابات واضحة لينا من الشخص التانى وهو ليه عمل كدة ولية مكش تصرفه مختلف فى حاجات كتير ، جايز تكون انت شايف أنه غلط فيها، الأسئلة المصاحبة للذكريات وعدم وجود إجابة هو ده المؤلم مش الذكريات نفسها.

عشان كدة زى ما قولت بعد شوية سنين تعدى هتهدا الأسئلة دى أو يمكن يكون الزمن جاوب عليها، هتلاقى نفسك سعيد بذكرياتك الحلوة مع حد حبيته بجد و كنت مبسوط معاه من قلبك.

متلومش حد مشى ومتسألش حد مبقاش موجود عشان ولا اللوم هيفيد ولا الأسئلة هيتجاوب عليها.

افرح أنك كنت فى وقت فى حياتك مبسوط كدة مع حد كدة و كنت منور معاه بالشكل ده.

افرح أنك حسيت لحظات حلوة غيرك ممكن يكون عاش عمره كله لحد لما مات محسش ربعها، خليك مؤمن أن القدر والنصيب هو اللي خلاك تقابل الشخص ده عشان تفرح بيه ومعاه لحد وقت معين وتتعلم درس معين لما يمشى ، كل حاجة فى الدنيا ليها سبب ومفيش حاجة صدفة.

متحزنش على ناس مشيت و متزعلش منهم لأنهم أكيد عملوا اللي يقدروا عليه زى ما أنت عملت اللي تقدر عليه وقتها، ونهاية الحدوتة ده

مقدر ومكتوب حتى لو مكنش حصل بينكم مشكلة واحدة ، ربنا لو رايد تكمل هتكمل رغم كل حاجة وأى حاجة حصلت بينكم مهها كانت كبيرة ومهها حصل بعدها هترجعوا تاني ويمكن أحسن من الأول، وبرضو لو ربنا رايد نهاية للحكاية دي هتخلص حتى من غير مشكلة واحدة ومن غير أى سبب منطقي .

عشان كدة لازم ترضى وتفرح بالحلو الى عيشته ومتسألش ومتعاتبش حد مبقاش معاك عشان هتتعب .

ارتاح وقول الحمد لله وارضى بالقدر والنصيب وقول لحبيبك حتى لو أنت مش غلطان: "حقك عليا".

الضهرس

٧.....مقدمة

(الحدوتة الأولى)

١١.....ست البنات (جميلة)

(الحدوتة الثانية)

٦٩.....الاستثنائية (سارة)

(الحدوتة الثالثة)

١٢٥.....(الروح الحلوة) ريم

١٦٣.....الخاتمة



رسالتنا في المكتبة العربية للنشر والتوزيع:

نشر كل إنتاج إبداعي بجودة عالية وأفكار أصيلة تعبر عن هويتنا العربية وتاريخنا العريق، حتى لا ينزف الوعي من ثقوب الذاكرة، بأعمال تحترم قيم مجتمعنا ومعتقداته، لا تساعد في نشر العنف أو العنصرية، ترسخ لمبدأ المساواة والحرية والعدالة، والسعى نحو الارتقاء بالأدب العربي في كافة مجالاته، والوصول به نحو العالمية.